

HECHOS

I melbal jini chocbilo' b_Λ majlel ti subt'an

Tsa' p_Λji letsel ti panchan Jesús

¹ Ti yamb_Λ jun, Teófilo, tsac ts'ijbubeyet pejtelel chuqui tac tsa' caji i mel Jesús, yic'ot chuqui tsa' caji i c_Λntesan ² c'Λ_Λl ti jini q'uin che' b_Λ tsa' p_Λji letsel. Che' b_Λ tsa' ujti i y_Λq'ueñob mandar jini apóstolob yajc_Λbilo' b_Λ i cha'an, Jesús tsi' y_Λq'ueyob mandar ti' p'Λ_Λlel jini Ch'ujul b_Λ Espíritu. ³ Che' cha' cuxulix Jesús, che' b_Λ tsa' ujti i yubin wocol, tsi' cha' p_ΛΛ i b_Λ ti' tojlel jini chocbilo' b_Λ majlel ti subt'an. Wen tsiquil i sujmlél. Cha'c'al q'uin tsi' p_ΛΛ i b_Λ ti' tojlel ili winicob. Tsi' subeyob bajche' an i yum_Λntel Dios. ⁴ Che' temel añob tsi' subeyob: Mach yomic mi la' loq'uel ti Jerusalén. Yom ya'i mi la' pijtan jini subil b_Λ i cha'an lac Tat mu' b_Λ caj i y_Λq'ueñetla. Joñon tsac subeyetla ja'el. ⁵ Juan tsi' y_Λq'ueyetla ch'Λ_Λmja'. Pero Dios mach jalix mi caj i y_Λq'ueñetla la' ch'Λ_Λm Ch'ujul b_Λ Espíritu, che'en.

⁶ Jini cha'an jini temp_Λbilo' b_Λ tsi' c'ajtibeyob: C Yum, ¿mu' ba caj a cha' wa'chocon i yum_Λntel Israel ti ili ora? che'ob. ⁷ Jesús tsi' subeyob: Mach la' wentajic baqui b_Λ ora mi baqui b_Λ q'uin mi caj i yujtel jini, come lac Tat tsi' yotsa ti' bajñel wenta. ⁸ Pero mi caj la' w_Λq'uentel la' p'Λ_Λlel che' mi' yochel jini Ch'ujul b_Λ Espíritu ti la' pusic'al. Ya' ti Jerusalén yic'ot ti pejtelel Judea yic'ot ti Samaria c'Λ_Λl ti ñajt b_Λ pañimil mi caj la' sub chuqui tsa' la' q'uele, che'en Jesús.

⁹ Che' b_Λ tsa' ujti i sub jini t'an Jesús, che' woli to i q'uelob, tsa' p_Λji letsel. Tsa' m_Λjqui ti tocal. ¹⁰ Che' woli' ch_Λn q'uelob panchan, che' woli ti letsel Jesús, tsa'

wa'leyob ti lac'al cha'tiquil winicob sasac ba i pislel. ¹¹ Tsi' subeyob: Winicob, ch'oyolet ba la ti Galilea, ¿chucoch woli la' ch'an q'uel panchan? Jini Jesús, tsa' ba rajyi letsel ti panchan loq'uem ba ti la' tojlel, mi caj i cha' tilel che' bajche' tsa' la' q'uele che' ba tsa' majli ti panchan, che'ob.

Tsa' yajc anti Matías cha'an mi' ch'amben i ye'tel Judas

¹² Tsa' sujtuyob winicob ti Jerusalén. Tsi' c'ayayob wits i c'aba' Olivos lac'al ti Jerusalén. Che'ach i ñajtlet bajche' ojli legua. ¹³ Che' ochemobix ti otot, tsa' letsiyob ti yamba junlajm i mal otot ti chan ba' woli' jijlelob Pedro yic'ot Jacobo, Juan, Andrés, Felipe, Tomás, Bartolomé, Mateo, Jacobo i yalobil Alfeo, yic'ot Simón Zelotes, yic'ot Judas i yijts'in Jacobo. ¹⁴ Ti pejtelelob ti jump'ejl jach i pusic'al woli' ch'an pejcañob Dios yic'ot x'ixicob yic'ot María, i ña' Jesús, yic'ot i yijts'iñob Jesús.

¹⁵ Ti jim ba ora Pedro tsa' wa'le ti ojli ba'an hermanojob. (Tic'al mi wacc'alob ya' añob.) Pedro tsi' subu: ¹⁶ Quermanojob, wersa mi' ts'actiyel i Ts'ijbujel Dios che' bajche' tsi' yala jini Ch'ujul ba Espíritu ti wajali ti' yej David cha'an Judas. Jiñach Judas tsa' ba i toj'esa majlel winicob tsa' ba i chucuyob Jesús. ¹⁷ Come jini Judas tsa' tsijqui quic'ot lojon. Tsa' aq'uenti i ye'tel ja'el. ¹⁸ Tsa' mājñi jamil yic'ot i tojol i mul. Xitil tsa' yajli. Tsa' tojmi i ñac', tsa' loq'ui i soyta'. ¹⁹ Pejtelel año' ba ti Jerusalén tsi' yubiyob chuqui tsa' ujtí. Jini cha'an jini jamil tsa' otsabenti i c'aba' Acéldama, jiñach jamil mambil ba ti tojol i ch'ich'el winic. ²⁰ Come ts'ijbubil ti' juñilel Salmo tac: “La' jochtiyic i chumlib, mach mi' ch'an ajñel winic ya'i”. Ts'ijbubil ja'el: “Jini i ye'tel la' to i ch'am yamba winic”. Che'ach ts'ijbubil. ²¹ Yom wa'chocontic juntiquil tsa' ba i pi'leyonla ti xambal c'alal che' ba tsa' ochi lac Yum Jesús ti lac tojlel c'alal che' ba tsa' loq'ui ti lac tojlel,

²² Juntiquil tsa' bɔ i pi'leyonla ti xɔmbal c'ɔlɔl che' bɔ tsi' yɔc'ɔ ch'ɔmja' Juan, c'ɔlɔl ti jini q'uin che' bɔ tsa' pɔjyi letsel Jesús ti lac tojlel. Juntiquil ili wɔ' bɔ an la quic'ot wersa mi' yɔq'uentel i ye'tel testigo quic'ot lojon cha'an mi' sub ti isujm tsa' cha' ch'o'jyi Jesús. Che' tsi' yɔlɔ Pedro.

²³ Tsi' yajcayob cha'tiquil: José yic'ot Matías. I cha'chajplel i c'aba' José jiñɔch Justo. I jol i c'aba' jiñɔch Barsabás. ²⁴ Tsi' pejcayob Dios. Tsi' yɔlɔyob: Jatet, c Yum, ma' cɔmben i pusic'al pejtelel winicob. Wɔ'an cha'tiquil. Pɔsɔ baqui bɔ ma' yajcan ²⁵ cha'an mi' ch'ɔm i ye'tel ti apóstol tsa' bɔ i cɔyɔ Judas cha'an i mul cha'an mi' majlel ti' yajñib, che'ob. ²⁶ Tsi' cha'leyob yajcaya ti alas. Tsa' yajcanti Matías. Jini cha'an tsa' tsijqui yic'ot jini junlujuntiquil chocbilo' bɔ majlel ti subt'an.

2

Tsa' tili Ch'ujul bɔ Espiritu che' ti' q'uiñilel Pentecostés

¹ Che' i yorajlelix i q'uiñilel Pentecostés, temel añob ti pejtelel ti jump'ejl jach ajñibɔl. ² Ti ora jach tsa' loq'ui t'an ti panchan che' bajche' ju'ucña bɔ ic'. Tsa' ubinti ti pejtelel jini otot ba' buchulob. ³ Ya' ti' tojlel tsa' tsictiyi cabɔl pujquem bɔ alɔ c'ajc. Che' yilal bajche' la cac'. Tsa' c'oti ti' pamob i jol ti jujuntiquil. ⁴ Tsa' laj bujt'iyob ti Ch'ujul bɔ Espiritu. Tsa' cajiyob ti t'an ti yan tac bɔ t'an che' bajche' tsi' yɔq'ueyob t'an jini Espiritu.

⁵ Ya' añob ti Jerusalén judíojob mu' bɔ i ch'ujutesañob Dios. Ch'oyolob ti jujump'ejl lum tac ti yebal panchan. ⁶ Che' bɔ tsi' yubiyob jini ju'ucña bɔ t'an, cabɔl winicob x'ixicob tsi' tempayob i bɔ. Ma'anic tsi' ña'tayob chuqui woli' yujtel, come ti jujuntiquilob tsi' yubiyob i bajñel t'an. ⁷ Tsa' toj sajtiyob i pusic'al. Tsi' yɔlɔyob: Awilan, ¿mach ba ch'oyolobic ti Galilea pejtelel ili winicob woliyo' bɔ ti t'an? ⁸ ¿Bajche' che' jini ti jujuntiquilonla woli la cubin lac

t'an tsa' bλ lac ñopo ti lac ñojte'el? ⁹ Ch'oyolonla ti Partia, yic'ot ti Media, yic'ot ti Elam, yic'ot ti Mesopotamia, yic'ot ti Judea, yic'ot ti Capadocia, ti Ponto, ti Asia, ¹⁰ ti Frigia, ti Panfilia, ti Egipto, ya' ti yan tac bλ pañimil ti Africa ti yambλ junwejl Cirene. Wλ' añob ja'el romanojob ti lac tojlel. Lamital tsi' q'ueleyob pañimil tic lumal lojon. Yaño' bλ tsi' sutq'uiyob i bλ ti judíojob. ¹¹ Wλ' añob ja'el tilemo' bλ ti Creta yic'ot ti Arabia. Ti pejtelelonla mi la cubin ti lac t'an jini ñuc bλ i ye'tel Dios, che'ob. ¹² Tsa' toj sajtiyob i pusic'al. Ma'anic tsi' ch'ambeyob isujm chuqui woli' yujtel. Tsa' caji i c'ajtibebñob i bλ: ¿Chuqui i sujmllel jini? che'ob. ¹³ Yaño' bλ tsi' wajleyob: Yλcobix ti lembal, che'ob.

I subt'an Pedro

¹⁴ Pedro tsa' wa'le yic'ot jini junlujuntiquil. C'am tsi' chale t'an. Tsi' subeyob: Winicob israelob yic'ot pejtelel añet bλ la ti Jerusalén, ubinla c t'an, ñopola. ¹⁵ Come ili winicob mach yλcobic che' bajche' mi la' ña'tan ti la' pusic'al, come bolomp'ejl jax to ora. ¹⁶ Jiñλch chuqui tsi' subu jini x'alt'an Joel:

¹⁷ “Dios mi' yλ: Ti jini cojix bλ q'uin tac mi caj clq'ueñob quEspíritu pejtelel winicob x'ixicob. La' walo-bilob mi caj i cha'leñob alt'an. Ch'iton winicob mi caj i q'uelob chuqui mi' pλsbentelob ti espíritu. Xñoxob la' cha'an mi caj i ñajleñob chuqui tac tal. ¹⁸ Isujm ti jim bλ ora mi caj clq'ueñob quEspíritu c winicob. Mi caj i cha'leñob alt'an. ¹⁹ Mi caj c pλs bλbλq'uen tac bλ ti panchan yic'ot i yejtal tac c p'λtlalel ti pañimil, ch'ich' yic'ot c'ajc yic'ot but's'. ²⁰ Jini q'uin mi cajel i yiq'uesantel, jini uw mi caj i chλc'an che' bajche' ch'ich', che' maxto tilemic i q'uiñilel lac Yum, jini ñuc bλ q'uin mu' bλ caj i tilel. ²¹ Mi caj i yujtel che' an majqui mi' pejcan lac Yum ti' c'aba, mi caj i coltλntel”, che'en.

²² Winicob ti Israel, ubinla jini t'an. Dios tsi' pʌsbeyetla uts'at jini Jesús ch'oyol bʌ ti Nazaret. Come Dios tsi' c'ʌñʌ cha'an mi' cha'len ñuc bʌ i melbal yic'ot bʌbʌq'uen tac bʌ yic'ot i yejtal tac i p'ʌtlal ti la' tojlel che' bajche' la' wujil. ²³ Jini Jesús tsa' ajq'ui ti' c'ʌb winicob che' bajche' tsi' yʌʌ Dios ti wajali. Dios tsi' wʌn ña'ta chuqui mi' caj ti ujtetel. Jatetla tsa'ix la' xic'be xñusa mandarob cha'an mi' chucob Jesús. Tsi' ch'ijiyob ti cruz. Tsi' tsʌnsayob. ²⁴ Che' chʌmenix Jesús, Dios tsi' teche ch'ojoyel, come ma'anic tsa' mejli ti cʌytal ba'an chʌmeño' bʌ.

²⁵ Come David tsi' yʌʌ jini t'an cha'an Jesús: “Tsj q'uele c Yum ti pejtelel ora ti' tojel c wut, come an tic ñoj cha'an xuc'ul mi cajñel. ²⁶ Jini cha'an tijicña c pusic'al tsa cubi, tijicña mic cha'len t'an. C bʌc'tal mi caj i yajñel ti pijtaya, ²⁷ come ma'anic mi caj a cʌy c ch'ujlel ba'an chʌmeño' bʌ, ma'anic mi caj a wʌc' ti oc'mʌl jini Ch'ujul Bʌ a cha'an. ²⁸ Tsa'ix a pʌsbeyon i bijlel j cuxtlal. Mi caj a ñuq'uesan c pusic'al cha'an añet quic'ot”, che'en.

²⁹ Winicob c pi'llob, mic subeñetla ti isujm, lac tat David tsa' chʌmi. Tsa' mujqui ti' yotlel ch'ujlelʌl. C'ʌʌʌ wʌle wʌ'an la quic'ot i yotlel ba' tsa' mujqui. ³⁰ David tsi' subu jini t'an come x'alt'añʌch. Tsi' ña'ta isujm i t'an Dios tsa' bʌ i sube cha'an juntiquil i p'olbal, come loq'uem ti' p'olbal David jini Cristo mu' bʌ caj i buchchocontel ti' yumʌntel. ³¹ David tsi' wʌn ña'ta mi caj i cha' ch'ojoyel Cristo. Tsi' wʌn ña'ta ma'anic mi caj i cʌytal Cristo ba'an chʌmeño' bʌ. Ma'anic mi caj i yoc'mʌl i bʌc'tal ja'el. Jini cha'an David tsi' subu pejtelel jini. ³² Dios tsi' teche ch'ojoyel Jesús. Tic pejtelel lojon testigojon lojon, tsa'ix j q'uele lojon. ³³ Tsa'ix aq'uenti Jesús i ñucler ti' ñoj Dios. Tsa' ts'actiyi i t'an i Tat tsa' bʌ subenti Jesús cha'an mi caj i yʌc' Ch'ujul bʌ Espíritu. Tsa'ix i yʌc'ʌ che' bajche' woli la' q'uel woli la' wubin. ³⁴ Ma'anic tsa' letsi majlel David

ti panchan. Pero tsi' yʌʌ: “Jini lac Yum tsi' sube c Yum: Buchi' tic ñoj³⁵ jinto mi cʌq'ueñet a t'uchtan a contrajob”, che'en.

³⁶ Che' jini, la' i ñopob ti isujm pejtelel winicob ti Israel, Dios tsi' yotsa Jesús ti lac Yum. Jiñach Cristo, jini yajcʌbil bʌ, jini Jesús tsa' bʌ la' ch'iji ti cruz. Che' tsi' yʌʌ Pedro.

³⁷ Che' bʌ tsa'ix ujti i yubiñob jini t'an, ch'ijiyem i pusic'al tsa' cʌleyob. Tsi' c'ajtibeyob Pedro yic'ot yambʌ apóstolob: Winicob, c pi'ʌlob, ¿chuqui yom mic cha'len lojon? che'ob. ³⁸ Pedro tsi' subeyob: cʌyʌ la' mul, ch'ʌmʌla ja' ti jujuntiquiletla ti' c'aba' Jesucristo, cha'an mi' ñusʌntel la' mul. Che'i mi caj la' wʌq'uentel Ch'ujul bʌ Espíritu ti la' majtan. ³⁹ Albilix, mi caj la' wʌq'uentel jini Espíritu jatetla yic'ot la' walobilob yic'ot año' bʌ ti ñajtʌl, che' bajche' jaytiquil mi' pʌjyelob tilel cha'an lac Yum Dios, che'en.

⁴⁰ Anto cabʌl t'an tsa' bʌ i subu Pedro. Tsi' xic'beyob. Tsi' subeyob: Taja la' coltʌntel cha'an mi la' cʌy la' mel che' bajche' sajtemo' bʌ, che'en. ⁴¹ Jini tsa' bʌ i jac'beyob i t'an tsi' ch'ʌmʌyob ja'. Ti jini jach bʌ q'uin tsa' ochiyob che' bajche' uxp'ejl mil winicob x'ixicob.

Pejtelel tsa' bʌ i ñopoyob temel añoob

⁴² Tsi' chʌn ubibeyob i cʌntesʌbal jini apóstolob. Tsi' wen c'uxbiyob i bʌ. Tsi' chʌn xet'eyob waj. Tsi' chʌn pej-cayob Dios. ⁴³ Tsa' cajiyob ti bʌq'uen ti jujuntiquil. Cabʌl ñuc tac bʌ i ye'tel tsi' meleyob jini apóstolob. Tsi' pʌsʌyob cabʌl i yejtal tac i p'ʌtʌlel. ⁴⁴ Pejtelel tsa' bʌ i ñopoyob, temel añoob. Pejtelel i chubʌ'an i tem cha'añoob jach. ⁴⁵ Tsi' choñoyob i chubʌ'an yic'ot i lum. Tsi' t'oxbeyob i bʌ cha'an mi' yʌq'uentelob jini mach bʌ añoob i chubʌ'an. ⁴⁶ Temel tsa' chʌn ajniyob ti Templo ti jujump'ejl q'uin. Tsi' xet'eyob waj ti' yotot tac. Temel tsi' cha'leyob we'el. Tijicña i pusic'al ti jujuntiquil. Jump'ejlob jach i pusic'al.

⁴⁷ Tsi' subuyob i ñuclél Dios. Ti pejtelel tejclum uts'at tsi' q'ueleyob winicob x'ixicob. Ti jujump'ejl q'uin lac Yum tsi' p'ojlesa xñopt'añob woli bλ i coltλntelob.

3

Tsa' lajmi winic mach bλ wenic i yoc

¹ Temel tsa' letsiyob majlel Pedro yic'ot Juan ti Templo ti' yorajlel oración ti och'ajel q'uin. ² Juntiquil winic mach bλ wenic i yoc c'λλl che' bλ tsi' yila pañimil tsa' pλjyi tilel. Ti jujump'ejl q'uin tsi' γλc'λyob ti' ti' Templo, i c'aba' I T'ojol Bλ, cha'an mi' c'ajtibeñob taq'uin jini mu' bλ i yochelob ti Templo. ³ Jini winic, che' bλ tsi' q'uele Pedro yic'ot Juan woli bλ i yochelob ti Templo, tsi' c'ajtibeyob taq'uin. ⁴ Pedro yic'ot Juan tsi' q'ueleyob. Pedro tsi' sube: Q'ueleyon lojon, che'en. ⁵ Jini winic tsa' caji i wen q'uelob. Woli' pijtan mi an chuqui mi caj i γλq'uentel.

⁶ Pero Pedro tsi' sube: Ma'anic c taq'uin. Ma'anic c cha'an oro. Jini jach mi cλq'ueñet chuqui an c cha'an. Ti' c'aba' Jesucristo, jini ch'oyol bλ ti Nazaret, ch'ojyen, cha'len xλmbal, che'en. ⁷ Pedro tsi' chucbe ñoj bλ i c'λb. Tsi' teche ch'ojyel. Ti ora jach tsa' p'λt'a i yoc yic'ot i bic' i yoc. ⁸ Tsa' xijt'i ch'ojyel. Tsa' wa'le. Tsa' caji ti xλmbal. Tsa' ochi ti Templo yic'otob. Tsi' cha'le xλmbal, tsi' cha'le tijp'el. Tsi' subu i ñuclél Dios. ⁹ Pejtelel winicob x'ixicob tsi' q'ueleyob wolix ti xλmbal jini winic. Woli' sub i ñuclél Dios. ¹⁰ Tsi' cλñλyob jiñλch tsa' bλ buchle i c'ajtin taq'uin ya' ti' ti' Templo, i c'aba' I T'ojol Bλ. Tsa' toj sajtiyob i pusic'al. Tsi' cha'leyob bλq'uen cha'an jini tsa' bλ melbenti jini winic.

I subal Pedro ti' corredor Templo

¹¹ Che' chuchbil Juan yic'ot Pedro i cha'an jini winic tsa' bλ lajmesλnti, ti ajñel tsa' tiliyob pejtelel winicob x'ixicob

ya' bλ añob ti corredor i cha'an Salomón. Tsa' toj sajtiyob i pusic'al. ¹² Pedro che' bλ tsi' q'ueleyob tsi' subeyob: Winicob ti Israel, ¿chuchoch mi' toj sajtel la' pusic'al cha'an tsa'ix p'λt'a i yoc jini winic? ¿Chuchoch mi' la' ch'ujch'uj q'uelon lojon che' bajche' mi' tic bajñel p'λt'alel, tic bajñel uts'atlel, tsa cλq'ue lojon i p'λt'alel ti xλmbal ili winic? ¹³ I Dios Abraham, i Dios Isaac, i Dios Jacob, i Dios lac ñojte'el tsa'ix i tsictesa i ñuclél i Yalobil, jiñλch Jesús. Jatetla tsa'ix la' wλc'λ ti' c'λb i contra. Tsa' la' ts'a'le ti' tojlel Pilato, che' bλ tsi' ña'ta i yλc' ti' colel. ¹⁴ Jatetla tsa' la' ts'a'le jini Ch'ujul Bλ, jini Toj Bλ. Tsa' la' c'ajtibé Pilato cha'an mi' yλc' ti' colel stsλnsa. ¹⁵ Tsa' la' tsλnsa jini mu' bλ i yλq'ueñonla laj cuxt'alel. Testigojon lojon, Dios tsi' teche loq'uel ba'an chameño' bλ. ¹⁶ Cha'an ti' c'aba' Jesús mu' bλ c' ñop lojon tsi' taja i p'λt'alel jini winic mu' bλ la' q'uel mu' bλ la' cλn. Jesús tsi' yλq'ueyonla lac ñop. Jini cha'an tsa' c'oq'uesanti jini winic ti' la' tojlel.

¹⁷ Wale c pi'λlob, cujil tsa' la' tsλnsa Jesús cha'an i tontojlel la' pusic'al che' bajche' la' yumob. ¹⁸ Pero Dios tsi' ts'λctesa i t'an tsa' bλ i wλn subu ti' yej pejtelel x'alt'añob i cha'an, cha'an wesa mi' yubin wocol Cristo. ¹⁹⁻²⁰ Jini cha'an cλyλ la' mul. Sutq'uin la' bλ cha'an mi' yajpel la' mul, cha'an mi' la' taj la' p'λt'alel ti' Espíritu yic'ot tijicña bλ la' pusic'al ti' lac Yum. Dios mi' caj i chocheñetla tilel Jesús jini Cristo wa'chocobil bλ i cha'an. ²¹ Come isujm mi' wesa ajñel Jesucristo ti' panchan c'λlλ ti' yorajlel che' mi' cha' mel pejtelel chuqui tac an, che' bajche' tsi' subu Dios yic'ot ch'ujul bλ x'alt'añob i cha'an ti' wajali. ²² Come Moisés tsi' subeyob la' ñojte'el: “La' Yum Dios mi' caj i techbeñetla juntiquil x'alt'an che' bajche' joñon loq'uem bλ ti' la' pi'λlob. Mi' caj la' jac'ben pejtelel chuqui tac mi' subeñetla. ²³ Majqui jach mi' ñusλben i t'an jini x'alt'an, mi' caj i chojquel loq'uel ti' tojlel i pi'λlob

cha'an mi' jilel", che'en.

²⁴ Ti pejtelel x'alt'añob, c'ʌlʌl ti Samuel yic'ot jini tsa' bʌ tiliyob ti wi'ipat che' bajche' jaytiquil tsi' cha'leyob t'an, tsi' wʌn subuyob chuqui woli' yujtel ti ili q'uin tac.

²⁵ Jatetla i yalobiletla x'alt'añob. I cha'añetla jini trato bʌ t'an subebilo' bʌ lac ñojte'el cha'an Dios che' bʌ tsi' sube Abraham: "Ti pejtelel año' bʌ ti pañimil mi caj i tajob i wenlel cha'an a p'olbal", che'en. ²⁶ Dios tsi' teche ch'ojyel i Yalobil. Tsi' ñaxan choco tilel ba' añetla cha'an mi' yʌq'ueñetla la' wenlel cha'an mi' ñijcañetla la' cʌy la' mul ti jujuntiquiletla. Che' tsi' yʌʌ Pedro.

4

Pedro yic'ot Juan ti' tojlel jini año' bʌ i ye'tel

¹ Che' woli' pejcañob winicob x'ixicob Pedro yic'ot Juan, tsa' tiliyob motomajob yic'ot saducejob, yic'ot i yaj capitán jini xʌntayajob ti Templo. ² Tʌlytsʌyñayob i pusic'al come woli' cʌntesañob winicob x'ixicob, come Pedro woli' subeñob mi caj i tech ch'ojyel chʌmeño' bʌ jini Jesús. ³ Tsi' chucuyob. Tsi' yotsayob ti mʌjquibʌl c'ʌlʌl ti yijc'ʌlʌl come ic'ajelix. ⁴ Cabʌl tsa' bʌ i yubiyob jini t'an tsi' ñopoyob. An che' bajche' jo'p'ejl mil winicob.

⁵ Ti' yijc'ʌlʌl tsi' tempayob i bʌ ti Jerusalén jini yumʌlob yic'ot xñoxob año' bʌ i ye'tel yic'ot sts'ijbayajob. ⁶ Ya'an ja'el Anás jini ñuc bʌ motomaj yic'ot Caifás yic'ot Juan yic'ot Alejandro yic'ot yambʌ i pi'ʌlob jini ñuc bʌ motomaj. ⁷ Che' bʌ tsa'ix i yʌc'ʌyob Pedro ti ojli, tsi' c'ajtibejob: ¿Baqui tsa' la' taja la' p'ʌtʌlel? ¿Majqui tsi' subeyetla cha'an mi la' mel jini? che'ob.

⁸ Che' jini Pedro, but'ul ti Ch'ujul bʌ Espíritu, tsi' subeyob: Jatetla yumʌletla, anix bʌ la' jabilel yic'ot la' we'tel ti Israel, ⁹ mi woli la' c'ajtibeñon lojon cha'an jini wen bʌ e'tel tsa' bʌ c melbe lojon ili winic, ubinla bajche'

tsa' mejli ti p'at'esantel. ¹⁰ Ña'tanla ti la' pejtelel. La' i ñopob ja'el pejtelel winicob x'ixicob ti Israel. Tsa'ix lajmi cha'an i c'aba' Jesucristo, jini ch'oyol bλ ti Nazaret, jini tsa' bλ la' ch'iji ti cruz, pero Dios tsi' teche ch'ojoyel ba'an chameño' bλ. Cha'an i p'atλlel Jesucristo tsa'ix p'at'a i yoc jini winic am bλ ti la' tojlel. ¹¹ Jesús jiñach jini Xajlel tsa' bλ la' choco, xmel ototet bλ la. Tsa' otsanti ti ñaxan bλ i xujc otot. ¹² Ma'anic laj coltantel ti yambλ, cojach ti' c'aba' Jesús. Ma'anic yambλ ti yebal panchan aq'uebilo' bλ winicob mu' bλ mejlel i coltañonla. Che' tsi' yλλλ Pedro.

¹³ Che' bλ tsi' q'uelbeyob i ch'ejlel i pusic'al Pedro yic'ot Juan, tsa' toj sajtiyob i pusic'al winicob x'ixicob come yujilob mach cantesλbiloboc ti jun, ma'añoboc i ye'tel. Tsi' ña'tayob i pi'λlobach Jesús jini Pedro yic'ot Juan. ¹⁴ Che' bλ tsi' q'ueleyob lajmenix jini winic wa'al bλ yic'otob, ma'anic chuqui tsa' mejli i subob ti' contra. ¹⁵ Tsi' subeyob loq'uel ti' tojlelob. Tsa' caji i pejcañob i bλ jini año' bλ i ye'tel. ¹⁶ Tsi' yλλyob: ¿Chuqui mi caj lac tumben jini winicob? Come cambil i cha'an pejtel chumulo' bλ ti Jerusalén, tsi' pλsλyob ñuc bλ i yejtal i p'atλlel ti isujm. Mach mejlic la cλl mach isujmic. ¹⁷ Ame chλn p'ojlic jini t'an ti lac tejclum, la' lac tic' jini winicob cha'an mach mi' chλn cha'leñob t'an ti' c'aba' Jesús, che'ob.

¹⁸ Tsi' pλyλyob tilel Pedro yic'ot Juan. Tsi' tiq'uiyob cha'an ma'anic mi' chλn cha'leñob t'an yic'ot cantesa ti' c'aba' Jesús. ¹⁹ Pedro yic'ot Juan tsi' jac'beyob: Subula jatetla mi toj ti' wut Dios mi tsac ñusλbe lojon i t'an Dios cha'an mic jac'beñetla. ²⁰ Mach mejlic mij cλy lojon ili t'an. Wersa mic sub lojon chuqui tsaj q'uele lojon yic'ot chuqui tsa cubi lojon, che'ob. ²¹ Jini yumλob che' bλ tsa' ujt i subeñob chuqui mi' caj ti ujtel mi ma'anic tsi' jac'λyob, tsi' chocoyob sujtel. Ma'anic tsi' yλq'ueyob i toj i mul, come tsi' bλc'ñayob winicob x'ixicob. Ti pejtelelob

woli' subob i ñuclel Dios cha'an jini tsa' bΛ ujtí. ²² Come ñumenix ti cha'c'al i jabilel jini winic tsa' bΛ p'Λt'esΛnti cha'an ñuc bΛ i p'Λtlalel Dios.

Tsi' c'ajtiyob i ch'ejlel i pusic'al

²³ Che' bΛ tsa' ajq'uiyob ti colel Pedro yic'ot Juan, tsa' majliyob ba'an i p'i'lob. Tsi' subeyob pejtelel chuqui tsi' yΛlyob ñuc bΛ motomajob yic'ot xñoxob año' bΛ i ye'tel. ²⁴ Che' bΛ tsa'ix ujtí i yubiñob jini t'an, ti pejtelelob tsi' tem pejcayob Dios. Tsi' subeyob: C Yum, jatet Dioset tsa' bΛ a mele panchan yic'ot pañimil yic'ot colem ñajb yic'ot pejtelel i bΛ. ²⁵ Tsi' cha'le t'an jini Ch'ujul bΛ Espíritu ti' yej David jini a winic. Tsi' yΛΛ: “¿Chucoch tsi' cha'leyob mich'ajel ti mojt ti mojt? ¿Chucoch to'ol lolom jach chuqui tac tsi' ña'tayob ti' pusic'al? ²⁶ Jini reyob ti pañimil tsi' chajpayob i bΛ, jini yumalob tsi' tempayob i bΛ cha'an mi' contrajiñob lac Yum yic'ot Cristo, jini yajcΛbil bΛ i cha'an Dios”, che'en. ²⁷ Isujm ti jini tejclum, tsi' tempayob i bΛ Herodes yic'ot Poncio Pilato yic'ot jini gentilob yic'ot israelob ti' contra Jesús, jini ch'ujul bΛ a Walobil, jini yajcΛbil bΛ a cha'an. ²⁸ Tsi' tempayob i bΛ cha'an mi' cha'leñob pejtelel chuqui tsa' wΛñ ña'ta mi' caj ti ujtel. ²⁹ WΛle, c Yum, q'uele bajche' mi' yΛ'leñon lojon. A winicon lojon. Aq'ueñon lojon i ch'ejlel c pusic'al cha'an mic sub lojon a t'an. ³⁰ Ac'Λ a c'Λb ti lajmesaya cha'an mi' pΛstl i yejtal a p'Λtlalel yic'ot ñuc tac bΛ a melbal ti' c'aba' a Walobil Jesús, jini Ch'ujul BΛ. Che' tsi' cha'le oración. ³¹ Che' bΛ tsa' ujtí i pejcañob Dios, tsa' ñijcΛnti jini otot ba' tsi' tempayob i bΛ. Ti pejtelelob but'ulob ti Ch'ujul bΛ Espíritu. Tsi' subuyob i t'an Dios ti' ch'ejlel i pusic'al.

I tem cha'añob jach i chubΛ'an

³² Jump'ejlob jach i pusic'al, junchajpob jach i ña'tlbal jini bajc'Λl winicob x'ixicob tsa' bΛ i ñopoyob. Ma'anic

majqui tsi' yɫɫ mi i bajñel cha'añlch i chubɫ'an. I tem cha'añob jach pejtelel i chubɫ'an. ³³ Testigojob jini apóstolob. Ti cabɫɫ i p'ɫɫɫɫ tsi' subuyob tsa' cha' ch'ojyi lac Yum Jesús. Pejtelel jini xñopt'añob tsa' aq'uentiyob i yutslel i pusic'al Dios. ³⁴ Laj añob i chubɫ'an, come jini año' bɫ i lum yic'ot i yotot tsi' choñoyob. Tsi' ch'ɫɫɫɫɫɫɫ tilel i tojol jini tsa' bɫ chojni. ³⁵ Tsi' p'ulchocoyob lac'ɫɫ ti' yoc jini apóstolob. Tsa' t'oxbentiyob xñopt'añob, majqui jach anto yom i cha'an.

³⁶ José, juntiquil leví ch'oyol bɫ ti Chipre, tsa' aq'uenti yambɫ i c'aba' cha'an jini apóstolob. Jiñlch Bernabé. (Mi' yɫ ti lac t'an, jini mu' bɫ i ñuq'uesan lac pusic'al.) ³⁷ An i lum jini Bernabé. Tsi' choño. Tsi' ch'ɫɫɫɫ tilel i tojol. Tsi' p'ulchoco lac'ɫɫ ti' yoc jini apóstolob.

5

Ananías yic'ot Safira

¹ Juntiquil winic, i c'aba' Ananías yic'ot i yijñam, i c'aba' Safira, tsi' choño jumpejt lum. ² Tsi' loto lamital i tojol. Yujil ja'el i yijñam. Tsi' ch'ɫɫɫɫ tilel lamital, tsi' p'ulchoco lac'ɫɫ ti' yoc jini apóstolob. ³ Pedro tsi' sube Ananías: ¿Chucoch but'ul a pusic'al ti Satanás? Tsa' loti jini Ch'ujul bɫ Espíritu che' bɫ tsa' loto lamital i tojol a lum. ⁴ Che' bɫ maxto anic tsa' choño, ¿mach ba a cha'anic? Che' bɫ tsa'ix a choño, ¿mach ba a wentajic jini i tojol? ¿Chucoch tsa' tejchi lot ti a pusic'al? Ma'anic tsa' loti winicob, tsa' loti Dios, che'en.

⁵ Che' bɫ tsi' yubi jini t'an Ananías, tsa' yajli. Tsa' chɫmi. Tsi' wen cha'leyob bɫq'uen pejtelel jini tsa' bɫ i yubiyob. ⁶ Ch'iton winicob tsa' ch'ojyiyob. Tsi' bɫc'ɫyob. Che' bɫ tsi' ch'ɫɫɫɫɫɫɫ loq'uel, tsi' mucuyob.

⁷ Tsa' ñumi che' bajche' uxp'ejl ora, tsa' ochi tilel i yijñam Ananías. Maxto yujilic chuqui tsa' ujtí. ⁸ Pedro

tsi' sube: Subeñon mi che'i tsa' ch'ΛmΛ i tojol a lum che' bΛ tsa' la' choño, che'en. Tsi' sube: Che'cuyi tsac ch'ΛmΛ lojon i tojol, che'en. ⁹ Pedro tsi' sube: ¿Bajche' tsa' la' teme la' t'an cha'an mi la' wilben i pusic'al i yEspíritu lac Yum? Awilan, jini tsa' bΛ i mucuyob a ñoxi'al añob ti' ti' otot. Mi caj i ch'Λmetob loq'uel ja'el, che'en. ¹⁰ Ti ora tsa' yajli lΛc'Λl ti' yoc Pedro. Tsa' chΛmi. Che' bΛ tsa' ochiyob ch'iton winicob, chΛmenix tsi' tajayob. Tsi' ch'ΛmΛyob loq'uel. Tsi' mucuyob ti' t'ejl i ñoxi'al. ¹¹ Tsi' wen cha'leyob bΛq'uen pejtelel jini xñopt'añob, yic'ot pejtelel tsa' bΛ i yubiyob chuqui tsa' ujti.

CabΛl i yejtal i p'Λtlalel jini apóstolob

¹² Jini apóstolob tsi' meleyob cabΛl ñuc tac bΛ i melbal. Tsi' pΛsΛyob i yejtal i p'Λtlalel ti' tojlel winicob x'ixicob. Ti pejtelelob ya' añob ti jump'ejl i pusic'al ti' corredor Salomón. ¹³ Yaño' bΛ ma'anic tsi' ñopo i lΛc'tesañob i bΛ cha'an bΛq'uen. Pero jini xñopt'añob tsi' q'ueleyob ti ñuc. ¹⁴ CabΛl tsa' p'ojliyob jini tsa' bΛ i ñoroyob lac Yum, winicob yic'ot x'ixicob. ¹⁵ Tsi' ch'ΛmΛyob majlel xc'amΛjelob ti bij. Tsi' ñolchocoyob ti' wΛyib yic'ot poj p tac cha'an mi' tajob anquese jinic jach i yΛxñlalel Pedro che' woli' ñumel majlel. ¹⁶ CabΛlob tsi' tempayob i bΛ ti Jerusalén ch'oyolo' bΛ ti yambΛ tejclum tac ti' joytilel. Tsi' pΛyΛyob tilel xc'amΛjelob yic'ot jini tic'lbilob' bΛ cha'an xibajob. Tsa' lajmesantiyob ti pejtelelob.

Tsa' tic'Λntiyob Pedro yic'ot Juan

¹⁷ Tsa' tili jini ñuc bΛ motomaj yic'ot pejtelel jini saduceojob. TsΛytsΛyñayob jax i pusic'al cha'an jini tsa' bΛ ujti. ¹⁸ Tsi' chucuyob jini apóstolob. Tsi' yotsayob ti mΛjquibΛl yic'ot jini woli bΛ i tojob i mul. ¹⁹ Ti ac'Λlel i yángel lac Yum tsi' jambeyob i ti' jini mΛjquibΛl. Tsi' loc'sayob. Tsi' subeyob: ²⁰ Cucula ti wa'tal ti Templo.

Suben winicob x'ixicob bajche' yom mi' tajib i cuxtilel, che'en. ²¹ Che' bλ tsi' yubiyob jini t'an, tsa' ochiyob ti Templo ti sac'ajel. Tsi' cha'leyob cantesa.

Tsa' tili jini ñuc bλ motomaj yic'ot yaño' bλ. Tsi' pλyλyob tilel jini año' bλ i ye'tel yic'ot jini ñoxobix bλ israelob. Tsi' choco majlel i winicob cha'an mi' pλyob tilel Pedro yic'ot Juan. ²² Che' bλ tsa' c'otiyob i winicob, ma'anic tsi' tajayob ti majquibal. Tsa' cha' sujtiyob i sub. ²³ Tsi' yλλyob: Isujmach, wen machbil tsac taja lojon jini majquibal. Ya' año' jini xcantayajob ti' ti'. Che' bλ tsac jamλ lojon, ma'anic majqui tsac taja lojon, che'ob. ²⁴ Che' bλ tsi' yubiyob jini t'an, jini ñuc bλ motomaj yic'ot i capitán jini Templo yic'ot ñuc bλ motomajob mach yujilobic chuqui mi' caj ti ujtél mi tsa' tsictiyi jini. ²⁵ Tsa' tili juntiquil. Tsi' subeyob: Awilan, ya' wa'alob ti Templo jini winicob tsa' bλ la' ñup'u. Woli' cha' cantesañob winicob x'ixicob, che'ob. ²⁶ Jini cha'an tsa' majli jini capitán yic'ot i winicob. Tsi' pλyλyob tilel Pedro yic'ot Juan. Pero utsob jax come woliyob ti baq'uen ame jujlicob ti xajlel cha'an winicob.

²⁷ Che' bλ tsa'ix i pλyλyob tilel, tsi' yλc'lyob ba'an jini año' bλ i ye'tel. Jini ñuc bλ motomaj tsi' subeyob: ²⁸ ¿Mach ba tsa'ic c tiq'uiyetla cha'an ma'anic mi la' chan cha'len cantesa ti' c'aba' Jesús? Awilan, tsa'ix ubinti la' cantesa ti pejtelel Jerusalén. La' wom la' tsictesan lojon c mul cha'an tsac bec'be lojon i ch'ich'el jini winic, che'en. ²⁹ Pedro yic'ot jini apóstolob tsi' jac'beyob: Wersa mic jac'ben lojon i mandar Dios anquese mi' ñusantel i mandar winicob. ³⁰ I Dios lac ñojte'el tsi' teche ch'ojoyel Jesús, tsa' bλ la' tsansa che' bλ tsa' la' ch'iji ti te'. ³¹ Dios tsi' yλq'ue i ñuclél ya' ti' ñoj. Colem yumalλch, Xcoltayajλch. Mi' yλq'ueño' i cλy i mul jini israelob cha'an mi' ñusabeño' i mul. ³² Mic sub lojon jini tsa' bλ ujti. Jini Ch'ujul bλ Espíritu mi' sub

ja'el, come Dios mi' yλq'ueñob i yEspíritu jini mu' bλ i jac'beñob i t'an, che'ob.

³³ Tsa' wen mich'ayob che' bλ tsi' yubibeyob i t'an. Yomob i tsansan jini apóstolob. ³⁴ Tsa' ch'ojyi juntiquil fariseo am bλ i ye'tel, i c'aba' Gamaliel. Jiñlch mu' bλ i cantesan winicob ti mandar. Ti pejtelelob tsi' q'ueleyob ti ñuc. Tsi' yλc'λ mandar cha'an mi' poj pλjyelib loq'uel jini apóstolob. ³⁵ Che' majlemobix, Gamaliel tsi' sube i pi'λlob: Israelob, chλcλ q'uele la' bλ cha'an chuqui tac mi la' tumben jini winicob. ³⁶ Come wajalix tsa' tili Teudas. Tsi' lon subu i bλ ti ñuc. Tsi' tsajcayob che' bajche' jumbajc' winicob, pero tsa' tsansanti. Tsa' pujquiyob jini tsa' bλ i tsajcayob. Che' jach tsa' lajmi. ³⁷ Ti wi'il tsa' tili Judas ch'oyol bλ ti Galilea. Che' ti' yorajlel censo, jini Judas tsi' pλyλ majlel cabλ winicob. Tsa' tsansanti ja'el. Tsa' pam pujquiyob pejtelel tsa' bλ i tsajcayob. ³⁸ Wλle mic subeñetla, chλcλ q'uele la' bλ cha'an ma'anic mi la' tic'lan jini winicob. Mi ch'oyol ti' bajñel pusic'al jini t'an yic'ot jini e'tel, mi' caj ti jilel. ³⁹ Mi ch'oyolach ti Dios, mach mejlic la' jisaben i ye'tel ame che'ic mi la' contrajin Dios. Che' tsi' yλλλ Gamaliel.

⁴⁰ Tsi' jac'beyob i t'an. Che' bλ tsi' pλylyob ochel jini apóstolob, tsi' bajbeyob. Tsi' subeyob cha'an ma'anic mi' chλn cha'leñob t'an ti' c'aba' Jesús. Tsi' coloyob. ⁴¹ Che' bλ tsa'ix loq'uiyob ti' tojlel año' bλ i ye'tel, tijicñayob jax i pusic'al, come Dios tsi' yλq'ueyob i xuc'tilel i pusic'al cha'an mi' ñusañob i ts'a'lentel ti' c'aba' Jesús. ⁴² Ti jujump'ejl q'uin tsi' chλn cha'leyob cantesa ti Templo yic'ot ti jujump'ejl otot. Tsi' chλn subuyob i t'an Jesucristo.

6

Tsi' yajcayob wuctiquil

¹ Che' woli' p'ojlelob xcant'añob, jini griegojob tsi' yal'leyob hebreojob, come jini meba' x'ixicob i cha'añob ma'anic tsa' aq'uentiyob chuqui anto yom i cha'an ti jujump'ejl q'uin. ² Jini cha'an jini lajchantiquil tsi' tempayob pejtelel jini xcant'añob. Tsi' subeyob: Mach wenic mij cly lojon c sub i t'an Dios cha'an mic puc lojon waj. ³ Jini cha'an hermanojob, yajcanla wuctiquil winicob uts'at bλ i pusic'al but'ulob ti Ch'ujul bλ Espíritu, yic'ot wen bλ i ña'tabal, cha'an mi la' wa'chocoñob cha'an jini e'tel. ⁴ Joñon lojon mi caj c chλn pejcan lojon Dios. Mi caj c chλn cha'len lojon subt'an, che'ob.

⁵ Uts'at tsi' yubibeyob i t'an ti pejtelelob. Tsi' yajcayob Esteban, ñopol bλ i cha'an i t'an Dios ti jump'ejl i pusic'al, but'ul bλ ti Ch'ujul bλ Espíritu. Tsi' yajcayob Felipe ja'el yic'ot Prócoro yic'ot Nicanor yic'ot Timón yic'ot Parmenas yic'ot Nicolás, jini tsa' bλ ochi i ñop ti Antioquía. ⁶ Tsi' pλyλyob ba'an jini apóstolob. Che' bλ tsa'ix ujti i pejcañob Dios, tsi' yac'lyob i c'ab ti' jol. ⁷ Tsa' pujqui i t'an lac Yum. Wen cabλ tsa' p'ojliyob xcant'añob ti Jerusalén. Cabλ motomajob ja'el tsi' jac'beyob i t'an Dios.

Tsi' chucuyob Esteban

⁸ Esteban, but'ul ti' yutslal i pusic'al yic'ot i p'atlal, tsi' pλλλ ñuc tac bλ i yejtal i p'atlal yic'ot ñuc tac bλ i ye'tel ti' tojlel winicob x'ixicob. ⁹ Jini cha'an tsa' tiliyob winicob mu' bλ i yajñelob ti sinagoga. Tsa' caji i yal'leñob Esteban. Jini winicob i c'aba' librejo' bλ yic'ot cirenejob, yic'ot alejandríajob, yic'ot judíojob ch'oyolo' bλ ti Cilicia yic'ot ti Asia tsa' caji' contrajiñob Esteban. ¹⁰ Ma'anic tsa' mejli i contrajiñob i ña'tabal yic'ot jini Espíritu tsiquil bλ ti' t'an. ¹¹ Tsi' xic'beyob winicob ti mucul jach cha'an mi' jop'beñob i mul. Tsi' yal'lyob: Tsa'ix cubibe lojon i

t'an che' bɫ tsi' cha'le p'ajoñel ti' contra Moisés yic'ot ti' contra Dios, che'ob.

¹² Tsi' ñijcayob winicob x'ixicob yic'ot xñoxob año' bɫ i ye'tel yic'ot sts'ijbayajob. Tsa' tiliyob, tsi' chucuyob Esteban. Tsi' ρɫɫɫɫɫɫ majlel ba'an jini año' bɫ i ye'tel.

¹³ Tsi' wa'chocoyob xjop't'añoob tsa' bɫ i yɫɫɫɫɫɫ: Jini winic mi' cha'len p'ajoñel ti pejtelel ora. Mi' p'aj jini Ch'ujul bɫ Ajñibɫɫ yic'ot jini mandar. ¹⁴ Come tsa'ix cubi lojon che' bɫ tsi' yɫɫɫ jini Esteban: “Jini Jesús ch'oyol bɫ ti Nazaret mi caj i jisan jini Ajñibɫɫ. Mi caj i q'uextan i cantesɫɫɫɫ Moisés tsa' bɫ lac ñopo ti lac tat”, che'ob. ¹⁵ Pejtelel jini buchulo' bɫ año' bɫ i ye'tel tsi' q'uelbeyob i wut Esteban lajal bajche' i wut ángel.

7

I subt'an Esteban

¹ Jini ñuc bɫ motomaj tsi' c'ajtibe: ¿Isujm ba jini? che'en. ² Esteban tsi' yɫɫɫ: Winicob c pi'ɫlob, ñich'tanla. Jini Dios am bɫ i ñuclél tsa' tsictiyi ti' wut lac tat Abraham che' ya'to an ti Mesopotamia che' maxto anic tsa' majli ti Harán. ³ Dios tsi' sube: “Loq'uen ti a lumal ba'an a pi'ɫlob. Cucu ti ochel ti lum mu' bɫ caj c ρɫsbeñet”, che'en.

⁴ Tsa' loq'ui ti' lumal caldeojob. Tsa' caji ti chumtɫɫ ti Harán. Che' bɫ tsa' chɫmi i tat Abraham, Dios tsi' c'axtesa ti yambɫ lum wɫ' ba' chumulonla wɫɫe. ⁵ Dios ma'anic chuqui tsi' yɫq'ue Abraham ilayi, mi ts'ita'ic lum, pero tsi' yɫq'ue i t'an. Tsi' sube mi caj i yotsan ti' yum jini lum yic'ot i p'olbal ja'el anquese maxto anic i yalobil. ⁶ Dios tsi' sube Abraham ja'el: “Mi caj i majlel ti chumtɫɫ a p'olbal ti yambɫ lum mach bɫ i cha'añoobic, ba' mi caj i yɫjq'uelob ti to'ol e'tel. Jumbajc' jab mi caj i cha'leñoob majtan e'tel yic'ot wocol. ⁷ Mi caj cɫq'ueñoob i toj i mul jini winicob x'ixicob mu' bɫ i yotsañoob ti to'o e'tel. Ti wi'il

mi caj i loq'uelob tilel a p'olbal. Mi caj i ch'ujutesañoñob ilayi", che'en. ⁸ Dios tsi' yalq'ue Abraham jini xuc'ul bl t'an cha'an tsep p'achalel. I yalobil Abraham jiniñach Isaac. Abraham tsi' tsepbe i p'achalel che' waxacp'ejl jax to i q'uiñilel Isaac. I yalobil Isaac jiniñach Jacob. I yalobilob Jacob jiniñobach lajch'antiquil lac ñojte'el.

⁹ Tsalytsalyñayob jax i pusic'al jini lac ñojte'el cha'an José. Jini cha'an tsi' choñoyob cha'an mi' p'ajyel majlel ti Egipto pero ya'an Dios yic'ot. ¹⁰ Dios tsi' loc'sa ti pejtelel i wocol. Tsi' ñijcabe i pusic'al Faraón cha'an mi' q'uel José ti uts'at. Dios tsi' yalq'ue José i ña't'bal ti' tojlel jini rey Faraón ya' ti Egipto. Dios tsi' yalq'ue i ye'tel ti yumal ti' tojlel egiptojob yic'ot ti' yotot Faraón ja'el.

¹¹ Tsa' caji wi'ñal ti' lumal egiptojob yic'ot ti Canaán ja'el. An cabal wocol. Lac ñojte'el ma'anic tsi' tajayob i bal i ñac'. ¹² Che' bl tsi' yubi Jacob an trigo ya' ti Egipto, tsi' choco majlel lac ñojte'elob che' ti' cajibal wi'ñal. ¹³ Che' bl tsa' majliyob ti' cha'yajlel, José tsi' yal'la i bl ti caljñel ti' tojlel i yal'scuñob. Tsi' yal'la i pi'lob ti caljñel ti' tojlel Faraón. ¹⁴ José tsi' chocoyob majlel cha'an mi' p'ayob tilel Jacob, i tat, yic'ot pejtelel i pi'lob, jo'lujuntiquil i ch'anc'al (75). ¹⁵ Tsa' jubi majlel Jacob ya' ti Egipto. Ya' tsa' ch'ami yic'ot lac ñojte'elob. ¹⁶ Tsa' q'uejchiyob majlel c'alla ti Siquem ba' tsa' mujquiyob ti' yotlel ch'ujlelal mambil bl i cha'an Abraham. Abraham tsi' tojbeyob ti taqu'in i yalobilob Hamor ya' ti Siquem.

¹⁷ Che' bl yomix c'otel i yorajlel cha'an mi' ts'actiyel i t'an Dios che' bajche' tsi' sube Abraham, tsa' wen p'ojli i p'olbal Abraham ya' ti Egipto ¹⁸ jinto tsa' wa'choconti yambal rey ti Egipto mach bl anic tsi' calñal José. ¹⁹ Mach tojic chuqui tsi' tumbe lac pi'lob jini rey. Tsi' tic'la lac ñojte'elob cha'an mi' wesa ac'ob i yalobilob ti ch'amel cha'an mi' jilel i p'olbal Israel. ²⁰ Ti jim bl ora che' woli

to i tic'lañob, tsi' yila pañimil Moisés. Wen uts'atax tsi' q'uele Dios. Tsa' tsu'santi uxp'ejl uw ti' yotot i tat. ²¹ Che' bλ tsa' ajq'ui Moisés ba' bλbλq'uen mi' chλmel, tsa' tili i yalobil Faraón. Tsi' loto. Tsi' cosa che' bajche' i yalobil. ²² Tsa' cantesanti Moisés ti pejtelel i ña'tλbal egiptojob. Wen ch'ejl ti t'an yic'ot ti e'tel.

²³ Che' cha'c'alix i jabilel, Moisés tsi' ña'ta ti' pusic'al yom majlel i jula'tan i pi'λlob, jiñobλch i yalobilob Israel. ²⁴ Che' bλ tsi' q'uele woli' tic'lantel juntiquil i pi'λl, Moisés tsi' colta jini woli bλ i tic'lantel. Tsi' q'uextλbe i jontolil jini egipto. Tsi' jats'λ. ²⁵ Come Moisés tsi' lon ña'ta woli' ch'λmbeñob isujm i pi'λlob, cha'an jiñλch yajcλbil bλ ti Dios cha'an mi' coltañob. Pero ma'anic tsi' ch'λmbeyob isujm. ²⁶ Ti yijc'λlal Moisés tsi' pλsλ i bλ ba'an i pi'λlob che' woliyob ti leto. Yom i lajmesan leto. Tsi' yλλ: “Winicob, la' pi'λl la' bλ. ¿Chucoch mi la' tic'lan la' bλ?” che'en. ²⁷ Jini tsa' bλ i tic'la i pi'λl tsi' tλjcx choco majlel Moisés. Tsi' sube: “¿Majqui tsi' yλq'ueyet a we'tel ti yumλ cha'an ma' melon lojon? ²⁸ ¿A wom ba a tsansañon che' bajche' tsa' tsansa jini egipto ac'bi?” che'en. ²⁹ Che' bλ tsi' yubi jini t'an, tsa' puts'i majlel Moisés. Tsa' majli ti chumtλl ti yambλ lum i c'aba' Madián. Ya' i tsi' yilayob pañimil cha'tiquil ch'iton bλ i yalobil.

³⁰ Che' ñumenix cha'c'al jab, tsa' tsictiyi juntiquil ángel ti colem bλ i tiquiñal pañimil λc'λl ti Sinaí wits. Tsa' tsictiyi ti c'ajc woli bλ ti lejmel ti alate'. ³¹ Che' bλ tsi' q'uele Moisés, tsa' toj sajti i pusic'al cha'an jini tsa' bλ i q'uele. Che' bλ tsa' majli i q'uel jini alate', tsa' tili i t'an lac Yum: ³² “Joñon i Dioson a ñojte'el, i Dioson Abraham, i Dioson Isaac, i Dioson Jacob”, che'en Dios. Mach yomic i chλn q'uel Moisés, come tsiltsilña jax ti bλq'uen. ³³ Lac Yum tsi' sube: “Loc'san a xλñλb ti a woc come ch'ujul jini lum ba' wa'alet. ³⁴ Isujm, tsa'ix j q'uele i tic'lantel

c cha'año' bλ ya' ti Egipto. Tsa'ix cubibeyob i yuq'uel. Tsa'ix jubiyon tilel cha'an mic loc'sañob. La'ix cu, che' jini. Mi caj c choquet majlel ti Egipto”, che'en.

³⁵ Jini Moisés tsa' ts'a'lenti cha'an i pi'λlob. Tsi' yλλyob i pi'λlob: “¿Majqui tsi' yλq'ueyet a we'tel ti yumλl yic'ot ti meloñel?” che'ob. Jini Moisés ts'a'lebil bλ i cha'añoob, Dios tsi' choco tilel. Jini ángel tsa' bλ tsictiyi ti alate' tsi' yλq'ue i ye'tel ti yumλl yic'ot ti xcoltaya. ³⁶ Moisés tsi' pλyλ loq'uel i yalobilob Israel che' bλ tsa' ujti i pλs bλbλq'uen tac bλ yic'ot i yejtal i p'λtlalel cha'c'al jab ya' ti Egipto yic'ot ti Chλchλc bλ Ñajb yic'ot ti jochol bλ lum. ³⁷ Jiñlch Moisés tsa' bλ i sube i yalobilob Israel: “Lac Yum Dios mi caj i techbeñetla juntiquil x'alt'an che' bajche' joñon loq'uem bλ ti la' pi'λlob. Jini mi caj la' wubin”, che'en. ³⁸ Jiñlch Moisés am bλ yic'ot jini temprλbilo' bλ ti jochol bλ lum. Jini ángel tsi' pejca ya' ti Sinaí wits yic'ot lac ñojte'el. Tsi' yubi jini t'an cha'an laj cuxtlalel cha'an mi' cha' aq'ueñoñla.

³⁹ Lac ñojte'el ma'anic tsi' jac'beyob Moisés. Tsi' ts'a'leyob. Tsi' chλn ña'tayob i cha' sujtel ti Egipto. ⁴⁰ Tsi' subeyob Aarón: “Mele lac dios tac cha'an ñaxan mi' majlel ti lac tojlel. Come ma'anic mi lac ña'tan chuqui tsa' tumbenti jini Moisés tsa' bλ i pλyλyonla loq'uel ti Egipto”, che'ob. ⁴¹ Che' jini tsi' meleyob alλ wacax. Tsi' tsλnsλbeyob i majtan jini dios taq'uin. Tsa' ñuc'ayob i pusic'al cha'an jini dios tsa' bλ i meleyob ti' c'λb. ⁴² Jini cha'an Dios tsi' cλyλyob cha'an mi' ch'ujjutesañob jini q'uin yic'ot uw yic'ot ec'. Ts'ijbubil ti' jun x'alt'añoob ja'el: “Jatetla israelob, ¿tsa' ba la' tsλnsλbeyon la' wλlac' cha'c'al jab ti jochol bλ lum? ¿Tsa' ba la' pulbeyon c majtan? ⁴³ Tsa'ix la' q'uechbe pisil bλ i yotlel Moloc, yic'ot jini ec', i yejtal bλ a dios Renfán. Tsa' la' mele cha'an mi la' ch'ujjutesan. Joñon mi caj j c'axtesañetla ti junwejl

Babilonia”, che'en.

⁴⁴ An i cha'an lac ñojte'elob jini pisil bλ otot ti jochol bλ lum ba' tsa' pλsle i sujmllel Dios. Come che' bλ tsi' yλc'λ mandar Dios, tsi' sube Moisés cha'an mi' mel otot che' bajche' tsa' pλsbenti. ⁴⁵ Che' bλ tsa' ujti i ch'λmbeñob i lum gentilob lac ñojte'el yic'ot Josué, tsi' q'uecheyob ochel jini pisil bλ otot ti' lumal. Come Dios tsi' choco loq'uel jini gentilob ti' tojel i wutob lac ñojte'el c'λlλ ti' yorajlel David. ⁴⁶ Dios tsi' pλsbe David i yutslel. Jini David yom i melben i chumlib Dios tsa' bλ i ñopo Jacob. ⁴⁷ Pero tsi' mele Salomón.

⁴⁸ Jini C'ax Ñuc Bλ ma'anic mi' chumtλl ti templo tac melbil bλ ti c'λbλl. Che' ja'el tsi' yλlλ jini x'alt'an: ⁴⁹ “Jini panchan c buchlib, jini pañimil i yajñib coc. ¿Chuqui ti otot la' wom la' melbeñon? che'en lac Yum. ¿Chuqui jini cajñib ba' mij c'aj co? ⁵⁰ ¿Mach ba c melbalic pejtelel ili tac?” che'en. ⁵¹ Tsatsatax la' pusic'al. Mach sλq'uesλbilib la' pusic'al. Mλcλl la' chiquin. Ti pejtelel ora jatetla mi la' mλctan jini Ch'ujul bλ Espíritu. Che' bajche' tsi' mele la' ñojte'el, che' ja'el mi la' mel jatetla. ⁵² Ma'anic mi juntiquilic x'alt'an mach bλ anic tsa' tic'λnti cha'an la' ñojte'el. Tsi' tsλnsayob jini tsa' bλ i wλn subuyob tal jini Toj bλ. Wλle jatetla tsa'ix la' wλc'λ jini Toj bλ ti' c'λb i contra. Tsa'ix la' tsλnsa. ⁵³ Jini ángelob tsi' yλq'ueyetla i mandar Dios. Jatetla ma'anic tsa' la' jac'λ. Che' tsi' yλlλ Esteban.

Tsi' juluyob Esteban ti xajlel

⁵⁴ Che' bλ tsi' yubiyob ili t'an tsa' wen mich'ayob. Quech'ecñayob i bλquel i yej tsi' meleyob cha'an mich' tsi' q'ueleyob. ⁵⁵ But'ul Esteban ti Ch'ujul bλ Espíritu. Tsi' letsa i wut ti panchan. Tsi' q'uele i ñucllel Dios. Tsi' q'uele Jesús ya' wa'al ti' ñoj Dios. ⁵⁶ Tsi' yλlλ: Awilan, wolij q'uel

calal jini panchan. Ya' wa'al i Yalobil Winic ti' ñoj Dios, che'en.

⁵⁷ Tsi' cha'leyob c'am bλ t'an. Tsi' mλcλyob i chiquin. Temel tsa' majliyob ti ajñel cha'an mi' chucob Esteban.

⁵⁸ Tsi' chocoyob loq'uel ti colem tejclum. Tsi' juluyob ti xajlel. Jini tsa' bλ i yubibeyob i t'an Esteban tsi' chocoyob jubel i bujc tac ti' yoc juntiquil winic i c'aba' Saulo. ⁵⁹ Che' bλ tsi' juluyob ti xajlel, Esteban tsi' pejca Dios. Tsi' yλλλ: C Yum Jesús, ch'λmbeñon c ch'ujlel, che'en. ⁶⁰ Tsa' ñocle. C'am tsi' cha'le t'an: C Yum, mach a wλq'ueñob ti' wenta ili i mul, che'en. Che' bλ tsa' ujti i sub jini t'an tsa' chλmi.

8

¹ Saulo uts'at tsi' yubi che' bλ tsi' tsλnsayob.

Saulo tsi' tic'la xñopt'añob

Ti jim bλ ora tsa' tejchi cabλ tic'laya ti' contra jini xñopt'añob tsa' bλ i tempayob i bλ ti Jerusalén. Ti pejtelelob tsa' pam pujquiyob ti pejtelel Judea yic'ot ti Samaria. Cojach jini apóstolob ma'anic tsa' pujquiyob.

² Winicob mu' bλ i ch'ujutesañob Dios tsi' q'uecheyob majlel Esteban cha'an mi' mucob. Cabλ tsi' yuc'tayob.

³ Saulo tsi' ñopo i jisan jini xñopt'añob. Tsa' ochi ti jujump'ejl otot. Tsi' wersa chucu majlel winicob x'ixicob. Tsi' yotsayob ti mλjquibλ.

Felipe tsa' majli ti subt'an ti Samaria

⁴ Jini tsa' bλ pujquiyob, tsa' pam ñumiyob ti subt'an.

⁵ Felipe tsa' caji' jubel majlel ti tejclum i c'aba' Samaria. Ya' tsi' subu i t'an Cristo. ⁶ Bajc'al winicob x'ixicob ti jump'ejlob jach i pusic'al tsi' jac'beyob i t'an Felipe che' bλ tsi' yubiyob, che' bλ tsi' q'ueleyob i yejtal i p'λtλlel tsa' bλ i pλsλ. ⁷ Come cabλ tsa' loq'uuyob i xibλjlel. Wen c'am tsi' cha'leyob t'an jini xibajob che' bλ tsa loq'uuyob. Cabλ

tsa' lajmesantiyob jini mach bλ weñobic i yoc i c'λb. ⁸ Jini cha'an wen tijicña tsa' caji i yubiñob ya' ti jini tejclum.

⁹ Juntiquil winic i c'aba' Simón, tsa' bλ i cha'le wujt ti yambλ ora, cabλ tsi' loti tejclumob ti Samaria. Tsi' subu i bλ ti ñuc. ¹⁰ Ti pejtelelob tsi' wen ubibeyob i t'an, jini ch'o'ch'oco' bλ yic'ot jini ñuco' bλ. Tsi' yλλyob: Jíñλch jini ñuc bλ i p'λtlal Dios, lon che'ob. ¹¹ Tsi' wen jac'beyob come c'λλλ ti wajali tsa' toj sajtiyob i pusic'al cha'an leco tac bλ i melbal. ¹² Tsa' caji i ñopbeñob i t'an Felipe che' bλ tsi' subeyob jini wen t'an cha'an i yumantel Dios ti' c'aba' Jesucristo. Wale cabλ winicob x'ixicob tsi' ch'λmλ ja', tsa' jale yic'ot Felipe. Tsa' toj sajti i pusic'al che' bλ tsi' q'uele i yejtal i p'λtlal yic'ot ñuc bλ i melbal tsa' bλ i cha'le Felipe.

¹⁴ Jini apóstolob añob ti Jerusalén. Che' yujilobix wolix i ñopob i t'an Dios ya' ti Samaria, tsi' chocoyob majlel Pedro yic'ot Juan ya' ba' añob. ¹⁵ Che' bλ tsa' c'otiyob ti Samaria, tsi' c'ajtibeyob Dios ti oración cha'an mi' yλq'uen winicob x'ixicob jini Ch'ujul bλ Espíritu. ¹⁶ Come maxto anic tsa' aq'uentiyob Ch'ujul bλ Espíritu jini año' bλ ti Samaria. Cojax to tsi' ch'λmλyob ja' ti' c'aba' Jesús. ¹⁷ Pedro yic'ot Juan tsi' yλc'lyob i c'λb ti' jol. Tsa' aq'uentiyob Ch'ujul bλ Espíritu.

¹⁸ Che' bλ tsi' q'uele Simón aq'uebilobix Ch'ujul bλ Espíritu cha'an tsi' yλq'ueyob i c'λb jini apóstolob, Simón tsi' pλsbeyob taq'uin. ¹⁹ Tsi' subeyob: Aq'ueñon ja'el a p'λtlal cha'an mi cλq'uen Ch'ujul bλ Espíritu majqui jach com che' mi cλq'ueñob j c'λb ti' jol, che'en. ²⁰ Pedro tsi' sube: La' jilic a taq'uin a wic'ot, come wola' lon ña'tan ti a pusic'al mi mejlel a mλn yic'ot taq'uin a majtan ch'oyol bλ ti Dios. ²¹ Maxto ochemetic ti jini e'tel. Mach a cha'anic. Come mach tojic a pusic'al ti' wut Dios. ²² Cλyλ a jontolil. C'ajtiben Dios cha'an mi' ñusλbeñet jini tsa' bλ a ña'ta ti

a pusic'al. ²³ Come mij q'uel an ch'aj bλ i tsλytsλyñlayel a pusic'al. Chucbilet ti jontolil, che'en Pedro. ²⁴ Simón tsi' jac'λ: C'ajtiben lac Yum cha'an ma'anic mi' wis tajon jini tsa' bλ a wλλλ, che'en.

²⁵ Pedro yic'ot Juan, che' bλ tsi' subeyob i t'an lac Yum yic'ot chuqui tac tsi' q'ueleyob ti' tojlel lac Yum, tsa' sujtiyob ti Jerusalén. Tsi' subuyob jini wen t'an ti cabλ tejclum tac ya' ti Samaria.

Felipe yic'ot jini ch'oyol bλ ti Etiopía

²⁶ I yángel lac Yum tsi' pejca Felipe. Tsi' sube: Ch'ojoyen, cucu ti sur ba'an colem bλ i tiquiñal pañimil ti' bijlel Gaza mu' bλ i jubel loq'uel ti Jerusalén, che'en. ²⁷ Tsa' ch'ojoyi Felipe, tsa' majli. Awilan, ya'an juntiquil eunuco ch'oyol bλ ti Etiopía. An ñuc bλ i ye'tel cha'an x'ixic bλ yumλ ti Etiopía i c'aba' Candace. Jini winic tsi' cλntλbe pejtelel i chubλ'an. Tsajni jini winic ti Jerusalén cha'an mi' ch'ujutesan Dios. ²⁸ Wolix ti cha' sujtél, buchul ti carreta mu' bλ i tujc'λntel majlel. Woli' q'uel i jun jini x'alt'an Isaías. ²⁹ Jini Espíritu tsi' sube Felipe: Cucu ba'an jini carreta. Yom ma' majlel yic'ot, che'en. ³⁰ Felipe tsa' majli ti lλc'λl. Tsi' yubibe i t'an jini winic che' bλ woli' pejcan i jun jini x'alt'an Isaías. Felipe tsi' sube: ¿Mu' ba a ch'λmben isujm jini t'an woli bλ a q'uel? che'en. ³¹ Jini winic tsi' yλλλ: ¿Bajche' mi mejlel c ch'λmben isujm mi ma'anic majqui mi' cλntesañon? che'en. Tsi' sube letsel Felipe cha'an mi' buchtλ yic'ot. ³² Ya' ba' woli' q'uel i Ts'ijbujel Dios an jini t'an: “Tsa' pλjyi majlel cha'an mi' chλmel che' bajche' tiñλme'. Che' bajche' alλ tat tiñλme' ñλch'λl bλ ti' tojlel jini mu' bλ i tsepben i tsutsel, ma'anic tsi' cha'le t'an jini winic. ³³ Pec' tsi' mele i bλ. Jini año' bλ i ye'tel ma'anic tsi' meleyob ti toj. ¿Majqui mi mejlel

i tsicben i yalobilob jini winic? Come tsa' tsansanti ila ti pañimil", che'en.

³⁴ Jini eunuco tsi' c'ajtibe Felipe: Awocolic subeñon, ¿majqui jini tsa' bλ ña'tanti ti' t'an jini x'alt'an? ¿Jim ba jini x'alt'an Isaías o jim ba yambλ winic? che'en. ³⁵ Felipe tsa' caji ti t'an. Tsa' caji i suben jini wen t'an cha'an Jesús che' bajche' ts'ijbubil i cha'an Isaías.

³⁶ Che' woli' majlelob ti bij, tsa' c'otiyob ba'an ja'. Jini eunuco tsi' sube: Q'uele, wλ'an ja'. ¿Am ba chuqui mi' mλctañon cha'an mic ch'λm ja? che'en. ³⁷ Felipe tsi' sube: Mi wola' ñop ti pejtelel a pusic'al, mi mejlel a ch'λm ja', che'en. Jini eunuco tsi' jac'be: Mic ñop i Yalobilach Dios jini Jesucristo, che'en. ³⁸ Jini eunuco tsi' yλc'λ mandar cha'an mi' cλy i xλmbal jini carreta. Tsa' jubiyob ti ja' ti' cha'ticlelob, Felipe yic'ot jini eunuco. Felipe tsi' yλq'ue ch'λmja'. ³⁹ Che' bλ tsa' loq'uiyob ti ja', i yEspíritu lac Yum tsi' jλm chucu majlel Felipe. Jini eunuco ma'anix tsi' chλn q'uele. Tijicña i pusic'al tsa' majli ti bij. ⁴⁰ Ya' tsa' tajle Felipe ti Azoto. Che' bλ tsa' ñumi majlel, tsi' subu jini wen t'an ti pejtelel tejclum tac c'λlλl ti Cesarea.

9

Saulo tsi' ñopo lac Yum

(Hch. 22.6-16; 26.12-18)

¹ Saulo woli to ti a'leya ti' contra xclant'añob i cha'an lac Yum. Yom i tsansañob. Tsa' tili ba'an ñuc bλ motomaj.

² Tsi' c'ajtibe jun cha'an mi' pλs ti sinagoga tac ya' ti Damasco. Jini jun tsi' yλq'ue i ye'tel cha'an cλchbil mi' pλyob majlel ti Jerusalén pejtelel woli bλ i ñopbeñob i bijlel Cristo, mi tsi' tajayob.

³ Che' woli' majlel ti bij, che' yomix c'otel ti Damasco, ora jach tsa' tili i sλclel c'ajc ch'oyol bλ ti panchan ti' joytilel Saulo. ⁴ Tsa' yajli ti lum. Tsi' yubi t'an tsa' bλ

i sube: Saulo, Saulo, ¿chucoch ma' tic'lañon? che'en. ⁵ Saulo tsi' yλλλ: ¿Majquiyet c Yum? che'en. Tsi' sube: Joñonlach Jesús woli bλ a tic'lan, che'en. ⁶ Saulo, tsiltsilña ti bλq'uen, tsi' sube: C Yum, ¿chuqui a wom mic cha'len? che'en. Lac Yum tsi' sube: Ch'ojyen. Ochen ti tejclum. Mi caj a subentel chuqui yom ma' cha'len, che'en. ⁷ Winicob woli bλ i pi'leñob Saulo ti xλmbal ñλch'λl tsa' cleyob cha'an bλq'uen. Come ti isujm tsi' yubiyob t'an, pero ma'anic tsi' q'ueleyob majqui woli ti t'an. ⁸ Saulo tsa' ch'ojyi ti lum. Che' cañalix i wut, ma'anic chuqui tsa' mejli i q'uel. Jini i pi'λlob tsi' toj'esayob majlel ti' c'λb. Tsi' pλyλyob majlel ti Damasco. ⁹ Uxp'ejl q'uin tsa' cλe ti xpots'. Ma'anic chuqui tsi' c'uxu. Ma'anic chuqui tsi' jαρλ.

Saulo ya' ti Damasco

(Hch. 22.12-16)

¹⁰ An juntiquil xclant'an ti Damasco, i c'aba' Ananías. Tsi' q'uele chuqui tsa' pasbenti ti lac Yum. Lac Yum tsi' sube: Ananías, che'en. Ananías tsi' jac'λ: Wλ' añon c Yum, che'en. ¹¹ Lac Yum tsi' sube: Ch'ojyen. Cucu ti bij, i c'aba' Toj. Ya' ti' yotot Judas, sajcan juntiquil winic i c'aba' Saulo, ch'oyol bλ ti Tarso. Awilan, woli' pejcan Dios. ¹² Saulo tsa'ix i q'ueleyet che' bajche' ti ñajal, Ananías. Tsi' q'uele tsa' wλc'λ a c'λb ti' jol cha'an mi' cha' c'otel i wut, che'en. ¹³ Ananías tsi' jac'λ: C Yum, cabλ tsa cubi t'an cha'an jini winic. Cabλ i jontolil tsa' bλ i cha'le ti' contra a cha'año' bλ ti Jerusalén. ¹⁴ An i ye'tel ilayi aq'uebil cha'an ñuc bλ motomajob cha'an mi' cλch pejtelel mu' bλ i pejcañob a c'aba', che'en Ananías. ¹⁵ Lac Yum tsi' sube: Cucu, come yajcλbilach c cha'an, cha'an mi' sub majlel j c'aba' ti' tojlel gentilob yic'ot reyob yic'ot israelob. ¹⁶ Come mi caj c pasben bajche' c'amel mi caj i yubin wocol cha'an tij c'aba', che'en.

¹⁷ Ananías tsa' majli. Tsa' ochi ti otot. Che' bΛ tsi' yΛc'Λ i c'Λb ti' jol Saulo, tsi' yΛΛ: Hermano Saulo, c Yum Jesús tsa' bΛ tsictiyi ti bij che' bΛ tsa' tiliyet, tsi' chocoyon tilel cha'an mi' cha' c'otel a wut, cha'an ma' bujt'el ti Ch'ujul bΛ Espíritu, che'en. ¹⁸ Ti ora jach tsa' c'ajli loq'uel i sujl i wut. Tsa' cha' c'oti i wut. Tsa' ch'ojyi Saulo. Tsi' ch'ΛmΛ ja'. ¹⁹ Che' ujtemix ti we'el tsi' cha' taja i p'Λtlalel.

Cha'p'ejl uxpejl q'uin tsa' jale Saulo yic'ot xcΛnt'añob ti Damasco. ²⁰ Tsi' bΛc' subu t'an cha'an Cristo ti sinagoga tac. Tsi' yΛΛ: I Yalobilach Dios jini Cristo, che'en. ²¹ Tsa' toj sajtiyob i pusic'al pejtelel tsa' bΛ i yubiyob. Tsi' yΛΛyob: ¿Mach ba jinic tsa' bΛ i tic'la jini mu' bΛ i pejcañob i c'aba' Cristo ya' ti Jerusalén? Jini cha'an tsa' tili wΛ'i cha'an cΛchbil mi' pΛyob majlel ti' tojlel ñuc bΛ motomajob, che'ob. ²² Ñumen cabΛ tsa' p'ojli i p'Λtlalel Saulo. Ma'anic chuqui tsa' mejli i jac'ob jini judíojob chumulo' bΛ ti Damasco, come Saulo tsi' wen tsictesΛbeyob Cristojach jini Jesús. ²³ Che' bΛ tsa' ñumi cabΛ q'uin, jini judíojob tsi' comol pejcayob i bΛ. Tsi' ña'tayob bajche' mi caj i tsΛnsañob Saulo. ²⁴ Ubibilix i cha'an Saulo che' woli' chijtañob. Ti q'uiñil ti ac'lel tsi' chijtayob ya' ti' ti' tac tejclum cha'an mi' tsΛnsañob. ²⁵ Jini cha'an jini xcΛnt'añob tsi' pΛyΛyob majlel ti ac'lel. Tsi' ju'sayob ti colem chiquib ti' ñΛc' jini chan bΛ ts'ajc.

Saulo ya' ti Jerusalén

²⁶ Che' bΛ tsa' c'oti Saulo ti Jerusalén, tsi' ñopo i tem ajñel yic'ot xcΛnt'añob. Ti pejtelel tsi' bΛc'ñayob. Ma'anic tsi' ñopoyob mi xcΛnt'an Saulo. ²⁷ Bernabé tsi' taja. Tsi' pΛyΛ majlel ba'an jini apóstolob. Tsi' subeyob: Jiñlch Saulo. Tsi' q'uele lac Yum ti bij. Lac Yum tsi' pejca. Ya' ti Damasco ch'ejl i pusic'al tsi' cha'le subt'an ti' c'aba' Jesús, che'en. ²⁸ Jini cha'an temel tsa' ajni Saulo yic'otob

ti Jerusalén. ²⁹ Ch'ejl i pusic'al tsi' cha'le subt'an ti' c'aba' lac Yum. Tsi' subeyob jini griegojob jini wen t'an. Tsi' contrajiyob i bλ ti t'an. Jini griegojob yomob i tsansan Saulo. ³⁰ Che' yujilobix jini hermanojob, tsi' ρλυγob majlel ti Cesarea. Tsi' chocoyob majlel ti Tarso. ³¹ Tsa' ñljch'i i tic'lantel jini xñopt'añob ti pejtelel Judea yic'ot ti Galilea yic'ot ti Samaria. Tsa' p'atesantiyob. Tsi' chlλ bλc'ñayob lac Yum. Tsa' ñuc'ayob i pusic'al cha'an Ch'ujul bλ Espíritu. Tsa' wen p'ojliyob.

Eneas yic'ot Tabita

³² Che' bλ tsa' ñumi majlel Pedro ti pejtelel lum, tsa' c'oti i jula'tan i cha'año' bλ lac Yum ya' bλ chumulob ti Lida. ³³ Ya' tsi' taja juntiquil winic, i c'aba' Eneas. Ñolol ti' wlyib waxλcp'ejl jab. Mach wenic i yoc i c'λb. ³⁴ Pedro tsi' sube: Eneas, Jesucristo woli' lajmesañet. Ch'ojoyen. Teche a wlyib, che'en. Ti ora jach tsa' ch'ojoyi. ³⁵ Pejtelel jini ya' bλ chumulob ti Lida yic'ot ti Sarón tsi' q'ueleyob. Tsi' sutq'uiyob i bλ cha'an mi' ñopob lac Yum.

³⁶ Ya' ti Jope an xcant'an i c'aba' Tabita, jiñlch Dorcas. Jini x'ixic bλxatax ti wen bλ i ye'tel tsa' bλ i cha'le. Tsi' yλq'ueyob i chubλ'an jini mach bλ añobic i cha'an. ³⁷ Ti jini jach bλ semana tsa' c'am'a. Tsa' chlami. Che' bλ tsa'ix ujti i pocob, tsi' yλc'lyob ti jump'ejl i mal otot. ³⁸ Lλc'λl an Lida ti Jope. Jini xcant'añob che' bλ tsi' yubiyob ya'an Pedro ti Jope, tsi' chocoyob majlel cha'tiquil winicob ba'an. Tsi' subeyob: Awocolic mach ma' chlλ jalijel ilayi. La' ti ora ba' añon lojon, che'ob. ³⁹ Jini cha'an Pedro tsa' ch'ojoyi, tsa' majli yic'otob. Che' bλ tsa' c'oti, tsi' ρλυγob ochel. Ya' wa'alob pejtelel jini meba' x'ixicob ti' joytilel Pedro, woliyob ti uq'uel. Tsi' pλsbeyob cabλl chaqueta yic'ot bujclλ tsa' bλ i mele Dorcas che' anto yic'otob. ⁴⁰ Pedro tsi' subeyob cha'an mi' loq'uelob ti

pejtelelob. Tsa' ñocle. Tsi' pejca Dios. Ti wi'il tsi' sutq'ui i bλ cha'an mi' q'uel jini ch'ujlelλ. Tsi' sube: Ch'ojyen, Tabita, che'en. Tsa' cajni i wut. Che' bλ tsi' q'uele Pedro, tsa' buchle. ⁴¹ Pedro tsi' yλq'ue i c'λb. Tsi' teche. Che' bλ tsa'ix i cha' pλyλ ochel i cha'año' bλ lac Yum yic'ot jini meba' x'ixicob, tsi' pλsbeyob cha' cuxulix Dorcas. ⁴² Tsa' caji ti cλjñel ti pejtelel Jope. Cabλ tsi' ñopoyob lac Yum. ⁴³ Ya' tsa' jale Pedro cabλ q'uin ti Jope ti' yotot Simón, jini sts'aj pλchi.

10

Cornelio tsi' pλyλ Pedro

¹ Ya'an winic ti Cesarea, i c'aba' Cornelio. An ti' wenta Cornelio jo'c'al soldadojob i c'aba' Italiana. ² Tsi' ch'ujutesa Dios jini winic. Tsi' bλc'ña Dios yic'ot pejtelel año' bλ ti' yotot. Tsi' yλq'ueyob cabλ i majtan jini p'ump'uño' bλ. Pejtelel ora tsi' pejca Dios ti oración. ³ Che' ti och'ajel q'uin an chuqui tsi' q'uele tilem bλ ti panchan. Juntiquil i yángel Dios tsa' ochi ba'an. Jini ángel tsi' pejca: Cornelio, che'en. ⁴ Cornelio tsi' cha'le bλq'uen che' bλ tsi' q'uele jini ángel. Tsi' sube: ¿Chuqui a wom c Yum? che'en.

Jini ángel tsi' sube: A woración yic'ot i majtan tac p'ump'uño' bλ mu' bλ a wλq'ueñob woli' ña'tantel ti Dios. ⁵ Choco majlel winicob ti Jope. Pλyλ tilel Simón, jini am bλ i cha'chajplel i c'aba' Pedro. ⁶ Ya' jijlem Pedro ti' yotot Simón, jini sts'aj pλchi. Lac'λl an i yotot ti' ti' colem ñajb. Pedro mi caj i subeñet chuqui yom ma' cha'len, che'en jini ángel. ⁷ Che' majlemix jini ángel tsa' bλ i pejca, Cornelio tsi' pλyλ tilel cha'tiquil i winicob yic'ot juntiquil soldado tsa' bλ i coltayob ti' ye'tel. Jini soldado tsi' ch'ujutesa Dios. ⁸ Che' bλ tsi' subeyob chuqui tsa' ujti, Cornelio tsi' chocoyob majlel ti Jope.

Jini tsa' bλ i q'uele Pedro

⁹ Ti yijc'λal, che' woliyob ti xλmbal majlel ti bij, che' λc'λlix añob ti tejclum, Pedro tsa' letsi ti' jol otot cha'an mi' pejcan Dios. Ts'ita jax yom i taj xinq'uiñil. ¹⁰ Anix cabλ i wi'ñal. Yomix i cha'len we'el. Che' woli to i chajpañob we'elλ an chuqui tsi' q'uele Pedro ti espíritu. ¹¹ Tsi' q'uele calal jini panchan. Woli' jubel tilel che' bajche' colem pisil cλchbil ti chλmp'ejlel i xujc. Tsa' ju'santi c'λλλ ti lum. ¹² Ya' ti mal jini pisil an cabλ alλc'λl, yic'ot bλte'el ti chajp ti chajp, yic'ot jini jλλcña bλ, yic'ot te'lemut. ¹³ Tsa' c'oti t'an, tsi' sube: Ch'ojyen, Pedro. Tsansan. C'uxu, che'en. ¹⁴ Pedro tsi' sube: Mach che'iqui c Yum, come ma'anic ba' ora tsaj c'uxu chuqui tac tic'bil mi chuqui tac bibi', che'en. ¹⁵ Ti' cha'yajlel tsa' c'oti jini t'an ba'an Pedro: Mach a ts'a'len jatet, chuqui tac tsa'ix i sλq'uesa Dios, che'en. ¹⁶ Uxyajl tsa' c'oti jini t'an. Ti wi'il jini pisil tsa' cha' chujqui letsel ti panchan.

¹⁷ Che' woli' chλn ña'tan Pedro chuqui i sujmllel jini tsa' bλ ujti i q'uel, awilan, tsa' tiliyob jini winicob chocbilo' bλ tilel i cha'an Cornelio. Tsi' c'ajtibeyob baqui an i yotot Simón. Tsa' c'otiyob ti' ti'. ¹⁸ Che' bλ tsi' cha'leyob pλyoñel, tsi' c'ajtibeyob mi ya' jijlem Simón jini am bλ i cha'chajplel i c'aba' Pedro. ¹⁹ Che' woli to i ña'tan Pedro chuqui i sujmllel jini tsa' bλ ujti i q'uel, jini Espíritu tsi' sube: Awilan, uxtiquil winicob woli' sajcañetob. ²⁰ Ch'ojyen, che' jini. Juben. Cucu yic'otob. Mach yomic tile bixel a pusic'al, come joñon tsac chocoyob tilel, che'en. ²¹ Pedro tsa' jubi majlel ba'an jini winicob chocbilo' bλ tilel i cha'an Cornelio. Tsi' subeyob: Awilan joñoñλch, woli la' sajcañon. ¿Chucoch tsa' tiliyetla? che'en.

²² Tsi' subeyob: Jini Cornelio, i yaj capitán jo'c'al soldadojob, jini wen toj bλ, mi' bλc'ñan Dios. Cλmbil i

cha'an pejtelel israelob weñlch i melbal. Juntiquil ch'ujul bλ ángel tsi' sube Cornelio cha'an mi' p̄lyet majlel ti' yotot cha'an mi' yubin chuqui ti t'an ma' sub, che'ob. ²³ Pedro tsi' subeyob ochel. Tsi' we'sayob.

Ti yijc'λlal tsa' ch'ojyi, tsa' majli yic'otob. Lamital jini hermanojob ti Jope tsi' pi'leyob majlel.

Pedro ya' ti' yotot Cornelio

²⁴ Ti yijc'λlal tsa' ochiyob ti Cesarea. Cornelio wolix i pijtañob. Tsa'ix i tempa cabλ i pi'λlob yic'ot i cλñayo' bλ. ²⁵ Che' bλ tsa' ochi Pedro ti otot, tsa' tili Cornelio i taj. Cornelio tsi' ñocchoco i bλ ti' tojel. Tsa' caji i ch'ujutesan. ²⁶ Pedro tsi' teche ch'ojyel. Tsi' sube: Ch'ojyen. Winicon ja'el, che'en. ²⁷ Che' bλ woli' pejcañob i bλ, tsa' ochi Pedro ti' mal otot. Tsi' taja cabλ tempλbilo' bλ. ²⁸ Tsi' subeyob: La' wujil tic'bil ti mandar mi' yajñel judío yic'ot winic ch'oyol bλ ti yambλ lum. Tic'bil mi' jula'tan. Dios tsi' p̄sbeyon mach wenic mic ts'a'len winicob mi juntiquilic. Mach mejlic c bi'leñob. ²⁹ Jini cha'an tsa' tiliyon che' bλ tsa' p̄lyayon tilel. Ma'anic tsac ñusa c p̄lyol. Jini cha'an mij c'ajtibeñetla, ¿chucoch tsa' la' p̄lyayon tilel? che'en.

³⁰ Cornelio tsi' sube: Anix chλmp'ejl q'uin che' bajche' ti ili ora woliyon ti oración. Che' ti och'ajel q'uin, awilan juntiquil winic tsa' wa'le ti' tojel c wut. Wen sλcxowan i bujc. ³¹ Jini winic tsi' subeyon: “Cornelio, ubibilix a woración i cha'an Dios. Ña'tλbil i cha'an Dios, tsa'ix a wλq'ue i majtan jini p'ump'uña' bλ. ³² Jini cha'an, choco majlel winicob c'λlλ ti Jope. P̄lyλ tilel Simón, jini am bλ i cha'chajplel i c'aba' Pedro. Ya jijlem ti' yotot Simón jini sts'aj p̄lchi lλc'λl bλ ti' ti' colem ñajb. Che' tilemix mi caj i pejcañet”, che'en. ³³ Jini cha'an ti ora jach tsac chocoyob majlel ba' añet. Uts'at tsa' tiliyet. Wλle wλ' temel añon

lojon ti' wut Dios tic pejtelel lojon cha'an mi cubin lojon pejtelel chuqui tsi' subeyet Dios. Che' tsi' yɔɔɔ Cornelio.

I subt'an Pedro

³⁴ Pedro tsa' caji ti t'an. Tsi' yɔɔɔ: Mic ña'tan ti isujm, junlajal mi' q'uel winicob Dios. ³⁵ Ti pejtelel lum Dios mi' q'uel ti uts'at jini mu' bɔ i bɔc'ñañob, mu' bɔ i cha'leñob chuqui toj. ³⁶ Dios tsi' choco tilel i t'an ba'an israelob. Tsi' subeyob jini wen t'an cha'an mi' tajob i ñɔch'tilel i pusic'al ti Jesucristo, jiñɔch i Yum pejtelel winicob. ³⁷ Ubibil la' cha'an jini t'an tsa' bɔ puɔqui ti pejtelel Judea. Ya' tsa' tejchi ti Galilea che' bɔ tsi' subu Juan cha'an mi' ch'ɔmob ja'. ³⁸ Dios tsi' yajca Jesús, jini loq'uem bɔ ti Nazaret. Tsi' yɔq'ue Ch'ujul bɔ Espíritu yic'ot i p'ɔtɔlel. Baqui jach tsa' ñumi tsi' cha'le uts'at bɔ i ye'tel. Tsi' lajmesa pejtelel jini tic'lɔbilo' bɔ cha'an xiba, come an Dios yic'ot. ³⁹ Joñon lojon tsaj q'uele lojon pejtelel chuqui tsi' mele Jesús ti Judea yic'ot ti Jerusalén. Jini judíojob tsi' tsansayob. Tsi' ch'ijiyob ti te'. ⁴⁰ Dios tsi' teche ch'oɔyel ti' yuxp'ejlel q'uin. Tsi' yɔc'ɔ ti q'uejlel. ⁴¹ Mach ti' wutic pejtelel winicob x'ixicob, cojach tic wut lojon tsa' bɔ c cha'le lojon we'el, uch'el yic'ot Jesús che' ch'oɔyemix loq'uel ba'an chameño' bɔ. Dios tsi' wa'chocoyon lojon ti testigo cha'an mic laj sub chuqui tsaj q'uele lojon. ⁴² Jesús tsi' yɔq'ueyon lojon mandar cha'an mic subeñoob winicob x'ixicob jiñɔch Jesús jini yajcɔbil bɔ i cha'an Dios mu' bɔ caj i cha'len meloñel. Mi caj i mel jini cuxulo' bɔ yic'ot chameño' bɔ. ⁴³ Pejtel x'alt'añoob tsi' yɔɔyob mi caj i ñusɔbentelob i mul ti' c'aba' Jesús pejtelel mu' bɔ i ñorob. Che' tsi' yɔɔɔ Pedro.

⁴⁴ Che' woli to i sub jini t'an Pedro, tsa' aq'uentiyob Ch'ujul bɔ Espíritu pejtelel tsa' bɔ i yubibeyob i t'an. ⁴⁵ Jini hermanojob tsepbilo' bɔ i pɔchɔlel, tsa' bɔ i pi'leyob majlel Pedro, tsa' toj sajtiyob i pusic'al, come tsa' aq'uentiyob

gentilob ja'el jini Ch'ujul bλ Espíritu ti' majtan jach. ⁴⁶Come tsi' yubiyob woliyob ti t'an ti yan tac bλ t'an. Woli' subob i ñuclél Dios. ⁴⁷Pedro tsi' c'ajtibeyob: ¿Mejl ba mi lac tic'ob ti ch'λmja' jini tsa' bλ aq'uentiyob jini Ch'ujul bλ Espíritu che' bajche' tsa' aq'uentiyonla? che'en. ⁴⁸Tsi' subeyob cha'an mi' ch'λmob ja' ti' c'aba' Jesucristo. Jini gentilob tsi' subeyob Pedro ti wocol t'an cha'an mi' jalijel yic'otob cha'p'ejl uxp'ejl q'uin.

11

Pedro tsi' pejca xñopt'añob ya' ti Jerusalén

¹Jini apóstolob yic'ot jini hermanojob año' bλ ti Judea tsi' yubiyob tsa'ix i jac'beyob i t'an Dios jini gentilob ja'el. ²Che' bλ tsa' tili Pedro ti Jerusalén, jini woli bλ i ñopob tsep pλchλel tsi' yλ'leyob. ³Tsi' subeyob: ¿Chucoch tsa' ochiyet ti' yotot winicob mach bλ tsepbilobic i pλchλel? ¿Chucoch tsa' cha'le we'el yic'otob? che'ob. ⁴Quepecña tsa' caji i sub Pedro chuqui tsa' ujtí. Tsi' yλλ: ⁵Che' ya' año' ti tejclum i c'aba' Jope che' wolic pejcan Dios, an chuqui tsaj q'uele tilem bλ ti panchan. Tsa' jubi tilel ti panchan che' bajche' colem pisil ju'sλbil ti chλmp'ejlel i xujc. Tsa' c'oti ba' año'. ⁶Che' bλ tsac wen q'uele, ya'an alac'λl, yic'ot jontol tac bλ bλte'el, yic'ot lucum yic'ot te'lemut. ⁷Tsa cubi t'an. Tsi' subeyon: “Ch'ojyen, Pedro. Tsλnsan, c'uxu”, che'en. ⁸Tsac subu: “Ma'anic, c Yum, come ma'anic ba' ora tsa' ochi ti quej chuqui tac tic'bil, mi chuqui tac bibi”, cho'on tsac sube. ⁹Jini t'an ch'oyol bλ ti panchan tsi' jac'beyon ti' cha'yajlel: “Mach a ts'alén chuqui tac tsa'ix i sλq'uesa Dios”, che'en. ¹⁰Uxyajl tsa' c'oti jini t'an. Ti wi'il tsa' cha' chujqui letsel ti panchan ti pejtelel.

¹¹Awilan, tsa' bλc' tiliyob uxtiquil winicob ti jini otot ba' año'. Chocbilob tilel ti Cesarea tsa' tiliyob ba' año'.

¹² Jini Espíritu tsi' subeyon mach yomic tile bixel c pu-sic'al. Yom abi mic majlel ti ora yic'otob. Ili wλctiquil hermanojob tsa' majliyob quic'ot ja'el. Tsa' ochiyon lojon ti' yotot Cornelio. ¹³ Tsi' subeyon lojon bajche' tsi' q'uele juntiquil ángel wa'al ti' yotot. Jini ángel tsi' sube: “Choco majlel winicob ti Jope. Ραυλ tilel Simón, jini am bλ i cha'chajplel i c'aba' Pedro. ¹⁴ Mi caj i subeñet t'an cha'an mi la' coltantel, jatet yic'ot pejtelel año' bλ ti a wotot”, che'en.

¹⁵ Che' bλ tsa' cajiyan ti t'an, tsa' aq'uentiyob Ch'ujul bλ Espíritu ja'el che' bajche' tsa' aq'uentiyonla ti ñaxan. ¹⁶ Tsac ña'ta i t'an lac Yum tsa' bλ i γλλλ: “Isujm, Juan tsi' γλq'ueyetla ch'λmja' ti ja', pero mi caj la' wλq'uentel la' ch'λm Ch'ujul bλ Espíritu”, che'en. ¹⁷ Dios tsi' γλq'ueyob i majtan che' bajche' tsi' γλq'ueyonla che' bλ tsa' lac jac'be i t'an lac Yum Jesucristo. Mi che'λch tsi' mele Dios, ¿mejl ba mic tic' joñon? Che' tsi' γλλλ Pedro. ¹⁸ Che' bλ tsi' yubibeyob i t'an, ñλch'λl tsa' cleyob. Tsi' subuyob i ñucllel Dios. Tsi' γλλλyob: Dios tsa'ix i γλq'ueyob gentilob ja'el i cleyob i mul cha'an mi' tajob i cuxtalel, che'ob.

Xñopt'añob ya' ti Antioquía

¹⁹ Che' bλ tsa' chλmi Esteban tsa' tejchi cabλ tic'laya. Jini winicob tsa' bλ pam pujquiyob cha'an i tic'λntel tsa' majliyob c'λλl ti Fenicia yic'ot ti Chipre, yic'ot ti Antioquía. Jini jach judíojob tsa' subentiyob jini wen t'an. ²⁰ An ja'el winicob ch'oyolo' bλ ti Chipre yic'ot ti Cirene tsa' bλ ochiyob ti Antioquía. Tsi' pejcayob griegojob ja'el. Tsi' subeyob jini wen t'an cha'an lac Yum Jesús. ²¹ An i p'λtλlel lac Yum yic'otob. Wen cabλ tsi' sutq'uiyob i bλ cha'an mi' ñopob lac Yum.

²² Jini xñopt'añob mu' bλ i tempañob i bλ ti Jerusalén tsi' yubiyob chuqui tsa' ujti. Tsi' chocoyob majlel Bernabé

c'ɫɫɫ ti Antioquía. ²³ Che' bɫ tsa' c'oti Bernabé ya' ti Antioquía, tijicña i pusic'al come tsi' q'uele añob ti' yutslel i pusic'al Dios. Tsi' xic'beyob ti pejtelelob cha'an mi' chɫɫ ñopob lac Yum ti' xuc'tilel i pusic'al. ²⁴ Uts'at i pusic'al Bernabé. But'ul ti Ch'ujul bɫ Espíritu. Ñopol i cha'an i t'an Dios ti jump'ejl i pusic'al. Cabɫ winicob x'ixicob tsi' ñopoyob lac Yum.

²⁵ Ti wi'il tsa' majli Bernabé ti Tarso cha'an mi' sɫɫɫ Saulo. ²⁶ Che' bɫ tsi' taja, tsi' pɫɫɫ majlel ti Antioquía. Jump'ejl jab tsa' tem ajniyob ya'i yic'ot jini xñopt'añob mu' bɫ i tempañob i bɫ. Tsi' cɫɫɫɫɫɫ cabɫ winicob x'ixicob. Ya' ti Antioquía tsa' tejchi i pejcɫɫɫɫɫɫ ti cristianojob jini xcɫɫɫ'añob cha'an tsi' tsajcayob Cristo.

²⁷ Tsa' cajiyojob ti jubel majlel ti Antioquía x'alt'añob ch'oyolo' bɫ ti Jerusalén. ²⁸ Tsa' wa'le juntiquil i c'aba' Agabo. Ti' p'ɫɫɫɫɫ jini Espíritu tsi' subeyob tal wi'ñal ti pejtelel pañimil. Jini wi'ñal tsa' caji che' ochemix Claudio ti' ye'tel. ²⁹ Jini xcɫɫɫ'añob tsi' ña'ta i chocbeñob majlel i majtan jini hermanojob año' bɫ ti Judea che' bajche' c'amel tsa' mejli i yɫc'ob ti jujuntiquil. ³⁰ Che'i tsi' cha'leyob. Tsi' chocoyob majlel ti' c'ɫɫ Bernabé yic'ot Saulo cha'an mi' yɫq'ueñob jini ancianojob.

12

*Yamb*ɫ i tic'ɫɫɫɫɫɫ

¹ Ti jini jach bɫ ora jini rey Herodes tsa' caji i wersa tic'ɫɫɫɫɫɫ jini xñopt'añob mu' bɫ i tempañob i bɫ.

² Tsi' set' t'ojbe loq'uel i bic' Jacobo, i yɫscun Juan.

³ Che' bɫ tsi' q'uele Herodes tijicñayob judíojob cha'an tsi' tsɫɫɫɫɫ Jacobo, tsa' caji i chuc Pedro ja'el. I q'uiñilelix caxlan waj mach bɫ anic i levadurajlel. ⁴ Che' bɫ tsa'ix i chucu Pedro, tsi' yotsa ti mɫjquibɫ. Tsi' yɫc'ɫɫ ti cɫɫɫɫɫɫɫ

cha'an wɔclujuntiquil (16) soldadojob. Ti chɔnchɔn-tiquilob tsi' cɔntayob. Herodes tsi' ña'ta i loc'san Pedro che' ñumenix Pascua cha'an mi' mel ti' wut xtejclumob. ⁵Jini cha'an cɔntɔbil Pedro ti mɔjquibɔl. Jini xñopt'añob mu' bɔ i tempañob i bɔ tsi' c'ajtibeyob Dios ti oración ti pejtelel ora cha'an Pedro.

Lac Yum tsi' loc'sa Pedro ti mɔjquibɔl

⁶Ti jini jach bɔ ac'ɔlel che' yomix Herodes i pɔy loq'uel Pedro, ya'an Pedro xinɔpɔl i cha'an cha'tiquil soldadojob, cɔchɔl ti cha't'ujm cadena. Jini xcɔntayajob woli' cɔntañob i ti' mɔjquibɔl ti jumpat. ⁷Awilan, tsa' tili i yángel lac Yum ba'an Pedro. Tsa' tsictiyi c'ajc ti mɔjquibɔl. Jini ángel tsi' ñijca Pedro ti' ts'ejtɔl. Tsi' sube: Ch'ojyen ti ora, che'en. Tsa' tujq'ui jini cadena am bɔ ti' c'ɔb. ⁸Jini ángel tsi' sube: Cɔchɔl a bɔ ti a cajchiñɔc'. ɔpɔl a xɔñɔb, che'en. Che'i tsi' mele Pedro. Jini ángel tsi' cha' sube: ɔpɔl pɔl bɔ a bujc. La' tsajcañon, che'en. ⁹Pedro tsi' tsajca loq'uel jini ángel. Mach yujilic Pedro mi isujm chuqui tsi' cha'le jini ángel. Woli jach ti ñajal tsi' lon ña'ta ti' pusic'al. ¹⁰Che' bɔ tsa'ix i ñusayob jini ñaxan bɔ xcɔntaya yic'ot jini wi'il bɔ tsa' tiliyob ba'an colem bɔ i ti' cárcel melbil bɔ ti tsucul taq'uin, ya' ba' mi' loq'uelob majlel ti tejclum. Yilol jach tsa' jajmi ti' wutob. Che' bɔ tsa' loq'uiyob ti mɔjquibɔl, che' bɔ tsi' xɔñayob majlel calle, tsi' bɔc' sɔtɔl i bɔ jini ángel.

¹¹Tsa' toj juli i pusic'al Pedro. Tsi' yɔɔɔ: Wɔle mic ña'tan isujmɔch. Jini c Yum tsi' choco tilel i yángel. Tsi' coloyon ti' c'ɔb Herodes yic'ot ti' c'ɔb pejtelel judíojob tsa' bɔ i chijtayonob. Che' tsi' yɔɔɔ ti' pusic'al Pedro.

¹²Che' bɔ tsa'ix i ña'ta, tsa' c'oti ti' yotot María, i ña' Juan, jini xcɔnt'an am bɔ i cha'chajplel i c'aba' Marcos. Ya' temel añob cabɔl xñopt'añob. Woli' pejcañob Dios.

¹³ Pedro tsi' jats'Λ i ti' corredor. Tsa' majli juntiquil xch'oc i c'aba' Rode i yubin majqui ya'an. ¹⁴ Che' bΛ tsi' cambe i t'an Pedro, tijicña jax tsi' yubi. Ma'anic tsi' jambe i ti' corredor. Ajñel tsa' cha' ochi ti mal otot. Tsi' subeyob: Ixix wa'al Pedro ti' ti' corredor, che'en. ¹⁵ Tsi' subeyob: Sojquem a jol, che'ob. Rode tsi' chΛn subeyob: IxΛch an, che'en. Tsi' yΛlyob: JiñΛch i yángel, che'ob. ¹⁶ Pedro tsa' to i chΛn jats'Λ i ti' corredor. Che' bΛ tsi' jambeyob tsi' q'ueleyob. Tsa' toj sajtiyob i pusic'al. ¹⁷ Pedro tsi' pasbeyob ti' c'Λb cha'an mi' cΛyob i t'an. Tsi' tsictesΛbeyob bajche' lac Yum tsi' loc'sa ti majquibΛl. Tsi' subeyob: Subenla Jacobo yic'ot jini hermanojob chuqui tsa' ujtí, che'en. Tsa' loq'ui majlel. Tsa' majli ti yambΛ tejclum.

¹⁸ Che' bΛ tsa' sΛc'a, cabΛ tsi' cha'leyob t'an soldadojob cha'an mach tsiquili Pedro. ¹⁹ Herodes tsi' sΛcΛa Pedro. Tsi' c'ajtibeyob xcΛntayajob baqui an. Che' ma'anic tsi' tajayob tsi' yΛc'Λ mandar cha'an mi' tsΛnsΛntelob. Pedro tsa' loq'ui ti Judea. Tsa' jubi majlel ti Cesarea. Ya' tsa' jale ya'i.

Tsa' chΛmi Herodes

²⁰ Herodes tsa' caji i mich'len winicob año' bΛ ti Tiro yic'ot ti Sidón. Tsa' tiliyob jini winicob ba'an Herodes. Tsi' ñaxan mucul pejcayob Blasto, jini i yaj q'uel wΛyib Herodes. Tsi' c'ajtibeyob ti wocol t'an cha'an mi' cΛy i mich'leñob, come ya' woli' tajib i bΛl i ñΛc' ti' lumal Herodes. ²¹ Che' bΛ tsa' c'oti i yorajlel, tsa' buchle Herodes ti' buchlib ti meloñel. LΛpΛl i cha'an i pislel rey. ²² Winicob tsi' cha'leyob c'am bΛ t'an: ¡JiñΛch Dios woli bΛ ti t'an! ¡Mach winiquic woli bΛ ti t'an! che'ob. ²³ Ti ora i yángel lac Yum tsi' yotsΛbe i chΛmel, come ma'anic tsi' yΛc'Λ ti ñuc Dios. Tsa' c'uxle ti motso'. Tsa' chΛmi.

²⁴ Tsa' ñojpi i t'an Dios, tsa' pujqui. ²⁵ Bernabé yic'ot Saulo tsa' loq'uiyob ti Jerusalén che' bλ tsa' ujt i ye'tel. Tsi' ρλυγob majlel Juan yic'otob, jini am bλ i cha'chajplel i c'aba' Marcos.

13

Bernabé yic'ot Saulo tsa' caji i majlelob ti subt'an

¹ Ya' añob x'alt'añob yic'ot xcantesajob ti' tojlel jini xñopt'añob mu' bλ i tempañob i bλ ti Antioquía: i c'aba'ob Bernabé, yic'ot Simón, jini am bλ i cha'chajplel i c'aba' Niger, yic'ot Lucio ch'oyol bλ ti Cirene, yic'ot Saulo, yic'ot Manaén, jini tsa' bλ tem coli yic'ot jini yumal Herodes. ² Che' woli' ch'ujutesañob lac Yum, che' woliyob ti ch'ajb, jini Ch'ujul bλ Espíritu tsi' subeyob: Wa'choconla Bernabé yic'ot Saulo cha'an mi' melob jini e'tel tsa' bλ c chajpλbeyob, che'en. ³ Che' bλ tsa' ujtuyob ti ch'ajb yic'ot oración, tsi' γλc'lyob i c'λb ti' jol. Tsi' subeyob majlel.

Tsi' subuyob i t'an Dios ya' ti Chipre

⁴ Jini cha'an tsa' majliyob ti Seleucia, come chocbilob majlel cha'an Ch'ujul bλ Espíritu. Ya'i tsa' ochiyob ti barco cha'an mi' majlelob ti Chipre. ⁵ Che' bλ tsa' c'otiyob ti Salamina tsa' caji i subob i t'an Dios ti' sinagoga tac judíojob. Juan ja'el tsi' pi'leyob majlel cha'an mi' coltañob ti' ye'tel.

⁶ Che' bλ tsa'ix i xλñlyob ñumel ti pejtelel Chipre, jini lum joyol bλ ti ja', tsa' c'otiyob ti Pafos ti Chipre ba' tsi' tajayob juntiquil xwujt. Jiñlch lot bλ x'alt'an i c'aba' Barjesús, judíojob. ⁷ Ya'an Barjesús yic'ot Sergio am bλ i jol i c'aba' Paulo. An i ye'tel ti gobierno jini Sergio Paulo. Wen p'ip' i pusic'al. Tsi' ρλγλ tilel Bernabé yic'ot Saulo come yom i yubin i t'an Dios. ⁸ Jini xwujt Elimas (come jiñlch i c'aba' ti yambλ t'an) tsi' contrajiyob. Woli'

mactan i t'an Dios ame i ñop jini am bλ i ye'tel. ⁹ Jini cha'an Saulo, i c'aba'λch Pablo ja'el, but'ul ti Ch'ujul bλ Espíritu, tsi' ch'ujch'uj q'uele. ¹⁰ Tsi' sube: But'ulet ti cabλ lot yic'ot cabλ jontolil. I yalobilet xiba. I contrajet pejtelel chuqui tac toj. ¿A wom to ba a chλn xoyben jini toj bλ i bijlel lac Yum? ¹¹ Wale mi' cajel i contrajiñet lac Yum. Awilan mi caj a wochel ti xpots'. Cabλ ora ma'anic mi caj a q'uel i c'ac'al q'uin, che'en Pablo. Ti ora tsa' yajpi i wut, tsa' ochi ti ac'λlel yilal. Tsa' majli i sajcan majqui mi' toj'esan majlel ti' c'λb. ¹² Jini am bλ i ye'tel, che' bλ tsi' q'uele chuqui tsa' ujti, tsi' ñopo i t'an Dios. Tsa' toj sajti i pusic'al cha'an i cantesa lac Yum.

Pablo yic'ot Bernabé ya' ti Antioquía

¹³ Che' bλ tsa' loq'uuyob ti Pafos, Pablo yic'ot i pi'λlob tsa' majliyob ti barco c'λlλl ti Perge ti Panfilia. Juan tsi' cλyλyob. Tsa' cha' sujti ti Jerusalén. ¹⁴ Pablo yic'ot i pi'λlob tsa' ñumiyob ti Perge. Tsa' c'otiyob ti Antioquía ti Pisidia. Ya'i tsa' ochiyob ti sinagoga che' ti' q'uiñilel c'aj o. Tsa' buchleyob. ¹⁵ Che' bλ tsa' ujti i q'uelob jini ts'ijbubil bλ mandar yic'ot i ts'ijbujel x'alt'añob, jini yumλlob ti sinagoga tsi' chocoyob majlel winicob ba' añob. Tsi' subeyob: Winicob, c pi'λlob, mi an chuqui la' wom la' subeñob winicob x'ixicob cha'an mi la' ñuq'uesλbeñob i pusic'al, subula, che'ob.

¹⁶ Jini cha'an Pablo tsa' wa'le. Ñaxan tsi' pλsbeyob i c'λb cha'an mi' ñλjch'elob. Tsi' yλλ: Winicob, israelob, yic'ot pejtel mu' bλ la' bλc'ñan Dios, ñich'tanla. ¹⁷ I Dios israelob tsi' yajca lac ñojte'el. Tsi' yλq'ueyob i ñucllel che' ya' añob ti' lumal Egipto mach bλ i cha'añobic. Tsi' pλyλyob loq'uel ti Egipto ti' p'λtλlel i c'λb. ¹⁸ Cha'c'al jab Dios tsi' chλn cuchbeyob i sajtemal ya' ti jochol bλ lum. ¹⁹ Tsi' jisλbeyob

i p'atlael wuctiquil yumlob ya' ti' lumal Canaán. Dios tsi' t'oxbeyob lac ñojte'el i lumal Canaán.

²⁰ Ti wi'il tsi' yalq'ueyob cabal juezob lujump'ejl i yuxc'al i cha'bajc' (450) jab c'Alal ti' yorajlel jini x'alt'an Samuel. ²¹ Ti wi'il, tsi' c'ajtiyob i rey. Dios tsi' wa'chocobeyob Saúl cha'c'al jab. Jini Saúl i yalobilach Cis, loq'uem ba ti' p'olbal Benjamín. ²² Dios tsi' choco loq'uel ti' ye'tel. Tsi' wa'choco David ti' rey israelob. Dios tsi' yal' ti' clajñel David che' ba tsi' yalal: “Jini David, i yalobil Isaí, jiñach mu' ba j q'uel ti' uts'at. Mi caj i mel pejtelel chuqui com”, che'en. ²³ Dios tsi' ts'actesa i t'an che' ba tsi' choco tilel ti' Israel juntiquil xcoltaya, loq'uem ba ti' p'olbal David, jiñach Jesús. ²⁴ Che' maxto tilemic Jesús, Juan tsi' subeyob pejtelel israelob cha'an mi' clyob i mul cha'an mi' ch'amob ja'. ²⁵ Che' wolix i ts'actiyel i ye'tel, Juan tsi' yalal: “¿Majquiyon mi la' wal? Mach joñonic jini tal ba. Tal to juntiquil tic pat. Mach uts'atonic cha'an mic ticben i xañab am ba ti' yoc”, che'en.

²⁶ Winicob, c pi'lob, i p'olbalet ba la Abraham, jatetla, mu' ba la' bac'ñan Dios, tsa' chocbentiyetla tilel jini t'an cha'an mi la' coltantel. ²⁷ Jini chumulo' ba ti' Jerusalén yic'ot i yumob ma'anic tsi' clñayob Jesús. Ma'anic tsi' ch'ambeyob isujm i t'an jini x'altañob mu' ba i q'uejlel ti' jujump'ejl i q'uiñilel c'aj o. Tsi' ts'actesabeyob i t'an x'alt'añob che' ba tsi' yal'ayob ti' chamel Jesús. ²⁸ Ma'anic chuqui tsi' wis tajayob ti' contra cha'an mi' tsansañob, pero tsi' c'ajtibeyob Pilato cha'an mi' yal' ti' chamel. ²⁹ Che' ba tsa'ix i ts'actesayob pejtelel chuqui tsi'ijbubil, tsi' ju'sayob ti' te', tsi' yal'ayob ti' yotlel ch'ujlelal. ³⁰ Dios tsi' teche ch'ojyel ba'an chameño' ba. ³¹ Cabal q'uin tsi' q'ueleyob Jesús jini tsa' ba i pi'leyob majlel ti' bij ti' Galilea c'Alal ti' Jerusalén. Testigojob jini tsa' ba i q'ueleyob.

³² Joñon lojon ja'el mic subeñet lojon jini wen t'an tsa'

ba wlan subentiyob lac ñojte'el che' ba tsi' yac'la i t'an Dios. ³³ Jini jach ba t'an Dios tsi' ts'actesabeyonla, i yalobilon ba la Israel che' ba tsi' cha' teche Jesús. Che'ach tsi'ijbubil ja'el ti' cha'p'ejlel salmo: “Jatet calobilet. Sajmal tsac techeyet calobil”, che'en. ³⁴ Dios tsi' teche ch'ojoyel ba'an chameño' ba. Ma'anic tsi' yac'la ti oc'mal. Tsi' yal: “Mi caj c pasbeñetla i yutslel c pusic'al mach ba mejlic ti q'uextiyel che' bajche' tsac pasbe David”, che'en. ³⁵ Jini cha'an mi' yal ja'el ti yamba salmo: “Ma'anic mi caj a wac' ti oc'mal Ch'ujul ba a Walobil”, che'en.

³⁶ Che' ba tsa' ujtí i coltan i pi'lob che' bajche' yom Dios, melez tsa' chami David. Tsa' mujqui ba' mucul i ñojte'el. Tsa' oc'mi. ³⁷ Pero ma'anic tsa' oc'mi jini tsa' ba i teche ch'ojoyel Dios. ³⁸ Ña'tanla, che' jini, winicob c pi'lob, cha'añch ti' ye'tel Jesús mi' ñusantel lac mul che' bajche' wolic subeñetla. ³⁹ Cha'an ti' ye'tel Jesucristo, pejtelel mu' ba i ñopob mi' ch'ajmelob ti' wenta Dios che' ñusabilix i mul. Ma'anic tsa' mejli la' ch'ajmel ti' wenta cha'an ti' jac'ol i mandar Moisés. ⁴⁰ Chacac q'uele la' ba, che' jini, ame mi' tajetla jini ts'ijbubil ba ti' jun x'alt'año. ⁴¹ Mi' yal: “Q'uelela sts'a'leyajet ba la. La' toj sajtic la' pusic'al. La' jiliquetla. Come joñon wolic mel junchajp e'tel ti a wut, mach ba anic mi caj la' ñop anquese an majqui mi' subeñetla”. Che' ts'ijbubil, che'en Pablo.

⁴² Che' woli' loq'uelob ti sinagoga Pablo yic'ot Bernabé, jini gentilob tsi' c'ajtibeyob cha'an mi' cha' subeño jini t'an ti yamba semana. ⁴³ Che' ba tsa' loq'uiyob jini temprabilo' ba, cabal judíojob yic'ot jini tsa' ba i ñorbeyob i t'an, mu' ba i ch'ujutesaño Dios, tsi' tsajcayob majlel. Pablo yic'ot Bernabé tsi' pejcayob. Tsi' xic'beyob cha'an mi' chan ajñelob ti' yutslel i pusic'al Dios.

⁴⁴ Che' ba tsa' cha' c'oti i q'uiñilel c'aj o, colel i lu' tempaño i ba pejtelel jini winicob x'ixicob ti jini tejclum

cha'an mi' yubibeñob i t'an lac Yum. ⁴⁵ Tsalyslyñayob jini judíojob che' bλ tsi' q'ueleyob motocñayob winicob x'ixicob. Tsi' cha'leyob t'an ti' contra i cantesa Pablo. Tsi' p'ajbeyob i bijlel lac Yum. ⁴⁶ Ch'ejl i pusic'al Pablo yic'ot Bernabé, tsi' subuyob: Wersa tsa' ñaxan subentiyetla i t'an Dios. Tsa'ix la' to'ol juch'teq'ue jini t'an. Woli la' ñusan la' cuxtalel mach bλ anic mi' jilel. Jini cha'an mic majlel lojon ba'an gentilob. ⁴⁷ Come che'λch tsi' yλq'ueyon lojon mandar lac Yum. Tsi' yλλ: “Tsa'ix c wa'chocoyet cha'an ma' pasbeñob i saclel pañimil jini gentilob, cha'an mi' tajib i coltanel c'λλλ ti' petol pañimil”. Che' tsi' subeyon lojon lac Yum, che'ob Pablo yic'ot Bernabé.

⁴⁸ Tijicñayob gentilob che' bλ tsi' yubiyob jini t'an. Tsi' subuyob wen ñuc i t'an lac Yum. Jini tsa' bλ yajcantiyob cha'an mi' tajib i cuxtalel mach bλ anic mi' jilel, tsi' laj ñopoyob. ⁴⁹ Tsa' pujqui i t'an lac Yum ti' pejtelel jini lum. ⁵⁰ Judíojob tsi' xic'beyob jini x'ixicob mu' bλ i ch'ujutesañob Dios, mu' bλ i q'uejlelob ti' ñuc, yic'ot jini ñuco' bλ ti' tejclum cha'an mi' tic'lañob Pablo yic'ot Bernabé. Tsi' chocoyob loq'uel ti' lumal. ⁵¹ Che' bλ tsi' tijcayob loq'uel i ts'ubeñal i yoc ti' contra, tsa' majliyob ti' Iconio. ⁵² Jini xcant'añob wen tijicñayob i pusic'al. But'ulob ti' Ch'ujul bλ Espíritu.

14

Pablo yic'ot Bernabé ya' ti' Iconio

¹ Temel tsa' ochiyob ti' sinagoga judíojob ya' ti' Iconio. Tsi' wen cha'leyob subt'an. Jini cha'an wen cabλ tsi' ñopoyob judíojob yic'ot griegojob. ² Jini judíojob mach bλ anic tsi' ñopoyob tsi' xic'beyob gentilob ti' contra jini hermanojob. Tsi' sobbeyob i pusic'al jini gentilob. ³ Jini cha'an tsa' jal'ayob ya'i. Ch'ejlob i pusic'al tsi' cha'leyob

t'an come xuc'ulob ti lac Yum. Lac Yum tsi' yλq'ueyob i pλs i yejtal i p'λtlal yic'ot bλbλq'uen tac bλ cha'an mi' tsictesan i sujmlal i t'an Dios yic'ot i yutslal Dios. ⁴ Jini tejclumob tsi' t'oxoyob i bλ. Ojlil tsi' jac'beyob i t'an judíojob. Ojlil tsi' jac'beyob i t'an jini apóstolob. ⁵ Tsi' chajpayob i bλ gentilob yic'ot judíojob yic'ot yumλob i cha'an, cha'an mi' tic'lañob yic'ot cha'an mi' julob ti xajlel. ⁶ Che' ña'tλbilix i cha'an Pablo yic'ot Bernabé tsa' puts'iyob majlel ti Listra yic'ot ti Derbe, cha'p'ejl tejclum ya' ti Licaonia, yic'ot pejtelel jini lum ti' joytilel. ⁷ Ya'i tsi' subuyob majlel jini wen t'an.

Listra yic'ot Derbe

⁸ Ya' buchul ti Listra an winic mach bλ wenic i yoc c'λlal che' bλ tsi' yila pañimil. Ma'anic ba' ora tsa' mejli ti xλmbal. ⁹ Jini winic tsi' yubibe i t'an Pablo. Pablo tsi' ch'ujch'uj q'uele. Tsi' ña'ta ñopol i cha'an jini winic mi caj i c'oc'an. ¹⁰ Wen c'am i t'an tsi' sube: Ch'ojoyen. Wa'i', che'en. Jini winic tsa' tijp'i. Tsi' cha'le xλmbal. ¹¹ Che' bλ tsi' q'ueleyob winicob x'ixicob chuqui tsi' cha'le Pablo, c'am tsi' cha'leyob t'an. Tsi' yλlyob ti' t'an licaoniajob: Tsa'ix jubiyob tilel diosob ti lac tojlel che' bajche' winicob, che'ob. ¹² Tsi' pejcayob Bernabé ti Júpiter. Tsi' pejcayob Pablo ti Mercurio, come jiñλch Pablo tsa' bλ i subu t'an. ¹³ Jini motomaj ya' ti' yotlel jini dios i c'aba' Júpiter am bλ ti' yochib tejclum, tsi' ch'λmbeyob tilel ti' ti' tejclum tat wacax yic'ot i ch'λjlil i jol. Jini motomaj yic'ot winicob x'ixicob yomob i tsλnsλbeñob i majtan Pablo yic'ot Bernabé.

¹⁴ Jini apóstolob, Bernabé yic'ot Pablo, tsi' tsiliyob i pislel che' bλ tsi' yubiyob. Ti ajñel tsa' ñumiyob ba' motocñayob. Wen c'am tsi' cha'leyob t'an. ¹⁵ Tsi' yλlyob: Winicob, ¿chucoch mi la' cha'len che' bajche' jini? Joñon

lojon winicon lojon ja'el che' bajche'etla. Mic subeñetla yom mi la' cly jini lolom jach bλ cha'an mi la' ñop jini cuxul bλ Dios tsa' bλ i mele panchan yic'ot pañimil yic'ot colem ñajb yic'ot pejtelel i bλl. ¹⁶ Ti yambλ ora Dios tsi' yλq'ueyob gentilob i melob bajche' jach yomob. ¹⁷ Ma'anic tsi' clyλ i tsictesan i bλ ti wen bλ i ye'tel. Tsi' yλq'ueyonla ja'al tilem bλ ti panchan yic'ot c'ajbal cha'an mi lac ñaj'an. Tsi' tijicñesλbeyonla lac pusic'al. Che' tsi' yλλλ Pablo yic'ot Bernabé. ¹⁸ Pero coel ma'anic tsa' mejli i tic'ob jini winicob x'ixicob cha'an ma'anic mi' tsλnsλbeñob i majtan.

¹⁹ Tsa' tiliyob judíojob ch'oyolo' bλ ti Antioquía yic'ot ti Iconio. Tsi' xic'beyob winicob x'ixicob ti' contra. Tsi' juluyob Pablo ti xajlel. Tsi' tujc'ayob loq'uel ti tejclum come tsi' lon ña'tayob chλmenix. ²⁰ Che' bλ tsa' tiliyob xcλnt'añob ti' joytilel, tsa' ch'ojoyi Pablo, tsa' ochi ti tejclum. Ti yijc'alal tsa' majli yic'ot Bernabé ti Derbe.

Tsa' cha' sujtiyob majlel ti Antioquía ya' ti Siria

²¹ Che' bλ tsa'ix i subuyob jini wen t'an ya' ti Derbe ba' tsi' cantesayob cabλl winicob x'ixicob, tsa' cha' majliyob ti Listra yic'ot ti Iconio yic'ot ti Antioquía. ²² Tsi' xuc'chocobeyob i pusic'al xcλnt'añob. Tsi' xic'beyob cha'an mi' chλn ñopob i t'an Dios. Tsi' subeyob: Che' bλ tsa'ix lac ñusa cabλl wocol, mi caj la cochel ti' yumλntel Dios, che'ob. ²³ Tsi' wa'chocoyob ancianojob ti jujump'ejl tejclum ba'an xñopt'añob. Tsi' cha'leyob oración yic'ot ch'ajb. Tsi' yλc'ayob ti' c'λb lac Yum jini tsa' bλ i ñopoyob.

²⁴ Tsa' ñumiyob majlel ti Pisidia, tsa' c'otiyob ti Panfilia. ²⁵ Che' bλ tsa'ix i subuyob jini t'an ya' ti Perge, tsa' jubiyob tilel ti Atalia. ²⁶ Ya'i tsa' ochiyob ti barco cha'an mi' cha' sujtelob ti Antioquía ba' tsa' tejchi i ye'tel che' ti' cajibal. Come ya' ti Antioquía jini hermanojob tsi' wλn

c'ajtibeyob i yutslel i pusic'al Dios cha'an jini e'tel tsa' bλ ujt i melob Pablo yic'ot Bernabé. ²⁷ Che' bλ tsa' c'otiyob, tsi' tempayob i bλ xñopt'añob. Pablo tsi' subeyob pejtelel chuqui tac wen ñuc tsi' cha'le Dios yic'otob, che' bλ tsi' jambeyob gentilob i ti' otot cha'an mi' yochelob i ñop. ²⁸ Jal tsa' ajniyob Pablo yic'ot Bernabé yic'ot xcant'añob ya'i.

15

Tsi' tempayob i bλ ya' ti Jerusalén

¹ Tsa' jubiyob tilel winicob ch'oyolo' bλ ti Judea. Tsa' caji i cantesañob jini hermanojob ya' ti Antioquía. Tsi' subeyob: Mi ma'anic mi la' ch'λm tsep pλchλlel che' bajche' tsi' γλλλ Moisés, mach mejlic mi la' coltλntel, che'ob. ² Pablo yic'ot Bernabé tsa' caji i cλλλx pejcañob i bλ yic'ot judíojob. Tsi' contrajiyob i bλ ti t'an. Jini cha'an jini hermanojob tsi' wa'chocoyob Pablo yic'ot Bernabé yic'ot cha'tiquil uxtiquil yaño' bλ cha'an mi' majlelob ti Jerusalén cha'an mi' c'ajtibeñob i sujmllel tsep pλchλlel jini apóstolob yic'ot jini ancianojob.

³ Jini xñopt'añob tsa' majli i cλyob ti bij. Pablo yic'ot Bernabé tsa' ñumiyob majlel ti Fenicia yic'ot ti Samaria. Tsi' subuyob bajche' tsi' sutq'uiyob i bλ gentilob. Tsi' wen ñuq'uesλbeyob i pusic'al pejtelel hermanojob. ⁴ Che' c'otemobix ti Jerusalén, tsa' pλjyiyob ochel ti' tojlel jini apóstolob yic'ot ancianojob yic'ot jini xñopt'añob. Tsi' subeyob pejtelel chuqui tac tsi' cha'le Dios yic'otob. ⁵ Lamital jini xñopt'añob woli bλ i jac'beñob i t'an fariseojob tsa' ch'ojyiyob. Tsi' γλλλyob: Wersa yom mi' ch'λmob tsep pλchλlel. Wersa yom mi' subentelob cha'an mi' jac'beñob i mandar Moisés, che'ob.

⁶ Jini apóstolob yic'ot ancianojob tsi' tempayob i bλ cha'an mi' wen ña'tañob bajche' yom. ⁷ Che' bλ tsa'ix

i cha'leyob cabal t'an tsa' ch'ojoyi Pedro. Tsi' subeyob: Hermanojob, la' wujil anix ora Dios tsi' yajcayon cha'an mic subenob gentilob jini wen t'an cha'an mi' ñopob. ⁸ Dios mu' bal i camben i pusic'al winic tsi' palyayob ti' yalobil ti isujm che' bal tsi' yalq'ueyob Ch'ujul bal Espíritu che' bajche' tsi' yalq'ueyonla. ⁹ Lajal tsi' q'ueleyob che' bajche' tsi' q'ueleyonla. Tsi' salq'uesabeyob i pusic'al che' bal tsi' ñopoyob. ¹⁰ ¿Chucoch che' jini, woli la' wilaben i pusic'al Dios? ¿Chucoch mi la' walq'ueñob jini xcalnt'añob i cuch jini wocol tac bal? Ma'anic tsa' mejli lac lat' joñonla mi lac ñojte'el. ¹¹ Pero mi lac ñop mi caj laj coltantel cha'an i yutslel i pusic'al lac Yum Jesús. Che' ja'el mi caj i coltantelob jini gentilob. Che' tsi' yalal Pedro.

¹² Ñach'al tsa' cleyob ti pejtelelob. Tsi' yubibeyob i t'an Bernabé yic'ot Pablo che' bal tsi' subeyob chuqui tac ñuc tsi' mele Dios ti' c'ab come tsi' pasal i yejtal tac i p'atlel yic'ot balalq'uen tac bal ti' tojlel gentilob. ¹³ Che' bal tsa' ujtuyob ti t'an, Jacobo tsi' yalal: Winicob hermanojob, ñich'tabeñon c t'an. ¹⁴ Simón tsa' ujtí i subeñetla bajche' Dios tsa' caji i pasbeñob gentilob i yutslel i pusic'al che' bal tsi' yajca winicob x'ixicob cha'an mi' tsictesan i ñuclel i c'aba'. ¹⁵ Che' ja'el mi' yalob x'alt'añob, che' bajche' ts'ijbubil: ¹⁶ “Ti wi'il mi caj c cha' tilel, che'en Dios. Mi caj c wa'chocon i yotot David tsa' bal yajli. Mi caj c cha' mel jini p'ulul bal tsa' bal cale. Mi caj c cha' wa'chocon ¹⁷ cha'an mi' saclañob lac Yum i colojbal winicob yic'ot pejtelel gentilob mu' bal i yubiñob j c'aba'”. ¹⁸ Che' woli' yal lac Yum tsa' bal i laj ac'al ti caljñel c'alal ti wajali.

¹⁹ Jini cha'an mi cal mach wenic mi' tic'lantelob gentilob mu' bal i sutq'uiñob i bal cha'an mi' ñopob Dios. ²⁰ Cojach yom mi la' ts'ijbubeñob ti jun cha'an mi' clyob i c'ux chuqui tac aq'uebil dioste', yic'ot chuqui tac milbil

yic'ot i ch'ich'el, cha'an mi' clyob i ts'i'lel ja'el. ²¹ Come c'lal ti wajali an ti jujump'ejl tejclum jini mu' bλ i subob i t'an Moisés ti sinagoga ba' mi' q'uejlel i jun Moisés ti jujump'ejl i q'uiñilel c'aj o. Che' tsi' yλλλ Jacobo.

Jini carta cha'an gentilob

²² Jini cha'an jini apóstolob yic'ot ancianojob yic'ot pejtelel jini xñopt'añob mu' bλ i tempañob i bλ, tsi' ña'tayob uts'at mi' yajcañob winicob ti' tojlel hermanojob cha'an mi' chocob majlel ti Antioquía yic'ot Pablo yic'ot Bernabé. Tsi' yajcayob Silas yic'ot Judas, jini am bλ i cha'chajplel i c'aba' Barsabás, ñuc bλ winicob ti' tojlel hermanojob. ²³ Tsi' meleyob carta. Tsi' yλλλyob: “Joñon lojon apóstolon lojon quic'ot ancianojob quic'ot hermanojob, wolic melbeñetla jini jun hermanojob, gentilet bλ la ya' ti Antioquía yic'ot ti Siria yic'ot ti Cilicia. Cotañetla. ²⁴ Tsa'ix cubi lojon an winicob tsa' bλ loq'uiyob tic tojlel lojon tsa' bλ i tic'layetla ti' t'an. Tsi' socbeyetla la' pusic'al, come tsi' yλλλyob wersa mi la' ch'λm tsep pλchalel, wersa mi la' jac' jini mandar. Mach che'iqui tsac subeyob lojon. ²⁵ Jini cha'an che' tempλbilon lojon tsac ña'ta lojon uts'at mic yajcan lojon winicob cha'an mic chocob majlel ba' añetla yic'ot Bernabé yic'ot Pablo mu' bλ j c'uxbin lojon. ²⁶ Ili winicob tsi' yλc'lyob i bλ ba' bλbλq'uen mi' chλmelob cha'an ti' c'aba' lac Yum Jesucristo. ²⁷ Jini cha'an wolic choc lojon majlel Judas yic'ot Silas ja'el mu' bλ caj i subeñetla jini jach bλ t'an. ²⁸ Come joñon lojon quic'ot jini Ch'ujul bλ Espíritu tsac ña'ta lojon mach yomic mi cλq'ueñetla la' cuch chuqui tac wocol ti' jac'ol. Cojach jini yom: ²⁹ Cλyλ la' c'ux jini tsλnsλbil bλ i majtan dioste' yic'ot i ch'ich'el yic'ot jini milbil bλ. Mach mi la' cha'len ts'i'lel. Mi uts'at mi la' cλntan la' bλ cha'an pejtelel jini,

uts'at mi la' mel. Ajñenla ti la' wenlel". Che'λch tsi' ts'ijbayob.

³⁰ Che' jini tsi' chocoyob majlel ti Antioquía. Che' bλ tsi' tempayob i bλ jini xñopt'añob, jini apóstolob tsi' yλq'ueyob jini jun. ³¹ Che' bλ tsa' ujti i q'uelob, tijicña tsi' yubiyob come tsa' ñuq'uesλbentiyob i pusic'al. ³² Judas yic'ot Silas, x'alt'añob ja'el, tsi' ñuq'uesλbeyob i pusic'al jini hermanojob ti cλntesa. Tsi' xuc'chocobeyob i pusic'al. ³³ Tsa' jaleyob ya'i. Ti' wi'il jini hermanojob ñλch'λlob i pusic'al tsi' chocoyob sujtel ba'an i pi'λlob tsa' bλ i yλq'ueyob i ye'tel. ³⁴ Silas tsi' ña'ta uts'at mi' cλytlλ ya'i. ³⁵ Pablo yic'ot Bernabé tsa' cλleyob ti Antioquía. Tsi' chλn cλntesayob ti' t'an lac Yum. Tsi' subeyob jini wen t'an. Cabλl winicob tsi' pi'leyob majlel ti subt'an.

Pablo yic'ot Bernabé mi' t'oxob i bλ

³⁶ Che' ñumenix cha'p'ejl uxp'ejl q'uin, Pablo tsi' sube Bernabé: Conla c jula'tan la quermanojob ti pejtelel tejclum ba' tsa' lac subeyob i t'an lac Yum cha'an mi laj q'uel bajche' yilalob, che'en. ³⁷ Bernabé yom i pλy majlel Juan, jini am bλ i cha'chajplel i c'aba' Marcos. ³⁸ Pablo mach yomic i pλy majlel yic'otob, come Marcos tsi' cλyλyob ya' ti Panfilia che' ma'anic tsa' majli ti e'tel yic'otob. ³⁹ Cha'chajp i pensar. Jini cha'an tsi' t'oxoyob i bλ. Bernabé tsi' pλyλ majlel Marcos ti barco. Tsa' majli ti Chipre. ⁴⁰ Pablo tsi' yajca Silas, tsi' pλyλ majlel. Jini hermanojob tsi' yλc'lyob ti' c'λb lac Yum cha'an mi' yajñelob ti' yutsllel i pusic'al lac Yum. ⁴¹ Pablo tsa' ñumi majlel ya' ti Siria yic'ot ti Cilicia. Tsi' xuc'choco xñopt'añob baqui jach tsi' tempayob i bλ.

¹ Ti wi'il tsa' c'oti ti Derbe yic'ot ti Listra. Awilan, ya'an xcant'an i c'aba' Timoteo. Judía i ña', hermanajach ti Cristo. Griegojach i tat. ² Jini hermanojob ti Listra yic'ot ti Iconio uts'at tsi' tajayob ti t'an Timoteo. ³ Pablo yom i pɾy majlel Timoteo. Tsi' pɾyɾɾ i tsepben i pɾchɾɾel come ti pejtelel judíojob ya' bɾ añob yujilob griego i tat. ⁴ Che' bɾ tsa' ñumiyob ti tejclum tac, tsi' subeyob cha'an mi' jac'ob jini mandar tsa' bɾ i comol ña'tayob jini apóstolob yic'ot ancianojob año' bɾ ti Jerusalén. ⁵ Jini cha'an tsa' p'ɾtesantiyob ti' t'an Dios jini xñopt'añob tsa' bɾ i tempayob i bɾ. Tsa' p'ojliyob ti jujump'ejl q'uin.

Pablo tsi' q'uele winic ch'oyol bɾ ti Macedonia

⁶ Tsa' ñumiyob majlel ti Frigia yic'ot ti jini lum Galacia. Tic'bilob cha'an Ch'ujul bɾ Espíritu ma'anic tsi' subuyob t'an ya' ti Asia. ⁷ Che' bɾ tsa' c'otiyob ti Misia tsi' ñopoyob majlel ti Bitinia. Pero jini i yEspíritu Jesús tsi' tiq'uuiyob. ⁸ Che' bɾ tsa' ñumiyob ti Misia tsa' jubiyob majlel ti Troas. ⁹ Ti ac'ɾlel an chuqui tsi' q'uele Pablo. Juntiquil winic ya' ti Macedonia tsa' wa'le ti' tojel. Tsi' c'ajtibe ti wocol t'an: La' ti Macedonia. Coltañon lojon, che'en. ¹⁰ Che' q'uelbilix i cha'an Pablo, ti ora tsac chajpa lojon c bɾ cha'an mic majlel lojon ti Macedonia, come tsac ña'ta lojon isujm tsi' pɾyɾyɾon lojon Dios cha'an mic subeñob lojon jini wen t'an.

Lidia ya' ti Filipos

¹¹ Jini cha'an tsa' ochiyon lojon ti barco ti Troas. Toj tsa' majliyon lojon c'ɾɾɾɾ ti Samotracia, ti yijc'ɾɾɾ c'ɾɾɾɾ ti Neápolis. ¹² Ti wi'il tsa' majliyon lojon ti Filipos, jini ñuc bɾ tejclum ti' lumal Macedonia, jump'ejl colonia cha'an Roma. Ya' añon lojon waxɾcp'ejl q'uin ti jini tejclum. ¹³ Ti' q'uiñilel c'aj o tsa' loq'uuiyon lojon ti' ti' tejclum. Tsajniyon lojon ti' ti' colem ja' ba' i tilel mi' pejcañob Dios.

Tsa' buchleyon lojon. Tsac pejca lojon x'ixicob tsa' bλ i tempayob i bλ. ¹⁴ Ya'an x'ixic i c'aba' Lidia, mu' bλ i chon chλccojan bλ pisil. Ch'oyol ti tejclum i c'aba' Tiatira. Lidia tsi' bλc'ña Dios. Che' bλ tsi' ñich'ta Pablo, lac Yum tsi' jambe i pusic'al cha'an mi' jac'ben i t'an. ¹⁵ Che' bλ tsa' ujti i ch'λm ja' yic'ot jini año' bλ ti yotot, tsi' subeyon lojon: Conla ti cotot mi tsa' la' q'uele xuc'ulon quic'ot lac Yum. Jijlenla ya' ti cotot, che'en. Tsi' wersa pλyλyon lojon ochel.

Pablo yic'ot Silas ti mλjquibal

¹⁶ Ti yambλ q'uin che' tsajniyon lojon ba' mi' cha'leñob oración, juntiquil xch'oc am bλ i xibλjlel tsa' bλ mejli i subeñob winicob chuqui tac tal, tsi' tajayon lojon ti bij. I yumob tsi' wen cha'leyob ganar cha'an i ye'tel. ¹⁷ Jini xch'oc tsi' tsajcayon lojon quic'ot Pablo. Tsi' cha'le c'am bλ t'an. Tsi' yλλ: Jiñobλch i winicob Dios am bλ ti chan. Mi' subeñetob i bijlel la' coltλntel, che'en. ¹⁸ Che'λch tsi' cha'le t'an cabλ q'uin. Pablo mach chλn yomix i cuchben. Tsi' sutq'ui i bλ i pejcan. Tsi' sube i xibλjlel: Mic subeñet ti' c'aba' Jesucristo, loq'uen ti' pusic'al, che'en. Ti jini jach bλ ora tsa' loq'ui.

¹⁹ Che' bλ tsi' ña'tayob i yumob jini xch'oc mach chλn mejlobix i c'λñob ti ganar, tsi' chucuyob Pablo yic'ot Silas. Tsi' chucuyob majlel ba'an choñõñibal ti' tojlel año' bλ i ye'tel. ²⁰ Tsa' caji' jop'beñob i mul ti' tojlel año' bλ i ye'tel. Tsi' yλλyob: Jini judíojob cabλ mi' ñijcañob ti t'an jini chumulo' bλ ti lac tejclum. ²¹ Mi' subeñob yom mi lac mel chuqui tac tic'bebilonla come romanojonla. Tic'bil mi lac ñop come mach che'ic yom mi lac mel, che'ob. ²² Jini winicob x'ixicob tsa' caji i yotsañob i bλ ti' contra. Jini año' bλ i ye'tel tsi' tsilbeyob i pislel Pablo yic'ot Silas. Tsi' yλc'lyob mandar cha'an mi' jajt's'elob ti asiyal. ²³ Che' cabλ tsi' jats'lyob, tsi' yotsayob ti mλjquibal. Tsi'

subeyob xcantaya cha'an mi' wen cantañob. ²⁴ Che' bɫ tsa' aq'uenti jini mandar jini xcantaya tsi' yotsayob ya' ti cojix bɫ i mal majquibɫ. Tsi' ñet'beyob i yoc ti tocol bɫ te'.

Tsi' ñopo lac Yum xcantaya cárcel ya' ti Filipos

²⁵ Ti ojilil ac'ɫel woli' pejcañob Dios Pablo yic'ot Silas. Woli' c'ɫyiñob Dios. Jini xñujp'elob woli' yubiñob. ²⁶ Ti ora tsa' ñumi i yujquel lum. I c'ɫlib jini majquibɫ tsi' ñijca i bɫ. Ti ora tsa' lu' jajmi i ti' tac majquibɫ. Tsa' jiji i cɫjchil pejtɫ jini xñujp'elob. ²⁷ Che' bɫ tsa' cajni i wut jini xcantaya, tsi' q'uele jajmenix i ti' tac majquibɫ. Tsi' bots'o i yespada cha'an mi' tsansan i bɫ, come tsi' lon ña'ta puts'emobix jini xñujp'elob. ²⁸ C'am tsi' cha'le t'an Pablo. Tsi' sube: Mach a tic'lan a bɫ. Umba'añon lojon tic pejtelel lojon che'en. ²⁹ Jini xcantaya tsi' c'ajti c'ajc. Tsa' ochi ti mal. Tsiltsilña ti bɫq'uen tsi' ñocchoco i bɫ ti' tojel Pablo yic'ot Silas. ³⁰ Tsi' pɫɫyob loq'uel. Tsi' c'ajtibeyob: Winicob, ¿chuqui yom mic cha'len cha'an mij coltɫntel? che'en. ³¹ Pablo yic'ot Silas tsi' subeyob: Ñopo lac Yum Jesucristo. Che' jini mi caj a coltɫntel, jatet yic'ot jini año' bɫ ti a wotot, che'ob. ³² Tsi' subeyob i t'an lac Yum yic'ot pejtelel año' bɫ ti' yotot. ³³ Jini xcantaya tsi' pɫɫyob ti jini jach bɫ ora ti ac'ɫel. Tsi' pocbeyob i lojwel tac. Tsi' bɫc' ch'ɫmɫja' yic'ot pejtelel jini año' bɫ ti' yotot. ³⁴ Tsi' pɫɫyob ochel ti' yotot. Tsi' we'sayob. Wen tijicña i pusic'al yic'ot pejtelel año' bɫ ti' yotot come tsi' ñopoyob Dios.

³⁵ Che' bɫ tsa' sac'a, jini año' bɫ i ye'tel tsi' chocoyob majlel wasilob tsa' bɫ i subeyob xcantaya: Ac'ɫ ti coel jini winicob, che'ob. ³⁶ Jini xcantaya tsi' sube Pablo: Jini año' bɫ i ye'tel tsi' chocoyob tilel mandar cha'an mi cɫq'uetla ti coel. Loq'uenixla, che' jini. Cucuxla ti' ñɫch'tilel la' pusic'al, che'en. ³⁷ Pablo tsi' subeyob: Romanojon lojon.

Ti' wutob winicob x'ixicob tsi' jats'lyon lojon che' maxto melbilonic lojon. Tsi' chocoyon lojon ochel ti mɔjquibɔl. ¿Mu' ba caj i chocon lojon loq'uel ti mucul jach? Isujm mach che'ic yom. La' tilicob i pɔyon lojon loq'uel, che'en Pablo. ³⁸ Jini wasilob tsa' cha' majliyob ba'an año' bɔ i ye'tel cha'an mi' cha' subeñoob. Jini año' bɔ i ye'tel tsi' cha'leyob bɔq'uen che' bɔ tsi' yubiyob romanojob. ³⁹ Tsa' tiliyob ba'an Pablo yic'ot Silas. Tsi' pejgayob ti wocol t'an. Tsi' pɔyɔyob loq'uel ti mɔjquibɔl. Tsi' subeyob cha'an mi' loq'uelob ti jini tejclum. ⁴⁰ Che' loq'uemobix ti mɔjquibɔl tsi' jula'tayob Lidia. Che' bɔ tsi' q'ueleyob jini hermanojob, tsi' ñuq'uesɔbeyob i pusic'al. Tsa' loq'uiyob majlel.

17

Pablo yic'ot Silas ya' ti Tesalónica

¹ Che' bɔ tsa' ñumiyob ti Anfípolis yic'ot ti Apolonia, tsa' c'otiyob ti Tesalónica ya' ba'an i sinagoga judfojob.

² Tsa' ochi Pablo yic'otob che' bajche' i tilelɔch che' ti' q'uiñilel c'aj o. Uxp'ejl q'uin tsi' tsictesɔbeyob i Ts'ijbujel Dios. ³ Tsiquil wersa mi' yubin wocol jini Cristo. Wersa mi' tejchel loq'uel ba'an chɔmeño' bɔ. Tsi' yɔɔ: Jiñɔch Cristo, jini Jesús mu' bɔ c subeñetla, che'en. ⁴ Lamital tsi' ñopoyob. Tsi' tempayob i bɔ yic'ot Pablo yic'ot Silas, che' ja'el griegojob tsa' bɔ i ch'ujutesayob Dios, yic'ot cabɔl x'ixicob tsa' bɔ q'uejliyob ti ñuc.

⁵ Tsɔytsɔyñayob i pusic'al jini judfojob mach bɔ anic tsi' ñopoyob. Tsi' pɔyɔyob cha'tiquil uxtiquil jontolo' bɔ winicob. Tsi' tempayob cabɔl winicob. Tsi' ñijcayob ti cabɔl t'an pejtelel año' bɔ ti tejclum. Ti ajñel tsa' majliyob ti' yotot Jasón cha'an mi' loc'sañoob Pablo yic'ot Silas ti' wut winicob x'ixicob. ⁶ Che' ma'anic tsi' tajayob tsi' chucuyob majlel Jasón yic'ot yaño' bɔ hermanojob

ba'an jini año' bλ i ye'tel ti tejclum. C'am tsi' yλlyob: Jini winicob tsa' bλ i socoyob winicob x'ixicob ti pejtelel pañimil, wλ' tsa' tiliyob ja'el. ⁷ Jini Jasón tsi' pλylyob ochel ti' yotot. Ti pejtelelob woli' contrajiñob i t'an César come mi' yλlob an yambλ rey, i c'aba' Jesús, che'ob. Che' tsi' jop'beyob i mul. ⁸ Che' bλ tsi' yubiyob winicob x'ixicob yic'ot año' bλ i ye'tel tsa' cajiyob ti cabλ t'an. ⁹ Che' bλ tsi' ch'λmlyob multa ti' c'λb Jasón yic'ot i pi'λlob, tsi' coloyob.

Pablo yic'ot Silas ya' ti Berea

¹⁰ Jini hermanojob tsi' bλc' chocoyob majlel Pablo yic'ot Silas ti ac'λlel c'λlλl ti Berea. Che' bλ tsa' c'otiyob ya'i, tsa' ochiyob ti' sinagoga judíojob. ¹¹ Jini año' bλ ti Berea ñumen weñob bajche' jini año' bλ ti Tesalónica come ti jump'ejl jach i pusic'al tsi' jac'lyob jini t'an. Ti jujump'ejl q'uin tsi' wen q'ueleyob i Ts'ijbujel Dios cha'an mi' ña'tañob mi isujm chuqui tsa' subentiyob. ¹² Jini cha'an cabλ judíojob tsi' ñopoyob yic'ot cabλ griegojob, yic'ot x'ixicob tsa' bλ q'uejliyob ti ñuc. ¹³ Che' bλ tsi' ña'tayob judíojob ya' ti Tesalónica wolix i pujquel i t'an Dios ya' ti Berea ja'el cha'an Pablo, ya' tsa' majliyob ja'el. Tsi' ñijcayob winicob x'ixicob ti' contra. ¹⁴ Jini hermanojob tsi' bλc' chocoyob majlel Pablo c'λlλl ti colem ñajb. Silas yic'ot Timoteo tsa' cλleyob ya' ti Berea. ¹⁵ Jini hermanojob tsi' pi'leyob majlel Pablo c'λlλl ti Atenas. Tsa' cha' juliyob i subeñob majlel Silas yic'ot Timoteo ti ora ba'an Pablo.

Pablo ya' ti Atenas

¹⁶ Che' bλ tsi' pijtayob ya' ti Atenas wen ch'ijiyem i pusic'al Pablo, come tsi' q'uele but'ul jini tejclum ti dioste'. ¹⁷ Jini cha'an ya' ti sinagoga tsi' pejcayob i bλ Pablo yic'ot judíojob yic'ot gentilob tsa' bλ i ch'ujutesayob

Dios. Ti jujump'ejl q'uin tsi' pejcayob jini tsa' bλ ajniyob ti choñoñibal. ¹⁸ Ya'an epicúreojob yic'ot estoicojob mu' bλ i saclañob i sujmllel tac pañimil. Tsi' pejcayob i bλ yic'ot Pablo. Lamital tsi' yλλayob: To'ol t'an jach mi' cha'len, che'ob. Lamital tsi' yλλayob: Woli' sub yambλ dios yilal, che'ob. Come Pablo tsi' subu Jesús tsa' bλ cha' ch'ojyi ba'an chameño' bλ. ¹⁹ Tsi' chucuyob. Tsi' pλyayob tilel ti Areópago. Tsi' yλλayob: Com cubin lojon jini tsijib cantesa mu' bλ a sub. ²⁰ Come jini woli bλ a sub maxto ubibilic c cha'an lojon. Com c ña'tan lojon i sujmllel jini t'an, che'ob. ²¹ (Come ti pejtelel jini chumulo' bλ ti Atenas yic'ot jini tilemo' bλ ti yambλ lum tsa' jach i ñusayob q'uin ti t'an. Chuqui tac tsijib ubibil i cha'añob mi' cha' subob.)

²² Che' ya' wa'al Pablo ti ojilil Areópago, tsi' yλλa: Winicob wλ' ti Atenas mij q'uel cabλ la' dios mu' bλ la' ch'ujutesan. ²³ Come che' bλ tsa' ñumiyon ba' tsaj q'uele i yotlel tac diosob, tsac taja jump'ejl pulantib ba' ts'ijbubil jini t'an: JINI DIOS MACH BA CAMBILIC. Jini cha'an mi caj c tsictesλbeñetla jini Dios mach bλ cambilic la' cha'an mu' bλ la' ch'ujutesan.

²⁴ Jini Dios tsa' bλ i mele pañimil yic'ot pejtelel i bλ, jiñλch i Yum Panchan yic'ot Pañimil. Ma'anic mi' chumtlλ ti templo tac melbil bλ ti c'λbλ. ²⁵ Dios ma'anic mi' taj i coltλntel ti winicob, come ma'anic chuqui anto yom i cha'an. Mi' yλq'ueñonla laj cuxtλlel yic'ot la quiq'uilel yic'ot pejtelel lac chubλ'an. ²⁶ Loq'uem jach ti juntiquil winic Dios tsi' laj mele winicob ti jujunchajp cha'an mi' pam chumtlλob ti pejtelel pañimil. Tsi' yλq'ueyob i yorajlel. Tsi' melbeyob i cayajonlel i lumal. ²⁷ Tsi' meleyonla cha'an mi lac sajcan cha'an mi lac taj ti isujm che' mi lac ñop, come mach ñajtic an Dios ti lac tojlel ti jujuntiquilonla. ²⁸ Come tilem ti Dios laj cuxtλlel yic'ot lac p'λtllel ti xλmbal. Ti' p'λtllel Dios añonla.

Che' bajche' tsi' yʌʌyob ja'el jini sts'ijbayajob la' cha'an: "Come joñonla ja'el i p'olbalonla", che'ob.

²⁹ I p'olbalonla. Jini cha'an mach yomic mi la cʌl lajalʌch Dios bajche' oro mi plata, mi xajlel mu' bʌ i melob winicob ti' bajñel pusic'al i wenta i yejtal Dios. ³⁰ Dios tsi' ñusʌbeyob i sajtemal winicob ti' yambʌ ora che' ma'añobic i ña'tʌbal. Wʌle mi' subeñob pejtelel winicob x'ixicob baqui jach añob cha'an mi' cʌyob i mul. ³¹ Tsa'ix i wʌn ña'ta jini q'uin che' mi caj i cha'len meloñel ti toj. Tsa'ix i wa'choco jini winic mu' bʌ caj i mel año' bʌ ti pañimil che' bajche' tsi' tsictesʌbeyonla che' bʌ tsi' teche ch'ojoyel Jesús ba'an chʌmeño' bʌ cha'an mi lac ñop. Che' tsi' yʌʌ Pablo.

³² Che' bʌ tsi' yubiyob mi' cha' ch'ojoyelob chʌmeño' bʌ, lamital tsi' wajleyob. Año' bʌ tsi' yʌʌyob: Ti yanto bʌ ora mi caj cubin lojon a t'an, che'ob. ³³ Jini cha'an tsa' loq'ui majlel Pablo ti' tojlelob. ³⁴ Cha'tiquil uxtiquil tsi' tsajcayob Pablo. Tsi' ñopoyob Dionisio ch'oyol bʌ ti Areópago, yic'ot x'ixic i c'aba' Dámaris yic'ot año' bʌ.

18

Pablo ya' ti Corinto

¹ Ti yambʌ ora Pablo tsa' loq'ui majlel ti Atenas. Tsa' c'oti ti Corinto. ² Tsi' taja judío i c'aba' Aquila, ch'oyol bʌ ti Ponto. Maxto anic cabʌl ora i loq'uel ti Italia yic'ot Priscila i yijñam, come Claudio tsi' yʌc'ʌ mandar cha'an mi' loq'uelob pejtelel judíojob ti Roma. Tsa' majli Pablo i cʌñob. ³ Cha'an lajalob i ye'tel, tsa' chumle yic'otob. Temel tsi' cha'leyob e'tel come xmel pisil bʌ ototob. ⁴ Pablo tsi' cha'le t'an ti sinagoga ti jujump'ejl i q'uiñilel c'aj o. Tsi' cha'le wersa cha'an mi' ñopob judíojob yic'ot griegojob.

⁵ Che' bλ tsa' c'otiyob Silas yic'ot Timoteo, loq'uemo' bλ ti Macedonia, Pablo woli' cha'len wersa subt'an ti Corinto. Tsi' chλn sube judíojob Cristojλch jini Jesús. ⁶ Jini judíojob tsi' contrajiyob Pablo. Tsi' p'ajayob. Jini cha'an tsi' tijca i pislel, tsi' subeyob: Anix ti la' bajñel wenta la' cuxtλlel. Mach c wentajetixla. Mux c majlel ba'an gentilob, che'en Pablo. ⁷ Tsa' loq'ui ya'i. Tsa' ochi ti' yotot juntiquil winic, i c'aba' Tito Justo, tsa' bλ i bλc'ña Dios. An i yotot ti' t'ejl sinagoga. ⁸ Crispo, i yum sinagoga, tsi' ñopo lac Yum yic'ot pejtelel año' bλ ti' yotot. Cabλ corintiojob che' bλ tsi' yubibeyob i t'an Pablo tsi' ñoroyob. Tsi' ch'λmλyob ja'.

⁹ Lac Yum tsi' sube Pablo ti ac'λlel: Mach a cha'len bλq'uen. Chλn cha'len t'an. Mach yomic ma' ñλjch'el. ¹⁰ Come añoñ quic'otet. Ma'anic majch mi mejlel i tic'lañet, come an cabλ c cha'año' bλ ti jini tejclum, che'en. ¹¹ Ya'i tsa' jale ojil i cha'p'ejl jab. Tsi' cantesayob ti' t'an Dios.

¹² Che' woli ti yumλ Galión ya' ti Acaya, jini judíojob tsi' tem chucuyob Pablo. Tsi' pλyλyob majlel ba'an melobλjλ. ¹³ Tsi' yλλyob: Jini winic mi' bajñel suben tejclumob bajche' yom mi' ch'ujutesañob Dios. Mach che'ic bajche' ts'ijbubil ti mandar mi' subeñob, che'ob.

¹⁴ Che' yomix cajel ti t'an Pablo, jini Galión tsi' sube judíojob: Mi an i mul, mi an chuqui jontol tsi' cha'le, wersa mic ñich'tλbeñetla la' t'an, judíojet bλ la. ¹⁵ Pero woliyetla ti' a'leya cha'an to'o t'an jach yic'ot cha'an i c'aba' tac winicob yic'ot cha'an la' mandar. Jini cha'an la' wentajλch jatetla. Joñon mach comic c cha'len meloñel cha'an i t'an. Che' tsi' yλλ jini yumλ. ¹⁶ Tsi' chocoyob loq'uel ti melobλjλ. ¹⁷ Jini griegojob tsi' chucuyob Sóstenes, i yum sinagoga. Tsi' jats'λyob ti' tojel melobλjλ. Galión ma'anic chuqui tsi' yλλ.

Tsa' cha' sujti ti Antioquía Pablo

¹⁸ Ya' to tsa' jale Pablo cabal q'uin. Ti wi'il tsi' subeyob hermanojob adiós. Ti barco tsa' majli ti Siria. Priscila yic'ot Aquila tsi' pi'leyob majlel. Ya' ti Cencrea, Pablo tsi' laj loc'sa i jol come tsi' sube Dios chuqui mi caj i wersa mel.

¹⁹ Tsa' c'oti ti Efeso ba' tsi' caya Priscila yic'ot Aquila. I bajñel tsa' ochi ti sinagoga Pablo. Tsi' pejayob i ba Pablo yic'ot judíojob. ²⁰ Che' ba tsi' c'ajtibeyob Pablo cha'an mi' jalijel yic'otob, ma'anic tsi' jac'beyob. ²¹ Che' ba tsi' cayaob i ba Pablo tsi' yala: Wersa mic majlel ti Jerusalén cha'an mic mel jini q'uin che' mi' cajel. Mu' to c cha' tilel ba' añetla mi che' yom Dios, che'en Pablo. Tsa' loq'ui ti Efeso ti barco.

²² Che' ba tsa' c'oti ti lum ya' ti Cesarea, tsa' letsi majlel i yalq'ueñob cortesía jini xñopt'añob mu' ba i tempañob i ba ti Jerusalén. Ti wi'il tsa' jubi majlel ti Antioquía. ²³ Che' ba tsa' ts'ita' jale ya' i tsa' cha' majli. Tsa' ñumi ti pejtelel lum ti Galacia yic'ot ti Frigia. Tsi' xuc'choco pejtelel jini xcant'añob.

Apolos ya' ti Efeso yic'ot ti Corinto

²⁴ Tsa' c'oti ti Efeso juntiquil judío, i c'aba' Apolos, ch'oyol ba ti Alejandría. Wen yujil t'an. Wen cñal i cha'an i Ts'ijbujel Dios. ²⁵ Cantesablix Apolos ti' bijlel lac Yum. Ch'ejl i pusic'al. Tsi' cha'le t'an cha'an mi' ñopob lac Yum. Anquese jini jach cambil i cha'an jini ch'amja' tsa' ba i yal' Juan, tsi' cha'le cantesa. ²⁶ Ch'ejl i pusic'al tsa' caji ti sub t'an ti sinagoga. Che' ba tsi' yubiyob Priscila yic'ot Aquila, tsi' palyob cha'an mi' tsictesabeñob i bijlel Dios ti toj. ²⁷ Che' yomix majlel Apolos ti Acaya, jini hermanojob tsi' coltayob ti majlel. Tsi' ts'ijbubeyob xcant'añob cha'an mi' palyob ochel. Tsa' c'oti Apolos ya'i. Tsi' wen colta jini tsa' ba i ñopoyob cha'an ti' yutslel i pusic'al Dios. ²⁸ Tsi' pasbeyob judíojob

ti' Ts'ijbujel Dios Cristojach jini Jesús. Ti cabal i p'atlalet tsi' subu ti' wutob winicob x'ixicob. Ma'anic tsa' mejli i jac'ob jini judíojob.

19

Pablo ya' ti Efeso

¹ Che' ya'to an Apolos ti Corinto, Pablo tsa' ñumi ba'an wits. Tsa' c'oti ti Efeso. Tsi' taja cha'tiquil uxtiquil xcant'añob ya'i. ² Tsi' c'ajtibeyob: ¿Tsa' ba aq'uentiyetla Ch'ujul ba Espíritu che' ba tsa' la' ñopo? che'en. Tsi' subeyob: Maxto anic tsa cubi lojon mi an Ch'ujul ba Espíritu, che'ob. ³ Pablo tsi' subeyob: ¿Chuqui ti ch'amja' tsa' aq'uentiyetla? che'en. Tsi' subeyob: Jini tsa' ba i yac'la Juan, che'ob. ⁴ Pablo tsi' subeyob: Juan tsi' yac'ueyob ch'amja' jini tsa' ba i c'alyob i mul. Tsi' subeyob winicob x'ixicob cha'an mi' ñopob jini tal ba ti' pat, jiñach Jesús jini Cristo, che'en. ⁵ Che' ba tsi' yubiyob jini t'an, tsi' ch'amlyob ja' ti' c'aba' lac Yum Jesús. ⁶ Che' ba tsi' yac'la i c'ab Pablo ti' jol winicob x'ixicob, tsa' ochi jini Ch'ujul ba Espíritu ti' pusic'al. Tsa' cajiyob ti yan tac ba t'an. Tsi' cha'leyob alt'an. ⁷ Añob che' bajche' lajchantiquil winicob ti pejtelel.

⁸ Tsa' ochi Pablo ti sinagoga. Ch'ejl i pusic'al, tsi' cha'le t'an uxp'ejl uw. Tsi' pejcayob i ba. Tsi' xic'beyob cha'an mi' ñopob i sujmllel i yumantel Dios. ⁹ Tsa' tsats'a i pusic'al lamital winicob. Ma'anic tsi' ñopoyob. Tsi' p'ajayob i bijlel Dios ti' tojlel winicob x'ixicob. Jini cha'an Pablo tsa' loq'ui ya' ba' añob. Tsi' p'lyal majlel xcant'añob ja'el. Tsi' cantesayob ti jujump'ejl q'uin ti escuela i cha'an Tiranno. ¹⁰ Tsi' cha'le cantesa cha'p'ejl jab. Jini cha'an tsi' yubibeyob i t'an lac Yum Jesús pejtelel jini chumulo' ba ti Asia, judíojob yic'ot griegojob.

¹¹ Dios tsi' c'Ambe i c'Ab Pablo cha'an mi' pAs wen ñuc tac bΛ i melbal. ¹² Jini cha'an tsi' ch'Amlyob majlel ba'an xc'amajelob jini pañuelo tac yic'ot welñac'Al tac tsa' bΛ i tAlΛ Pablo. Tsa' lajmi i chAmel xc'amajelob. Tsa' loq'uiyob i xibajlel. ¹³ Jini xΛn pañimil bΛ judíojob tsa' bΛ i cha'leyob wujt tsi' lon ñopo i c'amben i c'aba' lac Yum Jesús cha'an mi' chocob loq'uel xibajob. Tsi' yAllyob: Mic subeñet loq'uel ti' c'aba' jini Jesús mu' bΛ i sub Pablo, che'ob. ¹⁴ Che' lajal tsi' meleyob wuctiquil winicob, i yalobilob juntiquil judío, i c'aba' Esceva. I yum motomajob jini Esceva. ¹⁵ I xibajlel jini winic tsi' jac'beyob: Mij cΛn Jesús. Mij cΛn Pablo ja'el. Pero jatetla, ¿majquiyetla? che'en. ¹⁶ Jini winic am bΛ i xibajlel tsa' tijp'i i chuc jini xwujtob. Tsi' ñolch'iyob ti pejtelob. Tsa' mAjli i cha'an jini am bΛ i xibajlel. Tsa' puts'iyob loq'uel ti otot, pits'ilobix, lojwemobix.

¹⁷ Tsa' caji i yubiñob pejtelel judíojob yic'ot griegojob chumulo' bΛ ti Efeso. Ti pejtelob tsi' cha'leyob bΛq'uen. Tsa' ñuq'uesanti i c'aba' lac Yum Jesús. ¹⁸ CabΛ tsa' bΛ i ñopoyob tsa' tili i subob i mul. Tsi' bajñel tsictesyob i bΛ cha'an chuqui tac tsi' cha'leyob. ¹⁹ CabΛ tsa' bΛ i cha'leyob wujt tsi' tempayob i jun. Tsi' puluyob ti' wut winicob x'ixicob. Tsi' tsicbeyob i tojol, lujump'ejl i yuxc'al mil sAsac taq'uin. ²⁰ Jini cha'an cabΛ tsa' ñojpi i t'an Dios. Tsa' wen tsictiyi i p'AtAllel.

²¹ Che' bΛ tsa' ujti pejtelel jini, Pablo tsi' ña'ta ti Espíritu yom ñumel ti Macedonia yic'ot ti Acaya cha'an mi' majlel ti Jerusalén. Tsi' yAlΛ: Wersa yom mic majlel ti Roma ja'el che' bΛ ñumeñonix ti Jerusalén, che'en. ²² Jini cha'an tsi' choco majlel ti Macedonia cha'tiquil tsa' bΛ i coltayob ti' ye'tel, jiñobΛch Timoteo yic'ot Erasto. I bajñel tsa' jale ts'ita ya' ti Asia.

Tsi' cha'leyob cabal t'an ya' ti Efeso

²³ Jini efesojob tsa' cajiyoob ti cabal t'an cha'an i bijlel Dios. ²⁴ Come an juntiquil xten plata, i c'aba' Demetrio, tsa' bal i melbe ti salsac taq'uin i yotot tac jini dios i c'aba' Diana. Cabal tsi' cha'leyob ganar i yaj e'telob. ²⁵ Demetrio tsi' tempa jini x'e'telob yic'ot yaño' bal lajal bal i ye'tel. Tsi' subeyob: Winicob, la' wujil cabal mi lac cha'len ganar cha'an la que'tel. ²⁶ La' wujil chuqui woli' mel Pablo, come tsa'ix la' q'uele. Tsa'ix la' wubibe i t'an. Tsa'ix i xic'beyob cabal winicob x'ixicob cha'an mi' cayoob Diana, mach w'ic jach ti Efeso, pero coel i ñumel ti pejtelel Asia ja'el. Mi' yal mach diosic jini melbil tac bal ti c'abal. ²⁷ Jini cha'an balbalq'uen mi' jilel la que'tel yic'ot i yotlel jini x'ixic dios, Diana, jini ñuc bal. Balbalq'uen mi' jisantel i ñuclel jini dios mu' bal i ch'ujutesañob pejtelel año' bal ti Asia yic'ot ti pejtelel pañimil, che'en.

²⁸ Che' bal tsa'ix i yubiyob jini t'an cabal tsa' mich'ayob. Tsi' cha'leyob c'am bal t'an. Tsi' yalayoob: ¡Ñuc lac dios Diana w' ti Efeso! che'ob. ²⁹ Wen ju'ucñayob ti pejtelel tejclum. Ti ajñel tsi' tempayob i bal ti parque, chuculobix i cha'an Gayo yic'ot Aristarco ch'oyolo' bal ti Macedonia, i pi'llob Pablo ti xambal. ³⁰ Pablo yom ochel ba' añob pero jini xcant'añob tsi' tiq'uiyob. ³¹ Cha'tiquil uxtiquil winicob año' bal i ye'tel ti Asia, i calñayo' bal Pablo, tsi' chocbeyob majlel winicob cha'an mi' subeñoob ti wocol t'an mach yomic mi' yochel ti parque. ³² Jelchojc jax i t'an jini temprabilo' bal ti parque. Ju'ucñayob jax ti t'an. Cabalob mach yujilobic chucoch tsi' tempayob i bal. ³³ Jini judíojob tsi' palyayob loq'uel Alejandro ba' p'ululob winicob x'ixicob cha'an mi' pejcañob. Alejandro tsi' p'alsbeyob i c'ab cha'an mi' ñajch'elob, come yom i yalq'ueñoob i ch'amben isujm. ³⁴ Che' yujilobix judíojach jini Alejandro, cha'p'ejl ora tsi' chan cha'leyob c'am bal

t'an ti pejtelelob. C'am tsi' yɔɔɔyob: ¡Ñuc lac dios Diana wɔ' ti Efeso! che'ob.

³⁵ Jini sts'ijbaya cha'an tejlum tsi' ñɔɔh'tesayob. Tsi' subeyob: Winicob, ¿baqui an juntiquil winic mach bɔ yujilic mi ti pejtelel lac tejlum Efeso mi' cɔntɔbentel i yotlel jini x'ixic dios Diana yic'ot i yejtal tsa' bɔ i choco jubel Júpiter? ³⁶ Actan, che' jini, ma'anic majch mi mejlel i contrajin jini t'an. Jini cha'an yom mi la' ñɔɔch'el. Yom mi la' ch'ɔmben isujm chuqui yom mi la' mel. ³⁷ Come jini winicob tsa' bɔ la' pɔɔɔ tilel ma'anic mi' xujch'iñoob jini templo. Ma'anic mi' p'ajob la' dios. ³⁸ La' tilicob Demetrio yic'ot i pi'ɔlob ti e'tel mi an chuqui yom i yɔlob ti' contra juntiquil winic. An melobɔɔɔɔ, an xmeloñelob. La' i melob i bɔ cha'an i mul. ³⁹ Mi anto chuqui woli la' ña'tan, jini año' bɔ i ye'tel mi mejlel i yubiñoob che' mi' tempañoob i bɔ. ⁴⁰ Come bɔbɔɔ'uen mi' caj ti sujbel lac mul cha'an jini leto tsa' bɔ ujti sajmɔɔ. Ma'anic mi mejlel lac sub chucoch tsa' tejchi jini ju'ucña bɔ t'an, che'en. ⁴¹ Che' bɔ tsa' ujti ti t'an, tsi' subeyob sujtel jini tempɔbilo' bɔ.

20

Tsa' majli Pablo ti Macedonia yic'ot Grecia

¹ Che' bɔ tsa'ix lajmi jini ju'ucña bɔ t'an, Pablo tsi' pɔɔɔ tilel xɔnt'añoob. Tsi' xic'beyob ti jini wen t'an. Tsi' lajlaj jats'beyob i pat. Tsi' subeyob i bɔ adiós. Pablo tsa' loq'ui cha'an mi' majlel ti Macedonia. ² Che' bɔ woli' ñumel majlel ti' bijlel Grecia tsi' wen xic'beyob ti jini wen t'an. Tsa' c'oti ti Grecia. ³ Ya'i tsa' jale uxp'ejl uw. Che' bɔ yomix majlel ti Siria ti barco, woli' chijtañoob judíojob. Tsa' caji i ña'tan uts'at mi' cha' ñumel ti Macedonia. ⁴ Tsi' pi'leyob majlel c'ɔɔɔ ti Asia jini Sópater ch'oyol bɔ ti Berea, yic'ot Aristarco yic'ot Segundo ch'oyol bɔ ti Tesalónica, yic'ot Gayo ch'oyol bɔ ti Derbe, yic'ot Timoteo, yic'ot Tíquico,

yic'ot Trófimo ch'oyolo' bλ ti Asia. ⁵ Jiñob tsa' ñaxan majliyob i pijtañon lojon ti Troas. ⁶ Che' bλ tsa' ñumi i q'uiñilel caxlan waj mach bλ anic i levadurajlel, tsa' ochiyon lojon ti barco ya' ti Filipos. Jo'p'ejl q'uin tsac xλñλ lojon majlel. Ya' ti Troas tsac cha' taja lojon c bλ. Ya' i tsa' jaleyon lojon wucp'ejl q'uin.

Pablo tsi' jula'tayob ya' ti Troas

⁷ Ti ñaxan bλ q'uin ti semana che' bλ tsi' tempayob i bλ xcλnt'añob cha'an mi' xet'ob waj, Pablo tsi' cλntesayob. Come yomix majlel ti yijc'λlal, tsa' jale ti t'an c'λlλl ti ojliil ac'λlel. ⁸ Ya'an cabλl lámpara ti' mal otot ti cha' lajmlel otot ba' tsi' tempayob i bλ. ⁹ Juntiquil ch'iton, i c'aba' Eutico, buchul ti q'ueloñibλl, woli ti wen wλyel. Tsa' ñucle ti wλyel come jal woli ti cλntesa Pablo. Tsa' yajli ti lum. Chλmenix tsi' lotoyob. ¹⁰ Pablo tsa' jubi majlel. Tsa' bλc' c'oti i mec'. Tsi' yλλλ: Mach la' mel la' pusic'al. Cuxul to, che'en. ¹¹ Che' bλ tsa'ix cha' letsi Pablo, tsi' xet'eyob waj, tsi' c'uxuyob. Jalto tsi' cha'le t'an c'λlλl tsa' sλc'a. Tsa' majli. ¹² Cuxul tsi' pλyλyob majlel jini ch'iton. Jini cha'an tsa' ñuq'uesλbentiyob i pusic'al jini hermanojob.

Pablo tsi' pejca ancianojob loq'uemo' bλ ti Efeso ti Mileto

¹³ Tsa' ochiyon lojon ti barco. Tsa' majliyon lojon ti Asón ba' com lojon c pλy ochel Pablo, che' bajche' tsi' subeyon lojon. Come ti' yoc tsa' majli che' bajche' tsi' ña'ta. ¹⁴ Che' bλ tsi' tajayon lojon ti Asón, tsac pλyλ lojon ochel ti barco. Tsa' c'otiyon lojon ti Mitilene. ¹⁵ Tsa' cha' majliyon lojon ti barco. Ti yijc'λlal tsa' c'otiyon lojon ti' tojel Quío. Ti' cha'p'ejlel q'uin tsa' c'otiyon lojon ti Samos. Tsac ñusa lojon ac'λlel ti Trogilio. Ti' yuxp'ejlel q'uin tsa' c'otiyon lojon ti Mileto. ¹⁶ Pablo mach yomic majlel ti Efeso, come mach yomic jalijel ya' ti Asia. Woli'

se'ñun i bΛ, come yom c'otel ti Jerusalén cha'an i q'uiñilel Pentecostés mi muc'Λch i mejlel.

¹⁷ Che' anto ti Mileto, Pablo tsi' choco majlel winicob ti Efeso. Tsi' ρΛγΛ tilel jini ancianojob año' bΛ i ye'tel ti' tojlel xñopt'añob ya' ti Efeso. ¹⁸ Che' bΛ tsa' c'otiyob, Pablo tsi' subeyob: La' wujil bajche' añoñ la' wic'ot ti pejtelel ora c'ΛΛΛ ti ñaxan bΛ q'uin che' bΛ tsa' ochiyon ti Asia. ¹⁹ Tsac mele c bΛ ti pec' che' bΛ tsac melbe i ye'tel lac Yum. Tsi' tajayon cabΛΛ wocol. Tsac cha'le uq'uel cha'an judíojob tsa' bΛ i chijtayoñob. ²⁰ Ma'anic tsac bΛc'ña c subeñetla jini am bΛ i c'Λjñibal la' cha'an. Tsaj cAntesayetla ti' wut winicob x'ixicob yic'ot ti jujump'ejl la' wotot. ²¹ Tsa'ix c subeyob judíojob yic'ot gentilob cha'an mi' cΛyob i mul cha'an mi' ñopob Dios. Tsac subeyob cha'an mi' ñopob lac Yum Jesucristo.

²² Awilan, samiyonix ti Jerusalén come ρΛybilonix majlel cha'an jini Espíritu. Mach cujilic chuqui mi caj c tumbentel ya'i. ²³ Pero jini Ch'ujul bΛ Espíritu mi' subeñon ti jujump'ejl tejclum, mi caj i tajon wocol. Mi caj cochel ti mΛjquibΛΛ. ²⁴ Ma'anic mij q'uel j cuxtalel ti ñuc. Anquese mi cΛjq'uel ti chΛmel, tijicña c pusic'al mi uts'at mic ts'Λctesan que'tel tsa' bΛ aq'uentiyon ti lac Yum Jesús cha'an mic sub jini wen t'an cha'an i yutslel i pusic'al Dios.

²⁵ Awilan, tsa'ix c subu i yumAntel Dios ti la' tojlel. WΛle cujil ma'anix mi caj la' chΛñ q'uel c wut. ²⁶ Jini cha'an mic subeñetla ti jini jach bΛ ora, mach chΛñ c wentajix la' cuxtalel ti la' pejtelel. ²⁷ Ma'anic tsac cha'le bΛq'uen, pero ts'ΛcΛΛ tsac subeyetla i t'an Dios. ²⁸ ChΛcΛ q'uele la' bΛ che' jini. cAntanla pejtelel jini tiñΛme', come jini Ch'ujul bΛ Espíritu tsi' γΛq'ueyetla la' we'tel ti xcAntaya cha'an mi la' we'san jini xñopt'añob i cha'año' bΛ Dios tsa' bΛ i mΛñΛ ti' bajñel ch'ich'el. ²⁹ Come cujil che' majlemonix mi caj i yochelob ti la' tojlel jontol bΛ bΛte'el ts'i'. Ma'anic

mi caj i p'untan tiñame'. ³⁰ Mi caj i wa'tllob winicob ti la' tojlel mu' bλ i yλlob sojquem bλ t'an cha'an mi' pλyob xclant'añob cha'an mi' tsajcañob. ³¹ Yom yλxλl la' wo che' jini. Ña'tanla, uxp'ejl jab ma'anic tsaj cλyλ c xic'beñetla ti jujuntiquiletla ti q'uiñil yic'ot ti ac'lelel. Tsac cha'le uq'uel.

³² Wλle, hermanojob, mi cλq'uetla ti' c'λb Dios yic'ot ti' wenta jini t'an mu' bλ i tsictesan i yutsllel i pusic'al. An i p'λtllel jini t'an cha'an mi' xuc'chocon la' pusic'al, cha'an mi la' wλq'uentel chuqui tac la' tem cha'an jach la' wic'ot pejtelel jini sλq'uesλbilo' bλ. ³³ Ma'anic tsac mulλbeyetla chuqui an la' cha'an, mi plata, mi oro, mi pisil. ³⁴ La' wujil, tsac cha'le e'tel tij c'λb cha'an i bλ c ñλc'. Tsac we'sa c pi'λlob ja'el año' bλ quic'ot. ³⁵ Ti pejtelel tsa' bλ c mele tsac pλsbeyetla bajche' yom mi lac cha'len e'tel cha'an mi laj coltan jini mach bλ p'λtllobic. Yom mi la' ña'tan i t'an lac Yum Jesús tsa' bλ i yλλ: “Ñumen tijicña jini mu' bλ i yλc' majtañal bajche' jini mu' bλ i ch'λm i majtan”. Che' tsi' yλλ Pablo.

³⁶ Che' bλ tsa' ujti ti jini t'an tsa' ñocle. Pablo tsi' como pejca Dios yic'otob. ³⁷ Ti pejtelelob tsi' cha'leyob cabλ uq'uel. Tsi' meq'ueyob Pablo. Tsi' ts'ujts'uyob. ³⁸ Wen ch'ijiyem tsi' yubiyob cha'an tsi' subeyob ma'anix mi caj i chlñ q'uelbeñob i wut. Tsi' pi'leyob majlel c'λlλl ti barco.

21

Tsa' majli ti Jerusalén Pablo

¹ Che' bλ tsaj cλyλyob lojon tsa' ochiyon lojon ti barco. Toj tsa' majliyon lojon ti Cos, ti yijc'λlal c'λlλl ti Rodas, ti wi'il c'λlλl ti Pátara. ² Ya' tsac taja lojon barco woli bλ i majlel ti Fenicia. Tsa' ochiyon lojon. Tsa' majliyon lojon. ³ Che' bλ tsaj q'uele lojon Chipre, tsaj cλyλ lojon tic ts'ej. Tsa' ñumiyon lojon majlel c'λlλl ti Siria. Tsa' c'otiyon

lojon ti Tiro, come ya' yom i cɔy i cuch jini barco. ⁴ Che' bɔ tsac taja lojon xɔɔnt'añoob tsa' jaleyon lojon ya' i wucp'ejl q'uin. Tsi' subeyob Pablo ti jini Espíritu mach yomic mi' letsel majlel ti Jerusalén. ⁵ Che' ñumenix jump'ejl semana tsa' majliyon lojon. Ti pejtelelob tsi' pi'leyon lojon majlel yic'ot x'ixicob yic'ot i yalobilob, c'ɔɔɔ che' bɔ tsa' loq'uiyon lojon ti tejclum. Ya' ti' ti' ja' tsa' cajiyon lojon ti ñoctɔɔ, tsac pejca lojon Dios. ⁶ Che' bɔ tsa'ix j cɔyɔ lojon c bɔ, tsa' ochiyon lojon ti barco. Jini xɔɔnt'añoob tsa' sujtiyob ti' yotot.

⁷ Che' loq'uemonix lojon ti Tiro ti barco, tsa' c'otiyon lojon ti Tolemaida. Ya' i tsa cɔq'ue lojon cortesía hermanojob. Tsa' jaleyon lojon jump'ejl q'uin yic'otob. ⁸ Ti yijc'ɔɔɔ che' bɔ tsa' majliyon lojon, tsa' c'otiyon lojon ti Cesarea. Ya' tsa' ochiyon lojon ti' yotot Felipe, jini subt'an, jini tsa' bɔ aq'uenti i ye'tel yic'ot jini wɔctiquil. Tsa' jijliyon lojon quic'ot. ⁹ An chɔntiquil i yixic'al mach bɔ anic i ñoxi'al. Tsi' cha'leyob alt'an.

¹⁰ Che' bɔ tsa' jaleyon lojon ya' i cha'p'ejl uxp'ejl q'uin, tsa' jubi tilel juntiquil x'alt'an loq'uem bɔ ti Judea, i c'aba' Agabo. ¹¹ Che' bɔ tsa' c'oti ba' añoon lojon, tsi' ch'ɔmbe i cajchiñɔc' Pablo. Tsi' bajñel cɔchɔ i yoc i c'ɔb. Tsi' subu: Jini Ch'ujul bɔ Espíritu mi' yɔɔ: “Che' i mi caj i cɔchob i yum jini cajchiñɔc'ɔɔ jini judíojob año' bɔ ti Jerusalén. Mi caj i yɔc'ob ti' c'ɔb gentilob”. Che' mi' yɔɔ Ch'ujul bɔ Espíritu, che'en Agabo.

¹² Che' bɔ tsa'ix cubi lojon jini t'an, joñon lojon quic'ot jini ya' bɔ añoob tsac sube lojon Pablo ti wocol t'an cha'an ma'anic mi' letsel majlel ti Jerusalén. ¹³ Pablo tsi' subeyon lojon: ¿Chucoch mi la' cha'len uq'uel? ¿Chucoch mi la' wɔq'ueñon i ch'ijiyemlel c'pusic'al? Joñon chajpɔbilon, mach cojic jach cha'an mij cɔjchel, pero cha'an mic chɔmel ja'el ti Jerusalén cha'an ti' c'aba' lac Yum Jesús,

che'en. ¹⁴ Che' bλ ma'anic tsi' jac'beyon lojon c t'an, tsaj cλγλ lojon c suben. Tsac sube lojon: La' mejlic chuqui yom lac Yum, cho'on lojon. ¹⁵ Ti wi'il tsac chajpa lojon c chubλ'an. Tsa' letsiyon lojon majlel ti Jerusalén. ¹⁶ Cha'tiquil uxtiquil xclant'añob ch'oyolo' bλ ti Cesarea tsi' pi'leyon lojon majlel. Tsi' pλγλyon lojon majlel ti' yotot juntiquil xclant'an i c'aba' Mnasón, ch'oyol bλ ti Chipre. Jini Mnasón wajalix tsi' ñopo. Ya' tsa' jijliyon lojon quic'ot.

Pablo tsi' julata Jacobo

¹⁷ Che' bλ tsa' c'otiyon lojon ti Jerusalén, tijicñayob i pusic'al jini hermanojob, tsi' pλγλyon lojon ochel. ¹⁸ Ti yijc'λlal tsa' ochi Pablo quic'ot lojon ba'an Jacobo. Tsi' tempayob i bλ pejtelel jini ancianojob. ¹⁹ Che' bλ tsi' yλq'ueyob i bλ cortesía, Pablo quepecña tsa' caji i subeñob pejtelel chuqui tac tsi' cha'le Dios ti' tojlel gentilob ya' ba' tsi' cha'le subt'an.

²⁰ Che' bλ tsi' yubiyob, tsi' subuyob i ñucler Dios. Jini ancianojob tsi' subeyob Pablo: Hermano, tsa'ix a wubi jayp'ejl mil judíojob tsi' ñopoyob. Ti pejtelelob wen bλxob cha'an jini mandar. ²¹ Tsa'ix lon subentiyob jini wλ' bλ añob, wola' clntesan judíojob ya' ti' tojlel gentilob cha'an mi' cλyob i mandar Moisés. Wola' sub mach yomic mi' tsepbeñob i pλchλlel i yalobilob, yic'ot mach yomic mi' cha'leñob che' bajche' i tilel judíojob. ²² Jini cha'an, ¿chuqui yom mi lac cha'len? Mi caj i yubiñob tsa'ix tiliyet. Isujm, mi caj i tempañob i bλ cabλλ winicob x'ixicob. ²³ Jini cha'an, mele chuqui mic subeñet lojon. Wλ' añob chlntiquil winicob tsa' bλ i subeyob Dios chuqui mi caj i wersa melob. ²⁴ Pλγλyob majlel. Sλq'uesan a bλ yic'otob. Tojbeñob chuqui yom cha'an mi' set'bentelob i jol. Che'i mi caj i ña'tañob ti pejtelelob mach isujmic jini tsa' bλ

subentiyob, come mach che'ic wola' mel. Mi caj i ña'tañob jatet ja'el wolix a jac' jini mandar. ²⁵ Jixcu jini gentilob tsa' bλ i ñopoyob, tsa'ix c ts'ijbubeyob lojon chuqui tsac ña'ta lojon. Tsac subeyob lojon cha'an mi' cλyob i c'ux jini tsλnsλbil bλ i majtan dioste' yic'ot i ch'ich'el yic'ot milbil tac bλ. Tsac sube lojon cha'an ma'anic mi' cha'leñob ts'i'lel. Che' tsi' subeyob Pablo jini ancianojob. ²⁶ Pablo tsi' pλyλyob jini winicob. Ti yijc'λlal tsi' sλq'uesa i bλ yic'otob. Tsa' ochi ti Templo cha'an mi' subeñob baqui bλ q'uin mi caj i yujtel i sλq'uesañob i bλ, yic'ot baqui bλ q'uin mi caj i yλq'uentel i majtan Dios am bλ ti' wenta ti jujuntiquil.

Tsi' chucuyob Pablo ti Templo

²⁷ Che' yomix ts'actiyel jini wucp'ejl q'uin, cha'tiquil uxtiquil judíojob ch'oyolo' bλ ti Asia tsi' q'ueleyob Pablo ti Templo. Tsi' ñijcayob winicob cha'an mi' chucob Pablo. ²⁸ Jini winicob c'am tsi' yλλyob: Winicob israelob la'la ti coltaya. Umba'an jini winic mu' bλ i cha'len cλntesa ti' contra i cha'año' bλ Dios yic'ot ti' contra jini mandar yic'ot ti' contra jini Templo. Che'λch woli' pam cλntesan winicob x'ixicob. Mach cojic jach jini, pero tsa'ix i pλyλ ochel griegojob ja'el ti' mal Templo. Tsa'ix i bibesa jini Ch'ujul bλ Ajñibλl, che'ob. ²⁹ Come tsi' lon ña'tayob tsa'ix i pλyλ ochel ti' mal Templo juntiquil winic ch'oyol bλ ti Efeso, i c'aba' Tróximo, come anix ora tsi' q'ueleyob yic'ot Pablo.

³⁰ Jini cha'an tsa' tejchiyob ti a'leya pejtelel winicob año' bλ ti jini tejclum. Ti ajñel tsi' tempayob i bλ. Tsi' chucuyob Pablo. Tsi' tujc'ayob loq'uel ti Templo. Ti ora tsa' ñujp'i i ti' Templo. ³¹ Che' bλ woli' ñopob i tsλnsan Pablo, tsa' subenti jini am bλ ñuc bλ i ye'tel ti' tojlel jump'ejl mil soldadojob cha'an woliyob ti leto pejtelel

winicob ti Jerusalén. ³² Jini am bλ i ye'tel tsi' ρλγλ majlel soldadojob yic'ot i yaj capitañob. Ti ajñel tsa' majliyob ba' añob. Jini winicob tsi' cλγλγob i jats' Pablo che' bλ tsi' q'ueleyob jini am bλ ñuc bλ i ye'tel yic'ot soldadojob.

³³ Tsa' c'oti jini am bλ ñuc bλ i ye'tel. Tsi' chucu Pablo. Tsi' γλc'λ mandar cha'an mi' cλjchel ti cha't'ujm cadena. Tsi' c'ajtibe i c'aba' yic'ot chuqui tsi' cha'le. ³⁴ Ti pejtelelob woliyob ti c'am bλ t'an. Jelchojc jax chuqui tsi' γλλγob. Ma'anic tsa' mejli i ch'λmben isujm chuqui tsa' ujti come ju'ucñayob ti cabλ t'an. Jini cha'an tsi' γλq'ueyob mandar cha'an mi' ρλγob majlel Pablo ti' yotot soldadojob. ³⁵ Che' bλ tsa' c'otiyob ba' quejρactic ts'ajc, jini soldadojob tsi' ch'uyuyob majlel Pablo, come wen mich'ob winicob. ³⁶ Woli' tsajcañob majlel. C'am tsi' γλλγob: Tsansanla, che'ob.

Pablo tsi' pejca winicob x'ixicob

(Hch. 9.1-19; 26.12-18)

³⁷ Che' bλ tsa' caji i ρλγob ochel Pablo ti' yotot soldadojob, Pablo tsi' sube jini ñuc bλ i ye'tel: ¿Mejl ba c pejcañet? che'en. Jini ñuc bλ i ye'tel tsi' sube: ¿A cññλ ba i t'an griegojob? ³⁸ ¿Mach ba jatetic jini egipto tsa' bλ i teche leto ti' contra gobierno maxto jali? ¿Mach ba jatetic tsa' ρλγλ majlel ti jochol bλ lum lujumbajc' stsansajob? che'en. ³⁹ Pablo tsi' sube: Mach joñonic. Mero judíojon. Ch'oyolon ti Tarso ya' ti Cilicia. Ya' chucbil j c'aba' ti ñuc bλ tejclum. Awocolic, la' c pejcan jini winicob, che'en. ⁴⁰ Che' bλ tsi' γλc'λ i t'an, che' wa'alix Pablo ba' quejρactic, tsi' ρλsbeyob i c'λb jini winicob. Che' bλ tsa' wen ñλjch'iyob, Pablo tsa' caji i pejcañob ti' t'an hebreojob.

22

¹ Pablo tsi' yʌʌ: Winicob c pi'ʌlob, ñich'tanla chuqui mic subeñetla wʌle, che'en. ² Che' bʌ tsi' yubiyob woli' pejcañob ti' t'an hebreojob, tsa' wen ñʌjch'iyob. ³ Pablo tsi' subeyob: Isujm judíojon. Tsa quila pañimil ti Tarso ya' ti Cilicia. Wʌ' tsa' coliyon ilayi ti ili tejclum. Cʌntesʌbilon i cha'an Gamaliel. Tsa' cʌntesʌntiyon ti' sujmllel jini mandar che' bajche' tsi' ñopoyob lac ñojte'el. Wen bʌxon cha'an Dios che' bajche'etla ti la' pejtelel wʌle. ⁴ Tsac tic'la jini año' bʌ ti' bijlel Dios. Tsa cʌcʌ'yob ti chʌmel. Tsac chucu winicob yic'ot x'ixicob. Tsa cotsayob ti mʌjquibʌl. ⁵ Jini ñuc bʌ motomaj ja'el yic'ot pejtelel xñoxob año' bʌ i ye'tel yujilob isujm c t'an, come tsi' yʌq'ueyoñob jun cha'an mic pʌsbeñob lac pi'ʌlob. Ya' tsa' majliyon ti Damasco cha'an mic chuc jini ya' bʌ añoob cha'an cʌchʌl mic pʌyob tilel ti Jerusalén cha'an mi' tojob i mul.

*Pablo tsi' subu bajche' tsa' coltʌnti
(Hch. 9.1-19; 26.12-18)*

⁶ Che' bʌ woliyon ti xʌmbal majlel, che' lac'ʌlix añoon ti Damasco ti xinq'uiñil, tsa' bʌc' tsictiyi tic joytilel i c'ʌc'al c'ajc ch'oyol bʌ ti panchan. ⁷ Tsa' yajliyon ti lum. Tsa cubi t'an. Tsi' subeyon: “¿Saulo, Saulo, cucoch wola' tic'lañon?” che'en. ⁸ Tsac jac'ʌ: “C Yum, ¿majquiyet?” cho'on. Tsi' subeyon: “Joñon Jesús on ch'oyolon bʌ ti Nazaret. Woli a tic'lañon”, che'en. ⁹ Jini año' bʌ quic'ot, ti isujm tsi' q'ueleyob i c'ʌc'al c'ajc. Tsi' cha'leyob bʌq'uen. Ma'anic tsi' yubibeyob chuqui woli' yʌl jini tsa' bʌ i pejcayon. ¹⁰ Tsac sube: “¿Chuqui yom mic cha'len c Yum?” cho'on. Lac Yum tsi' subeyon: “Ch'ojyen. Cucu ti Damasco. Ya'i mi caj a subentel pejtelel chuqui wʌn ña'tʌbil c cha'an mu' bʌ caj a mel”, che'en. ¹¹ Che' bʌ ma'anic tsa' c'oti c wut cha'an i sʌclel jini c'ajc, tsi'

toj'esayoñob majlel tij c'ab jini ya' bɫ añob quic'ot. Tsa' c'otiyon ti Damasco.

¹² Ya' an winic, i c'aba' Ananías, mu' bɫ i ch'ujutesan Dios, che' bajche' cɫntesɫbilonla ti mandar. Wen uts'at tsa' q'uejli cha'an pejtelel judíojob ya' bɫ chumulob.

¹³ Tsa' tili ba' añon. Tsa' wa'le tic t'ejl. Tsi' subeyon: “Hermano Saulo, la' c'otic a wut”, che'en Ananías. Ti jini jach bɫ ora tsa' c'oti c wut. Tsaj q'uele Ananías.

¹⁴ Tsi' subeyon: “I Dios lac ñojte'el tsi' yajcayet cha'an ma' cɫn chuqui yom i pusic'al Dios. Tsi' yajcayet cha'an ma' q'uel jini Toj bɫ, yic'ot cha'an ma' wubiben i t'an che' mi' pejcañet. ¹⁵ Come mi caj a wɫc' ti cɫjñel Cristo ti' tojlel pejtelel winicob x'ixicob. Mi caj a subeñob chuqui tac tsa' q'uele yic'ot chuqui tsa' wubi. ¹⁶ Wale, ¿chucoch woliyet ti pijt? Ch'ojyen. Pejcan Dios ti' c'aba' Jesús. Ch'ɫmɫ ja', la' pojquic loq'uel a mul”. Che' tsi' subeyon Ananías.

I pɫayol Pablo cha'an mi' cha'len subt'an

¹⁷ Che' bɫ tsa' cha' tiliyon ti Jerusalén, woliyon ti oración ti Templo. An chuqui tsa' caji j q'uel ti espíritu.

¹⁸ Tsaj q'uele Jesús tsa' bɫ i subeyon: “Se'ñun a bɫ, loq'uen ti Jerusalén ti ora come ma'anic mi caj i jac'ob chuqui wola' subeñob cha'añon”, che'en. ¹⁹ Tsac sube: “C Yum, yujlilob joñon tsa cotsa ti mɫjquibɫ jini tsa' bɫ i ñopoyet. Tsac bajbeyob ti sinagoga tac. ²⁰ Che' bɫ tsa' bejq'ui i ch'ich'el Esteban, jini subt'an a cha'an, ya' lɫc'ɫl wa'alon ja'el. Ma'anic tsac tiq'uiyob. Tsaj cɫntɫbeyob i pislel jini tsa' bɫ i tsɫnsayob”, cho'on tsac sube. ²¹ Jesús tsi' subeyon: “Cucu come joñon mi caj c choquet majlel ti ñajtɫ ba'an gentilob”. Che' tsi' subeyon Jesús, che'en Pablo.

²² Tsi' ñich'tayob judíojob jinto tsa' ujti i sub jini t'an. Jini winicob tsa' cajiyoob ti c'am bɫ t'an. Tsi' yɫɫyob: “La' chɫmic jini winic. Mach uts'atic che' chɫn cuxul”, che'ob.

²³ Wen c'am tsi' cha'leyob t'an. Tsi' tijcayob i bujc. Tsi' wejch'uyob letsel ts'ubejn. ²⁴ Jini ñuc bλ i ye'tel tsi' yλc'λ mandar cha'an mi' pλjyel ochel Pablo ti' yotot soldadojob. Tsi' yλc'λ mandar cha'an mi' jajts'el ti asiyal cha'an mi' tsictesan i mul, come yom i ña'tan chucoch tsi' cha'leyob cabλ t'an ti' contra. ²⁵ Che' bλ tsa'ix i cλchλyob Pablo ti pλchi, Pablo tsi' c'ajtibe i yaj capitán soldadojob wa'al bλ ti' t'ejl: ¿Mach ba tic'bilic ti mandar mi' jajts'el ti asiyal juntiquil winic chucbil bλ i c'aba' ya' ti Roma, che' maxto ña'tλbilic mi an i mul? che'en Pablo. ²⁶ Che' bλ tsi' yubibe i t'an Pablo, i yaj capitán soldadojob tsa' majli ba'an jini ñuc bλ i ye'tel. Tsi' sube: ¿Chuqui mi caj a cha'len? Chucbil i c'aba' jini winic ya' ti Roma, che'en. ²⁷ Jini ñuc bλ i ye'tel tsa' tili ba'an Pablo. Tsi' sube: Subeñon, ¿chucbil ba a c'aba' ya' ti Roma? che'en. Pablo tsi' jac'λ: Chucbil cu, che'en. ²⁸ Jini ñuc bλ i ye'tel tsi' yλλλ: Cabλ taq'uin tsac jisa cha'an mi' chujquel j c'aba' ya' ti Roma, che'en. Pablo tsi' sube: Pero tsa' chujqui j c'aba' ya' ti Roma che' bλ tsa quila pañimil, che'en. ²⁹ Jini cha'an jini yomo' bλ i jats' Pablo cha'an mi' tsictesan i mul tsi' bλc' cλyλyob. Che' bλ tsi' ña'ta ya' chucul i c'aba' Pablo ti Roma, jini ñuc bλ i ye'tel tsi' cha'le bλq'uen ja'el, come an i mul cha'an tsi' cλchλ.

Pablo ti' tojlel jini año' bλ i ye'tel

³⁰ Ti yijc'λlal yom i ñop ti isujm chucoch tsi' cha'leyob t'an jini judfojob ti' contra Pablo. Tsi' jiti. Tsi' subeyob tilel pejtelel ñuc bλ motomajob yic'ot jini año' bλ i ye'tel. Tsi' pλyλ tilel Pablo.

23

¹ Pablo tsi' wen q'uele jini año bλ i ye'tel. Tsi' yλλλ: Winicob, c pi'λlob, ti pejtelel chuqui tac tsac mele, Dios tsi' q'uele. C'λλλ wλle ma'anic mi' tejchel t'an tic pusic'al

cha'an uts'at pejtelel chuqui tsac cha'le ti' wut Dios, che'en. ² Jini c'ax ñuc bλ motomaj, i c'aba' Ananías, tsi' sube jini wa'alo' bλ ti' t'ejl cha'an mi' jats'beñob i yej Pablo. ³ Pablo tsi' sube: Mi caj i jats'et Dios. Pajqu'et bombil bλ ti tan. Buchulet cha'an ma' c'λn jini mandar a melon, pero wola' ñusan mandar che' ma' wλc'on ti jajts'el, che'en. ⁴ Jini wa'alo' bλ tsi' yλλyob: ¿Mu' ba a p'aj jini ñuc bλ motomaj i cha'an Dios? che'ob. ⁵ Pablo tsi' yλλ: C pi'λlob, ma'anic tsaj cλñλ mi jiñλch ñuc bλ motomaj. Come ts'ijbubil: “Mach a p'aj jini yumλl am bλ i ye'tel ti la' tojlel”, che'en Pablo.

⁶ Pablo tsi' ña'ta ya' añob cha'chajp winicob, saduceojob yic'ot fariseojob. Jini cha'an c'am tsi' cha'le t'an ba'an jini año' bλ i ye'tel. Tsi' yλλ: Winicob c pi'λlob, fariseojon, i yalobilon fariseo. Mic ñop an i pijtaya jini chλmeño' bλ come mi' cha' ch'ojoyelob chλmeño' bλ. Jini cha'an pλybilonix tilel cha'an mi la' melon, che'en Pablo. ⁷ Che' bλ tsa' ujti i sub jini t'an, tsa' caji i cλλx pejcañob i bλ fariseojob yic'ot saduceojob. Cha'chajp tsa' cajiyojob ti t'an. ⁸ Come jini saduceojob mi' yλlob ma'anic mi lac cha' ch'ojoyel, ma'anic ángel, ma'anic espíritu. Pero mach che'ic mi' yλlob jini fariseojob.

⁹ Wen ju'ucña tsa' cajiyojob ti t'an. Jini sts'ijbayajob i cha'an fariseojob tsa' wa'leyob. Tsi' wersa alyob: Mi cλ lojon ma'anic i mul jini winic. Tic'λl mi tsi' pejca Pablo juntiquil espíritu o juntiquil ángel. Mach yomic mi laj contrajin Dios, che'ob. ¹⁰ Che' wen mich'ob woli' cλλx pejcañob i bλ, jini ñuc bλ i ye'tel tsi' cha'le bλq'uen ame mi' tsλnsañob Pablo. Tsi' cha'le mandar cha'an mi' tilelob soldadojob cha'an mi' wersa chucob loq'uel Pablo ba' añob, cha'an mi' pλyob ochel ti' yotot soldadojob. ¹¹ Ti jini ac'alel lac Yum tsa' wa'le ti' t'ejl Pablo. Tsi' sube: Xuc'chocon a pusic'al Pablo. Che' bajche' tsa' wλc'lyon

ti cajñel ti Jerusalén, che' ja'el mi caj a wac'on ti cajñel ya' ti Roma, che'en.

Tsi' temeyob i t'an cha'an mi' tsansañoob Pablo

¹² Ti sac'ajel cabal judíojob tsi' tempayob i bal. Tsi' temeyob i t'an cha'an mi' tsansañoob Pablo. Tsi' bajñel ch'acayob i bal cha'an ma'anic chuqui mi caj i c'uxob, ma'anic chuqui mi caj i jarob jinto mi' tsansañoob Pablo. ¹³ Ñumen ti cha'c'al tsa' bal i temeyob i t'an. ¹⁴ Tsa' majliyob ba'an i yumob motomajob yic'ot xñojob año' bal i ye'tel. Tsi' yalayob: Tsa'ix c wersa wa'choco lojon c t'an che' bal tsac bajñel ch'acal lojon c bal. Ma'anic mi caj c wis c'ux lojon i bal lojon c ñac' jinto mic tsansan lojon Pablo. ¹⁵ Jatetla, che' jini, yic'ot jini año' bal i ye'tel, c'ajtibenla jini am bal ñuc bal i ye'tel cha'an ijc'al mi' cha' paly tilel Pablo ba' añetla. Subenla an chuqui la' wom la' cha' c'ajtiben. Chajpabilon lojon cha'an mic tsansan lojon che' maxto c'otemic ba' añetla, che'ob.

¹⁶ Che' bal tsi' yubi i yichac' Pablo bajche' mi caj i chijtañoob, tsa' majli, tsa' ochi ti' yotot soldadojob. Tsi' sube Pablo. ¹⁷ Pablo tsi' palya tilel juntiquil i yaj capitán soldadojob. Tsi' yala: Palya majlel jini ch'iton ba'an jini ñuc bal i ye'tel, come an chuqui yom i suben, che'en. ¹⁸ I yaj capitán soldadojob tsi' palya majlel. Tsa' majliyob ba'an jini ñuc bal i ye'tel. Tsi' sube: Tsi' palyayon jini xñujp'el Pablo. Tsi' c'ajtibeyon cha'an mic paly tilel jini ch'iton ba' añet come an chuqui yom i subeñet, che'en. ¹⁹ Jini ñuc bal i ye'tel tsi' chucbe i c'ab jini ch'iton. Tsi' mucu palya majlel. Tsi' c'ajtibe: ¿Chuqui a wom a subeñoob? che'en. ²⁰ Tsi' sube: Tsa'ix i tempayob i bal judíojob cha'an mi' c'ajtibeñet cha'an ma' paly jubel Pablo ijc'al ba'an jini año' bal i ye'tel. Mi caj i lon alob an chuqui yomob i cha' c'ajtiben Pablo. ²¹ Mach a jac'beñoob i t'an, come ñumen ti

cha'c'al winicob woli' chijtañob. Tsi' bajñel ch'ʌcʌyob i bʌ cha'an ma'anic chuqui mi caj i c'uxob, ma'anic chuqui mi caj i japob jinto mi' tsʌnsañob Pablo. Tsa'ix i chajpayob i bʌ. Woli jach i pijtañob a t'an, che'en jini ch'iton. ²² Jini ñuc bʌ i ye'tel tsi' sube majlel jini ch'iton. Tsi' tiq'ui ame i suben yambʌ chuqui tsa'ix i tsictesʌbe.

Tsa' chojqui majlel Pablo ba'an Félix

²³ Tsi' pʌyʌ tilel cha'tiquil i yaj capitán soldadojob. Tsi' subeyob cha'an mi' chajpañob lujunc'al soldadojob cha'an mi' majlelob ti Cesarea ti bolomp'ejl ora i yic'an yic'ot lujuntiquil i chʌnc'al (70) c'ʌchʌlo' bʌ yic'ot lujunc'al año' bʌ i lanza. ²⁴ Tsi' subeyob cha'an mi' chajpʌbeñob i c'ʌchlib Pablo ja'el cha'an c'ʌchʌl mi' pʌyob majlel ti uts'at ba'an Félix, jini gobernador. ²⁵ Tsi' ts'ijba jun. Tsi' yʌʌ: ²⁶ “Joñon Claudio Lisiason. Mic chocheñet tilel cortesía, c'ax uts'at bʌ gobernador Félix. ²⁷ Jini winic tsa' chujqui cha'an judíojob. Colelix i tsʌnsañob. Tsa' majliyon quic'ot soldadojob cha'an mij coltan, come tsac ña'ta chucbil i c'aba' ya' ti Roma. ²⁸ Che' bʌ tsaj c'ajtibeyob chuqui i mul woli' subob ti' contra Pablo, tsac pʌyʌ majlel Pablo ba' tsi' tempayob i bʌ jini judíojob año' bʌ i ye'tel. ²⁹ Tsaj q'uele woli' tajtʌl i mul cha'an jach i mandar judíojob. Tsac ña'ta ma'anic i mul cha'an mi' tsʌnsantel, mi cha'an mi' yochel ti mʌjquibʌl. ³⁰ Che' bʌ tsa cubi woli' chijtañob jini winic jini judíojob, tsac bʌc' choco majlel ba' añet. Tsac subeyob i contrajob cha'an mi' majlelob i subeñet i mul. Cojach mic subeñet jini”. Che' tsi' ts'ijba jini Claudio Lisias.

³¹ Ti ac'ʌlel jini soldadojob tsi' pʌyʌyob majlel Pablo ti Antípatris che' bajche' tsa' subentiyob. ³² Ti yijc'ʌlal tsa' sujtiyob ti' yotot. Pero jini c'ʌchʌlo' bʌ tsa' majliyob yic'ot Pablo. ³³ Che' bʌ tsa' c'otiyob ya' ti Cesarea, tsi' yʌq'ueyob

jun jini gobernador. Tsi' ρλυγob majlel Pablo ba'an.
³⁴ Che' bλ tsa' ujti i q'uel jini jun jini gobernador, tsi' c'ajtibe baqui ch'oyol. Tsa' subenti ya' ch'oyol ti Cilicia.
³⁵ Jini gobernador tsi' sube: Che' mi' julelob a contrajob mi caj cubin a t'an, che'en. Tsi' γλc'λ mandar cha'an mi' cλntantel Pablo ya' ti' yotot Herodes.

24

Pablo tsi' subu i bλ ti' tojlel Félix

¹ Che' bλ tsa' ñumi jo'p'ejl q'uin, tsa' jubi majlel jini ñuc bλ motomaj i c'aba' Ananías yic'ot cha'tiquil uxtiquil xñoxob año' bλ i ye'tel yic'ot juntiquil i c'aba' Tértulo wen uyjil bλ t'an. Tsa' majli i pejcañob jini gobernador ti' contra Pablo. ² Che' bλ tsa' ρλjyi tilel Pablo ba' año'b, Tértulo tsa' caji i jop'ben i mul Pablo. Tsi' γλλ: Cha'an ti a we'tel ti yumλ ñλch'λl año'n lojon tic lumal. Cha'an ti a ña'tλbal uts'at woli' cλntantelob c pi'λlob tic lumal. ³ Uts'atet Félix, ti pejtelel ora uts'at mij q'uel lojon a melbal ti pejtelel c lumal. Mic subeñet lojon wocolix a wλλλ. ⁴ Mach comic c jalitesañet ti cabλ t'an. Jini cha'an mic subeñet poj ubibeñon lojon ts'ita' c t'an ti' yutlel a pusic'al. ⁵ Come tsa'ix j q'uele lojon cabλ woli' tic'lañon lojon jini winic. Mi' tech leto ti pejtelel pañimil baqui jach an judíojob. Jini winic ñumen ch'ejl mi' mel i bλ bajche' yaño' bλ tsa' bλ i tsajcλbeyob i cλntesλbal jini winic ch'oyol bλ ti Nazaret. ⁶ Tsa'ix i ñopo i bib'esan jini Templo ja'el, pero tsac chucu lojon. Tsac ña'ta c mel lojon che' bajche' mi' γλ tic mandar lojon, ⁷ pero tsa' tili jini Lisias am bλ ñuc bλ i ye'tel. Wersa tsi' chili loq'uel Pablo tij c'λb lojon. ⁸ Jini Lisias tsi' subeyob i contrajob Pablo cha'an mi' tilelob ba' añet. Che' ma' c'ajtiben jini winic mi mejlel a ña'tan isujm pejtelel i mul tsa' bλ c subeyet

lojon. Che' tsi' yλλ jini Tértulo. ⁹ Lajal tsi' cha'leyob t'an judíojob ja'el. Che' tsi' yλlyob ti pejtelelob.

¹⁰ Che' bλ tsi' pλsλ i c'λb jini gobernador cha'an mi' cha'len t'an, Pablo tsi' yλλ: Cabλ jab gobernadoret tic lumal. Jini cha'an tijicña mic sub c bλ ti a tojlel.

¹¹ Majqui jach ma' pejcan mi mejlel i subeñet an jaxto lajchλmp'ejl q'uin tsa' letsiyon majlel ti Jerusalén cha'an mic ch'ujutesan Dios. ¹² Tsi' q'ueleyoñob. Ma'anic majqui wolij cλλx pejcan mi ti Templo, mi ti sinagoga mi ti jini tejclum. Ma'anic tsac xic'beyob winicob x'ixicob cha'an mi' tempañob i bλ. ¹³ Ma'anic mi mejlel i tsictesañob ti isujm i t'an woli bλ i jop'ob tij contra wale. ¹⁴ Mic subeñet ti isujm, mic ñop i bijlel Dios. Mi' yλlob sojquem bajche' mic ch'ujutesan jini Dios tsa' bλ i ñopoyob c ñojte'el. Mic ñop pejtelel mu' bλ i yλ jini mandar yic'ot chuqui tac ts'ijbubil ti' t'an x'alt'añob. ¹⁵ Añλch c pijtaya ti Dios, jini jach mu' bλ i ñopob ja'el, come tal i yorajlel che' mi caj i ch'ojoyelob jini chλmeño' bλ, jini tojo' bλ yic'ot jini mach bλ tojobic. ¹⁶ Jini cha'an mic chλn cha'len wersa c mel chuqui toj ti' wutob winicob yic'ot ti' wut Dios cha'an ma'anic mi' cajel ti t'an c pusic'al.

¹⁷ Che' bλ tsa' ñumi cha'p'ejl uxp'ejl jab, tsa' tiliyon cha'an mi cλq'ueñob taq'uin jini p'umpuño' bλ tic lumal, cha'an mi cλq'uen Dios i majtan ja'el. ¹⁸ Che' bλ woli cλq'uen Dios i majtan, cha'tiquil uxtiquil judíojob ch'oyolo' bλ ti Asia tsi' tajayoñob ti Templo. Sλq'uesλbilon. Ma'anic cabλ winicob quic'ot lojon. Ma'anic woliyon lojon ti cabλ t'an. ¹⁹ ¿Chucoch mach wλ'ic añob ti a tojlel cha'an mi' subob c mul, mi an chuqui mi' yλlob tij contra? ²⁰ Mi an c mul la' i subob jini wλ' bλ añob che' wa'alon ba' tsi' tempayob i bλ jini año' bλ i ye'tel. ²¹ Cojach jini t'an tsac subeyob che' ya' wa'alon ti' tojlelob: “Pλybilon cha'an mic mel c bλ wale ti la' tojlel,

come mic ñop mi' cha' ch'o'yelob chameño' bλ", cho'on jach tsac subeyob, che'en Pablo.

²² Che' bλ tsi' yubi jini t'an Félix mach yomic i bλc' mel jini Pablo, come subebilix i sujmllel i bijlel Dios. Tsi' γλλλ: Jinto che' mi' jubel tilel Lisias, jini ñuc bλ i ye'tel, mi caj c melet, che'en. ²³ Tsi' sube i yaj capitán soldadojob cha'an mi' cantan Pablo, pero mach mi' junyajlel ñup'. Tsi' sube uts'at mi' tilelob i pi'λlob Pablo cha'an mi' γλq'ueñoob chuqui yom.

²⁴ Che' bλ tsa' ñumi cha'p'ejl uxp'ejl q'uin tsa' tili Félix yic'ot i yijñam i c'aba' Drusila. Judía jini Drusila. Félix tsi' ργγλ tilel Pablo. Tsi' yubibe i t'an che' bλ tsi' sube bajche' yom mi lac ñop Jesucristo. ²⁵ Tsi' sube bajche' yom mi lac taj toj bλ lac pusic'al yic'ot bajche' yom mi lac bajñel tic' lac pusic'al yic'ot bajche' mi caj i melonla Dios. Félix tsi' cha'le bλq'uen. Tsi' sube: Cucux. Che' mic tajben i q'uiñilel, mi caj c cha' ργyet tilel, che'en. ²⁶ Félix tsi' lon ña'ta ja'el mi caj i γλq'uentel taq'uin cha'an mi' γλc' ti coel. Jini cha'an cabλ tsi' ργγλ tilel. Tsi' cha'le t'an yic'ot. ²⁷ Che' ñumenix cha'p'ejl jab tsa' ochi Porcio Festo ti' ye'tel Félix. Félix tsi' cγγγ Pablo ti majquibλ come yom q'uejlel ti uts'at cha'an judíojob.

25

Pablo ti' tojlel Festo

¹ Tsa' caji i cha'len yumλλ Festo ti jini lum am bλ ti' wenta. Che' bλ tsa' ñumi uxp'ejl q'uin, tsa' loq'ui ti Cesarea. Tsa' letsi majlel ti Jerusalén. ² Jini ñuc bλ motomajob yic'ot jini ñuco' bλ judíojob tsa' tiliyob ba'an Festo. Tsi' cha'leyob t'an ti' contra Pablo. Tsi' c'ajtibeyob wocol t'an ³ cha'an mi' mel bajche' yomob ti' contra Pablo. Tsi' cajtibeyob cha'an mi' γλc' ti ρλjyel tilel ti Jerusalén. Tsi' ña'tayob i chijtan cha'an mi' tsλnsañob

ti bij. ⁴ Festo tsi' subeyob ya' woli' cantantel Pablo ti Cesarea. Mach jalic mi' majlel ya' i ja'el. ⁵ Tsi' yala: Majqui jach wa'chocobil, la' jubic majlel quic'ot cha'an mi' sub i mul mi an chuqui jontol tsi' mele jini winic, che'en.

⁶ Ya'to tsa' jale yicot judíojob tic'al mi waxacp'ejl o lujump'ejl q'uin. Ti wi'il tsa' jubi majlel ti Cesarea. Ti yijc'alal che' buchul Festo ya' ti melobajal tsi' yalc'al mandar cha'an mi' rajyel tilel Pablo. ⁷ Che' ba tsa' c'oti Pablo, jini judíojob tsa' ba jubiyob tilel loq'uemo' ba ti Jerusalén tsa' wa'leyob ti joytilel. Cabal tsi' jop'beyob ñuc ba i mul Pablo. Ma'anic tsa' mejli i tsictesaño ti isujm. ⁸ Pablo tsa' caji i coltan i ba. Tsi' yala: Ma'anic chuqui tsac wis cha'le ti' contra i mandar judíojob, mi ti' contra jini Templo, mi ti' contra César, che'en. ⁹ Festo yom q'uejlel ti uts'at cha'an judíojob. Jini cha'an tsi' sube Pablo: ¿A wom ba letsel majlel ti Jerusalén cha'an mic melet ya'i? che'en.

¹⁰ Pablo tsi' yala: Wa'alon ti melobajal i cha'an César ba' yom mic mel c ba. Ma'anic chuqui tsac cha'le ti' contra judíojob. Wen a wujil. ¹¹ Mi xñusa mandaron, mi an chuqui tsac cha'le cha'an mi caljq'uel ti chlmel, la' chlmicon, pero mi mach isujmic chuqui woli' yalob tij contra, ma'anic majch mi mejlel i yalc'on ti' c'ab. ¹² La' c mel c ba ya' ba'an César, che'en Pablo. Festo tsi' pejca jini año' ba i ye'tel. Ti wi'il tsi' sube Pablo: Tsa'ix a c'ajtibeyon cha'an ma' mel a ba ba'an César. Ya' mi caj a majlel ba'an César, che'en Festo.

Pablo ti' tojlel Agripa yic'ot Berenice

¹³ Che' ñumenix cha'p'ejl uxp'ejl q'uin, tsa' tili ti Cesarea jini rey Agripa yic'ot Berenice i yijñam cha'an mi' yalq'ueño i yutsllel i t'an Festo. ¹⁴ Che' cabal q'uin tsa' jaleyob ya'i, Festo tsi' sube jini yumal bajche' woli' mel i ba Pablo. Tsi' sube: W'an juntiquil winic tsa' ba c'le ti

maljquibal ti' wenta Felix. ¹⁵ Che' ya' añon ti Jerusalén, jini ñuc bλ motomajob yic'ot jini xñoxob año bλ i ye'tel cha'an judíojob tsa' c'otiyob ba' añon. Tsi' c'ajtibeyoñob cha'an mi cλq'uen i toj i mul.

¹⁶ Tsac subeyob ma'anic mi' to'ol ac'ob ti chλmel winic jini romanojob. Ñaxan mi' tilelob i contrajob cha'an mi' subob i mul ya' ti' wut cha'an mi mejlel i coltan i bλ che' an chuqui mi' subob ti' contra. ¹⁷ Che' temel tsa' tiliyob wλ'i, mach jalic tsac teche meloñel. Ti yijc'λlal tsa' buchleyon ya' ti melobλjλl. Tsa cλc'λ mandar cha'an mi' pλjyel tilel jini winic. ¹⁸ Che' ya' añob i contrajob, mach che'ic tsi' subuyob i mul bajche' tsac lon ña'ta. ¹⁹ Jini jach tsi' contrajiyob Pablo cha'an chuqui woli' ñopob. Tsi' tajayob ti t'an juntiquil i c'aba' Jesús tsa' bλ chλmi. Pero Pablo mi' yλl cha' cuxul. ²⁰ Ma'anic tsac ña'ta bajche' yom mic mel jini winic. Jini cha'an tsaj c'ajtibe Pablo mi yom majlel ti Jerusalén cha'an ya' mi' mel i bλ. ²¹ Che' bλ tsi' c'ajtibeyon Pablo cha'an mi majlel i mel i bλ ba'an Augusto, tsa cλc'λ mandar cha'an mi' cλntλntel jinto mi mejlel c choc majlel ba'an César. Che' tsi' yλlλ Festo. ²² Agripa tsi' sube: Joñon ja'el com cubiben i t'an jini winic, che'en. Festo tsi' sube: ljc'λl mi caj a wubin, che'en.

²³ Ti yijc'λlal wen ch'λlbil tsa' tiliyob Agripa yic'ot Berenice. Tsa' ochiyob ba' mi' yubiñob t'an yic'ot jini año' bλ ñuc bλ i ye'tel yic'ot jini ñuco' bλ winicob ti tejclum. Tsa' pλjyi tilel Pablo cha'an ti' mandar Festo. ²⁴ Festo tsi' yλlλ: Rey Agripa yic'ot pejtelel winicob temprλbilob quic'ot lojon, wolix la' q'uel jini winic. Pejtelel judíojob tsi' wersa subeyoñob ti c'am bλ t'an ya' ti Jerusalén yic'ot wλ'i cha'an mach yomic che' chλn cuxul. ²⁵ Tsac ña'ta ma'anic chuqui tsi' cha'le cha'an mi' chλmel. Che' bλ tsi' bajñel ña'ta i mel i bλ ba'an Augusto, tsac sube mi caj c choc majlel. ²⁶ Pero ma'anic chuqui mi mejlel c ts'ijbuben

jini c yum ti' contra Pablo. Jini cha'an tsac ραυλ tilel ti la' tojlel yic'ot ti a tojlel ja'el, rey Agripa, cha'an ma' subeñon chuqui mi mejlel c ts'ijbuben jini c yum, che' βα tsa'ix a c'ajti tac chuqui tsa' ujti. ²⁷ Come mi cλl mach yomic mic choc majlel xñujp'el mi ma'anic chuqui mi mejlel c sub ti' contra, che'en Festo.

26

Pablo tsi' cha'le t'an ti' tojlel Agripa
(Hch. 8.1-3; 9.1-9; 22.6-11)

¹ Agripa tsi' sube Pablo: Mi cλc' c t'an cha'an ma' coltan a βα ti a t'an, che'en. Pablo tsi' ραυλ i c'λb. Tsa' caji ti t'an cha'an mi' coltan i βα. ² Tsi' γαλα: Rey Agripa, tijicña mi cubin, come wolic sub c βα wale ti a tojlel cha'an pejtelel chuqui tac tsi' subuyob judíojob tij contra. ³ Come wen a wujil bajche' mi' melob judíojob yic'ot pejtelel chuqui mi' γαlob. Jini cha'an mij c'ajtibēñet a wolic ubibeñon c t'an ti' yutslal a pusic'al.

⁴ Pejtelel jini judíojob yujilob chuqui tsac cha'le ya' tic lumal yic'ot ti Jerusalén, c'λλl che' ch'itoñon to. ⁵ Mi yomob, mi mejlel i subob come ña'tlabil i cha'añob, fariseojon c'λλl ti wajali. Che' bajche' mi' wersa melob fariseojob, che'λch tsac mele ja'el. ⁶ Wolix c mel c βα cha'an tsa'ix c ñopbe i t'an Dios tsa' βα i sube c ñojte'el lojon. ⁷ Che'λch mi' ñopob ja'el jini lajchλnmojt i p'olbal Israel mu' βα i ch'ujjutesañob Dios ti jump'ejl i pusic'al ti q'uiñil yic'ot ti ac'λlel. Rey Agripa, che'λch wolic ñop ja'el. Jini cha'an jini judíojob woli' jop'beñoñob c mul. ⁸ ¿Mu' ba la' lon ña'tan wocol mi' tech ch'ojoyel jini ch'ameño' βα Dios?

⁹ Isujm, joñon tsac lon ña'ta j contrajin i c'aba' Jesús ch'oyol βα ti Nazaret. ¹⁰ Che'λch tsac mele ti Jerusalén. Tsac mλcλ ti ñujp'ibλl cabλl i cha'año' βα Dios che' βα tsac

ch'ʌmʌ que'tel ti' tojlel jini ñuc bʌ motomajob. Che' bʌ tsa' tsʌnsʌntiyob tsa cʌc'ʌ c t'an ti' contrajob. ¹¹ Cabʌl tsac bajbeyob ti pejtelel sinagoga. Tsac wersa xic'beyob cha'an mi' p'ajob Dios. Tsac wen mich'leyob. Tsac tic'layob c'ʌʌʌ ti yan tac bʌ tejclum.

¹² Che'ʌch wolic mel che' bʌ tsa' majliyon ti Damasco, che' chocbilon majlel cha'an jini ñuc bʌ motomajob. ¹³ Ti xinq'uiñil, c rey, tsaj q'uele i sʌclel c'ajc ti bij, ch'oyol bʌ ti panchan. Ñumen i sʌclel bajche' q'uin. Tsi' yʌc'ʌ i sʌclel tic joytilel yic'ot ti' joytilel jini tsa' bʌ i cha'leyob xʌmbal quic'ot. ¹⁴ Che' bʌ tsa' yajliyon lojon ti lum tic pejtelel lojon, tsa cubi t'an woli bʌ i pejcañon. Tsi' subeyon ti' t'an hebreojob: “Saulo, Saulo, ¿chucoch wola' tic'lañon? Wola' ʌʌʌp tec' jini jay bʌ i ñi' te' cha'an ma' low a bʌ”, che'en.

¹⁵ Tsac sube: “¿Majquiyet, c Yum?” cho'on. Jini ʌc Yum tsi' yʌʌʌ: “Joñon Jesús, woli bʌ a tic'lan. ¹⁶ Ch'ojyen, wa'i', come tsa' tsictiyiyon ti a wut cha'an mic wa'chocoñet cha'an ma' melbeñon que'tel. Mi caj a wʌc' ti cʌjñel jini tsa' bʌ a q'uele yic'ot jini mu' bʌ caj a q'uel che' mic tsictiyel ti a wut. ¹⁷ Come mi caj j coltañet loq'uel ti' c'ʌb a pi'ʌlob yic'ot ti' c'ʌb gentilob. Ya' wolic choquet majlel wʌle ¹⁸ cha'an ma' cambeñob i wut, cha'an mi' sutq'uiñob i bʌ ti ic'yoch'an bʌ pañimil, cha'an mi' yajñelob ti' sʌclel pañimil. Mic choquet majlel cha'an mi' loq'uelob ti' p'ʌʌʌlel Satanás, cha'an mi' yochelob ti' p'ʌʌʌlel Dios, cha'an mi' ñusʌbentelob i mul che' mi' ñoroñob, cha'an i ten cha'añob jach jini mu' bʌ caj i yʌq'uentelob yic'ot jini sʌq'uesʌbilo' bʌ”. Che' tsi' subeyon Jesús.

¹⁹ Jini cha'an, mic subeñet, rey Agripa, ma'anic tsac ñusa jini tsa' bʌ pʌsbentiyon ch'oyol bʌ ti panchan.

²⁰ Ñaxan tsac subeyob jini año' bʌ ti Damasco yic'ot ti

Jerusalén yic'ot ti pejtelel Judea, yic'ot gentilob cha'an mi' clyob i mul cha'an mi' sutq'uiñoob i bλ cha'an mi' ñopob Dios. Tsac subeyob cha'an mi' cha'leñoob chuqui wen, cha'an mi' tsictiyel tsa'ix i cλylyob i mul. ²¹ Jini cha'an jini judíojob tsi' chucuyñoob ti Templo. Tsi' ñopo i tsansañoob. ²² Tsa' coltantiyon ti Dios. Jini cha'an c'λλ wale mic chλn subeñoob ch'och'oco' bλ yic'ot ñuco' bλ jini jach bλ t'an tsa' bλ i wλn alyob x'alt'añoob yic'ot Moisés, come tsa' ujti che' bajche' tsi' yλlyob. ²³ X'alt'añoob yic'ot Moisés tsi' yλlyob wersa mi caj i yubin wocol Cristo. Tsi' yλlyob Cristo mi caj i ñaxan ch'ojoyel loq'uel ba'an chameño' bλ, mi caj i subeñoob israelob yic'ot gentilob i sujmllel i saclel pañimil. Che' tsi' yλλ Pablo.

²⁴ Che' woli to ti t'an Pablo, c'am tsi' cha'le t'an Festo. Tsi' yλλ: Pablo, sojquem a jol. Wolix i sojquel a jol cha'an ti' q'uelol cabλ jun, che'en. ²⁵ Pablo tsi' yλλ: Mach sojquemic c jol, weñet bλ Festo. Mic cha'len t'an ti isujm yic'ot ti toj. ²⁶ Come jini rey yujil pejtelel jini. Ma'anic mic bλc'ñan c sub c bλ ti' tojlel ja'el. Come mi cλ yujil pejtelel chuqui tsa' ujti, come mach muculic tsa' ujti. ²⁷ Rey Agripa, ¿mu' ba a ñopben i t'an x'alt'añoob? Cujil ma' ñop, che'en Pablo. ²⁸ Agripa tsi' sube Pablo: Colel ma' wλq'ueñoob c ñop Cristo, che'en. ²⁹ Pablo tsi' yλλ: Uts'at mi ti junyajlel ma' ñop che' bajche'on. Mach cojic jach jatet, pero pejtelel mu' bλ i yubiñoob c t'an wale. Uts'at mi lajaletla quic'ot pero mach ti cadenajic, che'en Pablo.

³⁰ Che' bλ tsa' ujti ti t'an Pablo, tsa' ch'ojoyi jini rey yic'ot jini gobernador yic'ot Berenice yic'ot yaño' bλ ya' bλ buchulob. ³¹ Che' bλ tsi' tλts'lyob i bλ, tsi' pejcayob i bλ. Tsi' yλlyob: Ma'anic chuqui tsi' cha'le jini winic cha'an mi' chamel mi cha'an mi' ñujp'el, che'ob. ³² Agripa tsi' sube Festo: Machic tsi' c'ajti i mel i bλ ba'an César, tsa' mejli ti colel jini winic, che'en.

27

Tsi' pΛyΛyob majlel Pablo ti Roma

¹ Che' bΛ tsi' ña'tayob wersa mic majlel lojon ti barco ti Italia, jini año' bΛ i ye'tel tsi' yΛc'Λyob Pablo yic'ot yaño' bΛ xñujp'elob ti' c'Λb i yaj capitán soldadojob i c'aba' Julio, i winic Augusto. ² Tsa' ochiyon lojon ti barco ch'oyol bΛ ti Adramitio woli bΛ i majlel ti tejclum tac am bΛ ti' ti' ñajb ya' ti Asia. Tsa' ochiyon lojon quic'ot Aristarco jini ch'oyol bΛ ti Tesalónica ya' ti Macedonia. Tsa' majliyon lojon.

³ Ti yijc'Λlal tsa' c'otiyon lojon ti Sidón. Uts'at chuqui tsi' melbe Pablo jini Julio. Tsi' yΛc'Λ i t'an cha'an mi' majlel ti jula'ba'an i cΛñΛyo' bΛ, cha'an mi' poj jijlel yic'otob.

⁴ Che' bΛ tsa' loq'uiyon lojon ya'i, tsa' majliyon lojon lΛc'Λl ti Chipre ba' ma'anic cabΛ ic', come jini ic' yom i cha' chocon lojon sujtel. ⁵ Che' bΛ tsa' ñumiyon lojon ti colem ñajb ba'an Cilicia yic'ot Panfilia, tsa' c'otiyon ti Mira, jini tejclum ti Licia. ⁶ Ya'i i yaj capitán soldadojob tsi' taja jump'ejl barco ch'oyol bΛ ti Alejandría woli bΛ i majlel ti Italia. Tsi' yotsayon lojon. ⁷ CabΛ q'uin c'unte' jach tsac xΛñΛ lojon majlel. Wocol tsa' c'otiyon lojon ya' ti Gnido. Jini ic' yom i cha' chocon lojon sujtel. Jini cha'an tsa' majliyon lojon ya' ti Creta lΛc'Λl ti Salmón ba' ma'anic cabΛ ic'. ⁸ Wocol jach tsaj c'unte' xΛñΛ lojon majlel ya' ti t'ejl Creta. Tsa' c'otiyon lojon ti tejclum i c'aba' Wen BΛ i Jijlib Barco lΛc'Λl ti jini tejclum i c'aba' Lasea.

⁹ Tsa' sajti cabΛ q'uin. BΛbΛq'uen mi lac chΛn cha'len xΛmbal ti barco, come ñumenix i q'uiñilel ch'ajb. Jini cha'an Pablo tsi' tiq'uiyob. ¹⁰ Tsi' subeyob: Winicob, mic ña'tan che' mi lac majlel ti barco mi caj lac taj cabΛ wocol. CabΛ mi caj i jilel lac chubΛ'an, mach cojic jach jini barco yic'ot i cuch pero joñonla ja'el, che'en. ¹¹ Jini i yaj capitán soldadojob ma'anic tsi' jac'be i t'an Pablo. Tsi' jac'be i

t'an jini xtoj'esa barco yic'ot i yum jini barco. ¹² Mach abi wenic i jilib barco ya' ba' añob. Wocol abi mi' ñusañob i yorajlel tsañal ya'i. Jini cha'an ñumen cablob jini yomo' bλ loq'uel ya' ba' jilemob. Yomob c'otel c'λlλl ti Fenice ba' uts'at i jilib barco cha'an ya'i mi' ñusañob i yorajlel tsañal mi tsa' mejliyob. Jini Fenice jump'ejl tejclum ya' ti Creta am bλ ti' tojel nordeste yic'ot ti' tojel sudeste.

Tsa' tejchi p'λtλl bλ ic' ya' ti ñajb

¹³ Che' bλ tsa' tejchi c'unte' bλ ic' ch'oyol bλ ti sur, tsi' lon ña'tayob uts'at mi' majlelob. Tsi' letsλbeyob i pislel barco. Tsa' cajiyoob ti xλmbal majlel lλc'λl ti' ti' ñajb ya' ti Creta. ¹⁴ Mach jalic tsa' tejchi wen p'λtλl bλ ñuqui ic' i c'aba' Euroclidón. ¹⁵ Tsi' jats'λ jini barco. Ma'anic tsa' mejli ti xλmbal jini barco cha'an ic'. Tsaj cλyλ lojon c toj'esan majlel barco. Tsi' wersa chocoyon lojon majlel jini ic'. ¹⁶ Che' bλ tsa' c'otiyon lojon ba' ma'anic cabλ ic' lλc'λl ti' t'ejl ch'o'ch'oc bλ lum joyol bλ ti ja' i c'aba' Claudia, wocol tsa' mejli j cλch lojon jini ch'o'ch'oc bλ barco. ¹⁷ Tsa' ujt i ch'uyob jini ch'o'ch'oc bλ barco, tsi' bλn cλchλyob jini colem barco. Tsi' bλc'ñayob i cujob i bλ ti bulul bλ lum i c'aba' Sirte am bλ ti' mal ñajb. Tsi' ju'sλbeyob i pislel barco. Tsa' wersa chojquiyob sujtcl cha'an ic'. ¹⁸ C'ax cabλ tsi' jats'λ barco jini ñuqui ic'. Ti yijc'λlλl tsa' caji i sejb'esañob barco. ¹⁹ Ti' yuxp'ejlel q'uin tsac bajñel choco lojon loq'uel i bλl jini barco. ²⁰ Cabλ q'uin ma'anic tsiquil mi q'uin mi ec'. C'ax p'λtλl to jini ic'. Tsac ña'ta lojon ma'anic mi caj c chan colem lojon.

²¹ Cabλ q'uin ma'anic tsaj c'uxu lojon waj. Jini cha'an Pablo tsa' wa'le ti yojlil ba' añob. Tsi' yλλλ: Winicob, uts'at tsa'ic la' jac'beyon c t'an. Uts'at machic tsa' loq'uiyetla ti Creta. Che' jini ma'anic tsa' sajti la' chubλ'an. Ma'anic tsa' la' wubi wocol. ²² Wλle mic wen subeñetla, tijicñesan

la' pusic'al come ma'anic majch mi caj i chamel mi jun-tiquileticla. Cojach mi caj i jilel jini barco. ²³ Come sajmal ti ac'lal tsa' wa'le i yángel Dios ba' añoñ. I cha'añoñ jini Dios. Mic cha'liben i ye'tel. ²⁴ Tsi' γλα: “Mach ma' cha'len bla'uen Pablo. Wersa mi caj a wa'tal ti' tojlel César. Awilan, Dios tsa'ix i γλα'ueyet pejtelel woliyo' bl ti xambal a wic'ot che' bajche' tsa' c'ajtibe”, che'en. ²⁵ Jini cha'an, winicob, tijicñesan la' pusic'al come mic ñop mi caj i yujtel che' bajche' tsi' subeyon Dios. ²⁶ Wersa mi caj lac chojquel majlel ti jump'ejl lum joyol bl ti ja'. Che' tsi' γλα Pablo.

²⁷ Che' ti' chalnjump'ejlel (14) ac'lal che' bl tsa' ñijcantiyon lojon majlel ti colem ñajb i c'aba' Adriático, ti ojli ac'lal tsi' ña'tayob jini x'e'telob ti barco lac'alix añoñ lojon ti' ti' ñajb. ²⁸ Tsi' p'isiyob i tamlel ja'. An junc'al ti jajl. Ti yambal jumuc' tsi' cha' p'isiyob. An jax jo'lujunajl. ²⁹ Tsi' cha'leyob bla'uen ame mi' cuj i bl barco ti xajlel tac am bl ti' mal ja'. Tsi' chocoyob ti ja' champ'ejl i calib barco ti' yebal barco. Wocol tsi' ñusayob ac'lal. ³⁰ Jini x'e'telob ti barco tsi' ñopoyob puts'el majlel yic'ot ch'o'ch'oc bl barco. Tsi' ju'sayob ti colem ñajb. Tsi' meleyob che' bajche' mi yomob i choc jubel i calib barco ya' ti' ñi'. ³¹ Pablo tsi' sube i yaj capitán soldadojob yic'ot pejtelel soldadojob: Mi ma'anic mi' yajñelob ti' mal barco jini x'e'telob, ma'anic mi mejlel la' coel jatetla, che'en. ³² Jini cha'an jini soldadojob tsi' tsepbeyob i lazojlel jini ch'o'ch'oc bl barco cha'an mi' γα' ti sajtel.

³³ Che' bl wolix i sac'an, Pablo tsi' subeyob cha'an mi' c'uxob i bal i ñac' ti pejtelelob. Tsi' γλα: I lajchamp'ejlelix q'uin woli la' ñusan wocol. Woliyetla ti ch'ajb. Ma'anic chuqui tsa' la' c'uxu. ³⁴ Jini cha'an mic subeñetla ti wocol t'an yom mi la' cha'len we'el cha'an mi la' p'at'an. Ma'anic mi caj i sajtel mi junt'ujmic i tsutsel la' jol mi

ti juntiquileticla, che'en Pablo. ³⁵ Che' bλ tsa' ujti i sub jini t'an, tsi' ch'λmλ waj. Tsi' sube Dios wocolix i yλλ ti' tojlel pejtelel winicob. Tsi' xet'e. Tsa' caji i c'ux. ³⁶ Tsa' ñuc'ayob i pusic'al ti pejtelelob. Tsa' cajiyob ti we'el ja'el. ³⁷ Añon lojon lujunc'al yic'ot wλclujuntiquil i chλnc'al (276) ti' mal barco. ³⁸ Che' ñajobix tsi' sejb'esayob jini barco. Tsi' chocoyob ochel c'uxbil bλ i wut jam ti colem ñajb.

Tsa' jejmi barco

³⁹ Che' bλ tsa' sac'a ma'anic tsi' cλñayob jini lum. Tsi' q'ueleyob junxλjc' ñajb ba' tsa' ochi ti lum. Ya' yomob i ñijcan majlel barco ti' ti' i xλc' ñajb, mi tsa' mejliyob. ⁴⁰ Jini cha'an tsi' tsepbeyob i lazojlel i cλlib tac barco. Ya' tsi' cλyayob ti colem ñajb. Tsi' jitiyob lazo tsa' bλ i chucu i toj'esλjib barco. Tsi' letsayob i pislel i ñi' barco cha'an mi' chuc ic'. Tsi' ñopoyob majlel ti' ti' ñajb. ⁴¹ Tsa' tiliyob ba' t'oxbil jini ñajb cha'an bulul bλ lum. Ya' tsa' cλe ba' jay jini ja'. Tsa' ts'λjpi i ñi' barco ti lum. Ma'anic tsa' mejli i ñijcañob. I yit jini barco tsa' caji ti xujlel cha'an cabλ tsi' jats'λ ja'.

⁴² Jini soldadojob yomob i tsλnsan xñujp'elob cha'an ma'anic mi' puts'elob ti ñuxijel. ⁴³ I yaj capitán soldadojob tsi' tiq'uiyob come yom i coltan Pablo. Tsi' subeyob cha'an mi' chocob ochel i bλ che' bajche' jaytiquil yujilo' bλ ñuxijel cha'an mi' c'otelob ñaxan ti lum. ⁴⁴ Jini tsa' bλ cλleyob tsi' c'λñayob tabla, ojlil tsi' c'λñayob i xujt'il tac jini barco. Che' jini, uts'at tsa' c'otiyob ti lum ti pejtelelob.

28

Pablo ya' ti lum i c'aba' Malta joyol bλ ti ja'

¹ Che' uts'at tsa' c'otiyon lojon ti' ti' ñajb, tsac ña'ta lojon Malta i c'aba' jini lum joyol bλ ti ja'. ² Jini chumulo'

bλ ya'i tsi' wen p'untayon lojon. Tsi' xiq'uuyob c'ajc. Tsi' pλyλyon lojon ochel tic pejtelel lojon cha'an woli to ja'al. Tsalwan jax pañimil. ³ Pablo tsi' tempa junsejt si'. Che' bλ tsi' yotsa ti c'ajc, tsa' loq'ui tsunte'chan cha'an i ticwalel c'ajc. Tsa' ts'uyle ti' c'λb Pablo. ⁴ Jini chumulo' bλ ya'i che' bλ tsi' q'ueleyob ts'uyul lucum ti' c'λb, tsi' subeyob i bλ: Isujm, stsansa jini winic. Anquese uts'at tsa' loq'ui ti ja', wale mux caj i chamel cha'an i mul, che'ob. ⁵ Pablo tsi' pajq'ui ochel ti c'ajc jini tsunte'chan. Ma'anic chuqui tsi' tumbe. ⁶ Tsi' ña'tayob jini winicob mux i sijt'el o mux i bλc' wa'al chamel. Che' jal tsi' pijtayob tsa' caji i q'uelob ma'anic chuqui tsi' tumbe. Tsi' q'uextayob i pusic'al. Tsa' caj i yalob jiñlch juntiquil dios.

⁷ An juntiquil i c'aba' Publio am bλ i ye'tel ti jini lum joyol bλ ti ja'. Lλc'λl jach an i lum. Tsi' pλyλyon lojon ochel ti' yotot. Uxp'ejl q'uin tsi' we'sayon lojon ti' yuts'atlel i pusic'al. ⁸ Ñolol i tat ti' wλyib, woli ti c'ajc yic'ot ta'. Tsa' majli Pablo i q'uel. Che' bλ tsi' pejca Dios, tsi' yλc'λ i c'λb ti' jol. Tsi' lajmesa. ⁹ Che' cλmbil chuqui tsa' ujti, tsa' tiliyob ja'el yaño' bλ xc'amλjelob loq'uemo' bλ ti pejtelel jini lum joyol bλ ti ja'. Tsa' lajmesantiyob. ¹⁰ Tsi' yλq'ueyoñob cabλl c majtan lojon. Che' bλ tsa' cha' majliyon lojon, tsi' yotsλbeyon lojon ti barco chuqui tac yom c cha'an lojon.

Tsa' c'oti Pablo ti Roma

¹¹ Che' ñumenix uxp'ejl uw, tsa' majliyon lojon ti barco ch'oyol bλ ti Alejandría. Ya jach tsi' ñusa i yorajlel tsλñal ti jini lum joyol bλ ti ja'. An i yejtal jini Cástor yic'ot Pólux bombil ti' pat jini barco. ¹² Che' bλ tsa' c'otiyon lojon ti Siracusa, ya' tsa' jaleyon lojon uxp'ejl q'uin. ¹³ Che' bλ tsa' loq'uuyon lojon ya'i, tsac cha'le lojon joyocña bλ xλmbal c'λlλl ti Regio. Ñumenix jump'ejl q'uin, tsa' tejchi ic'

loq'uem bλ ti sur. Ti' cha'p'ejlel q'uin tsa' c'otiyon lojon ti Puteoli. ¹⁴ Ya'i tsac taja lojon hermanojob. Tsi' c'ajtibeyon lojon cha'an mij cλytl lojon yic'otob wucp'ejl q'uin. Ti wi'il tsa' c'otiyon lojon ti Roma. ¹⁵ Che' bλ tsi' yubiyob ya' ti Roma c'otemonix lojon, jini hermanojob tsa' tiliyob i tajon lojon ya' ba'an choñoñibλ tac ti Apio. Yaño' bλ tsi' tajayon lojon ya' ti Tres Tabernas. Tsa' ñuc'a i pusic'al Pablo che' bλ tsi' q'ueleyob. Tsi' sube Dios wocolix i yλλ. ¹⁶ Che' bλ tsa' c'otiyon lojon ti Roma tsa' aq'uenti permiso Pablo cha'an mi' chumtl ti' bajñel otot yic'ot jini soldado tsa' bλ i cλnta.

Pablo tsi' subu i t'an Dios ya' ti Roma

¹⁷ Che' ñumenix uxp'ejl q'uin, Pablo tsi' pλyλ tilel jini ñuco' bλ judíojob. Che' bλ tsi' tempayob i bλ, Pablo tsi' subeyob: Winicob c pi'λlob, ma'anic chuqui tsac cha'le ti' contra lac pi'λlob. Ma'anic tsaj contraji i t'an lac ñojte'el, pero tsa' ajq'uiyon ti' c'λb romanojob tsa' bλ i ñup'uyoñob ya' ti Jerusalén. ¹⁸ Che' bλ tsi' meleyoñob yomob i yλc'on ti colel, come ma'anic c mul cha'an mic chλmel. ¹⁹ Jini judíojob tsi' wersa subeyob cha'an ma'anic mi' yλc'on ti colel. Jini cha'an tsac wersa c'ajti c mel c bλ ba'an César anquese ma'anic chuqui mic sub ti' contra c pi'λlob tic lumal. ²⁰ Jini cha'an tsac pλyλyetla tilel cha'an mij q'ueletla, cha'an mic pejcanetla, come cλchλlon ti cadena cha'an wolic ñop jini mu' bλ i ñopob winicob x'ixicob ti Israel, che'en Pablo.

²¹ Jini judíojob tsi' subeyob: Jini año' bλ ti Judea ma'anic tsi' chocbeyoñob tilel jun cha'an mi' subob a mul. Ma'anic tsi' subuyob a mul mi' juntiquilic lac pi'λlob tsa' bλ juliyob. Ma'anic chuqui tsi' yλλyob ti a contra. ²² Com cubin lojon chuqui wola' ñop, come cujil lojon ti pejtelel lum woli' contrajintelob jini mu' bλ i ñopob che' bajche' jatet. Che' tsi' yλλyob judíojob.

²³ Jini judíojob tsi' wλn ña'tayob baqui ora mi' caj i cha' tilelob. Cabλ tsa' c'otiyob ya' ba' chumul. Pablo tsi' wen subeyob jini wen t'an cha'an i yumantel Dios. C'λλλ ti sac'ajel c'λλλ ti ic'ajel tsi' wen tsictesλbeyob i sujmllel Jesús che' bajche' ts'ijbubil ti' mandar Moisés yic'ot ti' jun jini x'alt'añob. ²⁴ Ojlil tsi' ñopoyob chuqui tsi' subeyob. Ojlil ma'anic tsi' ñopoyob. ²⁵ Tsi' t'oxoyob i bλ ti t'an. Che' bλ tsa' majliyob, Pablo tsi' subeyob: Isujm chuqui tsi' yλλ jini Ch'ujul bλ Espíritu che' bλ tsi' c'λmbe i yej jini x'alt'an Isaías che' bλ tsi' pejca lac ñojte'el. ²⁶ Tsi' yλλ: “Cucu ba'an jini winicob x'ixicob. Subeñob: Mi caj la' wubin t'an, ma'anic mi caj la' ch'λmben isujm. Mi caj la' q'uel, pero ma'anic mi caj i c'otel la' wut. ²⁷ Come tsa' ochi ti tonto i pusic'al jini winicob x'ixicob. Mach yomobic i yubiñob. Tsi' muts'uyob i wut, ame i q'uelob ti' wut, ame i yubiñob ti' chiquin, ame i ch'λmbeñob isujm ti' pusic'al, ame i cha' sutq'uiñob i bλ cha'an mic lajmesañob”, che'en.

²⁸ Ña'tanla, che' jini, wolix i sujbel ba'an gentilob laj coltλntel ch'oyol bλ ti Dios. Jini gentilob mi caj i ñich'tañob, che'en Pablo. ²⁹ Che' bλ tsa' ujti ti t'an, tsa' majliyob judíojob. Tsi' contrajiyob i bλ ti cabλ t'an. ³⁰ Cha'p'ejl jab tsa' ajni Pablo ti' yotot tsa' bλ i majña. Tsi' pλyλ ochel pejtelel tsa' bλ tiliyob. ³¹ Tsi' subu i sujmllel cha'an i yumantel Dios. Ti ch'ejlel i pusic'al tsi' cλntesayob i sujmllel lac Yum Jesucristo. Ma'anic majch tsi' tiq'ui.

I T'an Dios

Bible without Deuterocanon in Chol Tumbala; ctu (MX:ctu:Chol)
copyright © 1977 Wycliffe Bible Translators, Inc.

Language: Chol

Translation by: Wycliffe Bible Translators, Inc.

Chol, Tumbalá [ctu], Mexico

Copyright Information

© 1977, Bible League International

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Chol

© 1977, Bible League International

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22
